

**NATIONAL ASSEMBLY OF  
SEYCHELLES**

*Tuesday 17<sup>th</sup> May, 2022*

*The Assembly met at 9am*

*National Anthem*

*Moment of Reflection*

*Mr Speaker in the Chair*

**MR SPEAKER**

Bonzour Manm Onorab e bonzour nou staff ki pe asiste nou. Bonzour manm piblik ki pe swiv nou. Byenveni pou nou semenn travay. Mersi pou zot lentre e fidelite. Avan nou al direkteman lo leres *item Order Paper* de pti lanons.

Premye lo size protestasyon par Nasyonal Sri Lankan ki ti ganny leve konman en demann pou demann Kestyon Irzan e en *matter of privilege* dan Lasanble, mon oule anonse ki mon'n fer en *follow-up* lo la e Komisyoner Lapolis in konfirm avek mon ki sa ti ganny trete konman en *illegal assembly* e ki bann organizater ti ganny en lanmann R5000. So sa i met sa kestyon kler.

E mon ava envit bann Manm ki si zot ti annan bann

size koumsa ki kapab ganny eklersi san ki nou bezwen lev li dan Lasanble, mon touzour pare pou lyez avek bann Lotorite konsernen.

Dezyenm lanons, lo size *meter readers PUC, PUC* in konfimen ki i annan 46 *meter readers*. Donk sa i eklersi sa size, akoz ti annan kontrovers lo lefe ki Minis in mansyonn 50 apre lezot mon pa konnen ki mannyer ti arive lezot Manm ti pe *focus* lo norm 35.

Mon zis met a zot latansyon ki bann *discrepancies* koumsa i kapab arive. Si sa detay pa ti dan en kestyon spesifik, nou kapab konpran ki Minis i kapab pa tro sir lo ki egzakteman i sif korek e mon demann zot pou annan konprenezon e kourtwazi pou verifye. E si nou bezwen klarifye apre nou ava klarifye.

**HON SEBASTIEN PILLAY**

*(Off-Mic)*

**MR SPEAKER**

Sorry Onorab Pillay mon pa pe pran okenn entervansyon lo la, nou ava kontinyen. Si ou annan en pwen ou kapab touzour sinaly mwan apre e mon ava regarde si nou kapab met li dan Lasanble.

Nou ava prosede avek nou *Order Paper* e avek *Private*

*Notice Question.* Madanm Raporter mon ava demann ou pou apel Minis pou *Private Notice Question* silvouple.

**HON SEBASTIEN PILLAY**  
(Off-Mic)

**MR SPEAKER**

Onorab.

**HON SEBASTIEN PILLAY**

Wi mon ti oule zis ki ou anmenn en presizyon pou nou, si eski Lasanble i kapab ganny en kopi sa lanmann ki Lapolis in swadizan donn sa bann *Sri Lankan*? E lekel ki ti organizater sa levennman? Zis pou benefis piblik ki nou fer sir ki bann Lotorite i gard nou okouran nou bann lenformasyon.

**MR SPEAKER**

Mon ava sirkil komunikasyon ki mon'n gannyen avek Lapolis, pou lenformasyon bann Manm. Mersi.

Bonzour Minis Patricia Francourt. E byenveni dan Lasanble. E bonzour egalman Mr Jules Baker Principal Secretary pour Lanplwa ki avek Minis pou nou konsider *Private Notice Question*. Onorab Sebastien Pillay *Leader*

Lopozisyon ou *Private Notice Question* silvouple.

**HON SEBASTIEN PILLAY**

Mersi Mr Speaker. Mon pou al lo mon kestyon direkteman. Lefe ki travayer Seselwa in apros nou e pe eksprim konsern lo tretman ki zot pe gannyen dan zot landrwa travay, enkli bann travayer *IOT*, e i annan ki pe konsider kit zot louvraz akoz serten tretman, eski Minis i kapab dir ek sa Lasanble, si son Minister in resevwar okenn konplent sorti kot travayer? E ki son Minister pe fer pou asire ki bann landrwa travay sirtou bann gran lakonpannyen parey *IOT* i tret zot bann travayer dan en fason apropriye?

Konbyen demann pou *GOP* ki son Minister in resevwar sorti kot *IOT*? E lekel bann Nasyonalite ki konsernen dan bann demann?

Eski son Minister i annan lentansyon fer lenvestigasyon pou vvar kwa ki pe arive kot *IOT* e dan lezot landrwa travay, pou vvar si bann travayer Seselwa pe ganny byen trete? Mersi Mr Speaker.

**MR SPEAKER**

Mersi Onorab Pillay. Minis ou larepons silvouple.

**MINISTER** **PATRICIA**  
**FRANCOURT**

Bonzour Mr Speaker. Bonzour tou Manm Lasanble Nasyonal. Bonzour tou dimoun ki pe ekout nou.

Mr Speaker mon Minister i ranforsi 2 Lalwa prensipal ki gouvern kondisyon travay sa i: Lalwa Lanplwa e Lalwa lo Lasante ek Sekirite dan landrwa travay.

I annan plizyer mekaniz ki neseser an plas, ki asire proteksyon tou travayer dan Sesel an se ki konsern sa de Lalwa ki mon'n mansyonnen.

Premyerman, i annan en seksyon ki apel *labour monitoring and compliance*. Lobzektif prensipal sa seksyon se pou asire ki bann kondisyon travay i enn i an konformite avek sa 2 Lalwa. Sa i ganny fer atraver vizit dan lorganizasyon travay tel ki vizit routin, *follow-up* vizit, lenvestigasyon, vizit konzwent parey nou dir *joint visit*, avek bann *partenaire* tel ki Lasante e Imigrasyon.

Deteksyon lo move kondisyon travay i vin atraver sa bann vizit. Lenspeksyon dan lorganizasyon travay kot travayer ki annan okenn konsern i pas li avek zofisyen.

En lot mo deteksyon lo move kondisyon, se atraver bann rapor sorti kot travayer

zot menm. Rapor i ganny soumet dan 3 diferan fason. Par travayer ki rapport en personn kot lofis mon Minister, par telefon, atraver bann konplet formel, par en let.

Apre ki mon Minister i resevwar okenn rapor, dan tou ka en lenvestigasyon i ganny fer pou vvar si bann konplent i fonde ou non.

En rapor i ganny fer apre lenvestigasyon e let i ganny ekrir pou komunik rekomandasyon avek anplwayer.

Pour lannen 2022 zofisyen fer 751 vizit an tou an total e nou'n resevwar 124 konplent.

Travayer ri osi kapab anrezistre zot *grievance* pou konteste okenn desizyon ki ganny pran par anplwayer vizavi zot kondisyon travay.

Pour lannen 2021 mon Minister in anrezistre 371 *grievances*. Si i annan lenstans ki Lalwa ki gouvern kondisyon travay pa ganny respekte, Lalwa i donn manda Departman Lanplwa pou inisye prosedir prosekisyon atraver Tribunal Lanplwa.

Pou lannen 2021 mon Minister in prosekit 22 ka. Mr Speaker i enportan pou fer resorti, ki i annan lakonpannyen ki ganny governen par Lalwa *SITZ* -

parey nou dir *International Trade Zone Employment Regulations* 1997 ki tonm dan bann manda *Financial Services Authority*, konni konman *FSA* pou ranforsi kondisyon travay an se ki konsern lanplwa travay dan sa sekter.

Sa Lalwa i fer provizyon ki si okenn travayer dan sa sekter i annan en konplent, zot kapab anrezistre zot konplent kot biro *FSA*.

Dan ka *IOT* dapre komunikasyon ki mon'n Minister in resevwar, *FSA* pa'n resevwar okenn konplent an se ki konsern kondisyon travay.

Me plito konplent ki'n konsern aksyon disipliner ek bann terminasyon lanplwa ki dapre travayer pa zistifye.

Ankor dapre lenformasyon ki mon Minister in resevwar, de ka in pas atraver prosedir rapel kot Minister Finans in negosyasyon pou en *settlement* i an progre.

An tou ka de moman ki mon Minister i resevwar konplent oubyen rapor lo kondisyon travay pou travay *IOT*, oubyen lezot lakonpannyen ki tonm dan *SITZ*, nou toultan pran kontak avek *FSA* e nou propoz avek zot pou fer en lenvestigasyon konzwent ansanm avek nou,

pou kapab rod solisyon pour sa bann konplent.

Parey mon'n dir avan ziridiksyon sa bann lakonpannyen i tonm anba *FSA*. Rezon ki nou bezwen travay ansanm avek zot.

Si par kont konplent i ganny fer kot *FSA*, en premye pa travayer dan ka kot zot bezwen lo lasistans pou fer lenvestigasyon, nou touzour pare pou asiste.

Pour lannen 2021 nou'n fer 10 vizit dan sa sekter *SITZ* pou verifye kondisyon lasante ek sekirite dan travay, e sa sif i konpri en lenvestigasyon.

Mr Speaker nou reponn dezyenm kestyon. *IOT* i anploy 505 travayer lokal e 1375 travayer etranze. Pour lannen 2021 Departman Lanplwa in resevwar 501 laplikasyon pour travayer etranze sorti kot *IOT*. Ladan ti annan 109 nouveau pos, 399 *renewal*.

Pour premye kar 2022 nou'n resevwar 208 laplikasyon pou pos sorti kot *IOT*. *IOT* i anploy en melanz diferan Nasyonalite, tel ki *Kenian*, *Malagasy*, *Indien*, *Filipino* ek bann *Ghanaians*.

Plis lenformasyon lo kote bann sif egzakt, sa i kapab ganny demande direkteman avek *IOT* ouswa Departman Imigrasyon.

Pour kestyon nimero (3) Mr Speaker, parey mon'n fer sorti oparavan lenvestigasyon i ganny inisyé, dan tou lenstans kot travayer i enformen ki Lalwa lanplwa ouswa Lalwa lo Lasante ek Sekirite pa pe ganny respekte.

I enportan pou fer resorti ki pandan sa dernyen lannen, mon Minister i ranforsi partenarya avek nou bann *stakeholders*, ki osi enkli bann Linyon Travayer atraver bann konplent ki ganny mete a laporte mon Minister.

Me lefe i resorti ki nou annan en tre bon lantant avek bann Linyon Travayer, ki zot osi donn sipor bann travayer ki dan bezwen.

Mr Speaker Minister i reste angaze pou ki drwa e *welfare* bann travayer i ganny respekte. Kot i konsern travayer *IOT* ki tonm dan *SITZ* nou partenarya i kontinyen avek *FSA*. E toultan ki konplent i vin a latansyon, sa i ava ganny adrese dapre striktir ki egziste. Mersi Mr Speaker.

### **MR SPEAKER**

Mersi Minis. Mon ava pran en pe kestyon siplemanter sorti kot lezot Manm pou dapre letan ki nou annan. Mon ava konmans avek Onorab Ernesta.

### **HON PAUL ERNESTA**

Mersi Mr Speaker. Mr Speaker, Mins ek ou delegasyon, mon bann koleg Onorab e tou dimoun a lekout bonzour.

Mr Speaker Minis letan dan son repos in dir ki *actually* napa okenn travayer *IOT* si oule, okenn *staff* ki vin devan ki'n raport okenn problem bann konsern ki zot annan.

Petet Minis problem ki i annan avek sa akoz *staff* zot konsern, akoz letan zot vin devan kot Lanplwa, apre zot vwar zot, zot ganny targete zot ganny viktimize dan zot landrwa travay.

Kwa ki Minister pe fer pou zot kapab ankouraz sa bann *staff* re anmenn sa konfyans ki *staff* i kapab vin devan, pou zot kapab pas zot konsern e sa bann lorganizasyon travay i ganny *deal* avek *accordingly*? Mersi.

### **MR SPEAKER**

Mersi Onorab. Minis.

### **MINISTER FRANCOURT**

Mersi Mr Speaker. Mersi Onorab pou ou kestyon. Onorab mon reasir ou ki parey mon'n dir dan mon larepons i annan en prosedir ki mannyer *grievance* i ganny rikorde.

### **PATRICIA**

Kot nou departman nou ankouraze ki tou travay - e mon konnen sa poudir dimoun i fer vreman byen. Akoz zot pa ezite pou vin devan parey mon'n dir dan diferan fason.

E *part of* zot vin met zot *grievance* devan, i annan sa konfor ki nou donnen - i annan sa nou kapab dir sa *counselling* ki nou donnen, pou zot santi ki sa ki zot pe vin ganny dir konfidansyel No.1 e No.2 pou ganny *taken care of*.

Sa i en pratik vreman for ki nou fer e mon konnen senserman poudir ler dimoun i vin devan zot annan *trust* dan nou, ki nou pou *take zot case* e nou pou travay byen lo la *until the very end*. Mersi.

### **MR SPEAKER**

Mersi Minis. Onorab Labonte.

### **HON ANDY LABONTE**

Mersi Mr Speaker. Bonzour Minis avek ou *panel* e Minis mon anvi dir ou mersi pou ou bann larepons ki ou'n donnen byen detaye.

Mon premye kestyon i pli zou mwen leklersisman, eski ou annan lenformasyon *in regards to IOT* parey avan ti pran serten bann *part time* Seselwa pou travay aswar, ki konmela zot pa pe pran ditou, ki sa i kapab ede

pou redwir en pe bann etranze ki travay kot *IOT*?

Apre lo menm laliny i annan serten konplent ki *IOT* in *shut down* preski 50poursan son prodiksyon akoz i dir poudir i napa *market* pou son prodwir, e sa i pe ede ki bon pe Seselwa pe ganny demande pou reste dan lakour pou pa travay si ou annan sa lenformasyon.

Apre *in regards* pou bann Linyon, eski ou kapab konfirmen si ou ganny okenn konplent sorti kot okenn Linyon?

E ki pouvwar sa bann Linyon Travayer i annan? Mersi Mr Speaker.

### **MR SPEAKER**

Mersi Onorab. Minis repons silvouple.

### **MINISTER**

### **FRANCOURT**

### **PATRICIA**

Mersi Mr Speaker. Mersi Onorab pou ou kestyon. Onorab kot *IOT* i annan diferan varyasyon ki mannyer zot fer zot travay. I annan *full-time* i annan *part-time* i annan osi *casual*.

Nou, nou konnen poudir nou partenarya avek *IOT* kot Departman Lanplwa, i enn ki nou'n annan *for the longest time* kot zot *partner* avek nou sirtou letan zot annan lavertisman

pou zot bann louvraz. Mon asire zot vwar sa lo televizyon letan i pase menm lo nou *Facebook page* oubyen nou *website*.

Nou napa kontrol *what IOT decides to do in terms of si i met sa bann dimoun full-time part-time and so on.*

Me solman nou donn Departman Lanplwa i *still* met bann loportinite a dispozisyon, pou dimoun kapab ganny lanplwa e sa i pertinan.

E si i annan dimoun ki krwar poudir i annan bann keksoz pou fer ki pa pe mars byen *in terms of zot kontra ki zot gannyen.* Again parey mon'n dir i annan en prosedir nou envite ki bann dimoun i vin met zot *grievance.* E sa nou ankouraze e nou pa pou konnen si zot pa vin devan. Kekfwa zot dan Lasamble zot tann bann *cases* ki vin kot zot. E sa osi nou ankouraze.

Zot konnen zot pou dir Departman Lanplwa i annan en *very good relationship* avek zot tou la. Zot tou zot rapport diferan keksoz kot nou e zot konnen zot poudir ler zot rapporte *we act on it.*

E nou, nou fer sir ki toultan i pa *come to the very end* nou pa arete.

*So again mon met en lapel la deor nou, nou look after tou*

travayer pa zis travayer serteren sekter. *At the end of the day zot feel confident to come forward.*

*In terms of bann Linyon i annan 2 Linyon an partikilye ki nou travay vreman close avek e zot osi zot email nou, zot call e mon konnen bann Linyon menm in dir sa fortman lo medya, poudir zot anmenn bann *cases* devan e *we always always - sa i garanti ki nou take zot bann cases e we looking to it.**

E nou annan en bon lantant akoz finalman nou osi nou pe travay pou byennet travayer parey avek zot. E nou ankouraze ki tou Linyon i *come forward* e zot donn nou sa bon langazman *at the end of the day* i pou byennet bann travayer Seselwa. Mersi.

### **MR SPEAKER**

Mersi Minis. Onorab Cosgrow.

### **HON WALLACE COSGROW**

Mersi Mr Speaker. Bonzour Mr Speaker. Bonzour Minis. Bonzour tou dimoun a lekout.

Mr Speaker mon ti ava kontan demann Minis an se ki konsern *grievance procedure* nou konnen *over the years* sa *grievance mechanism* in evolye sirtou pou bann lorganizasyon

ki tonm anba *purview* Lalwa Lanplwa. E i annan prosedir ki konmans dan landrwa travay ki ariv negosyasyon kot Departman Lanplwa, apre evantyelman i bouz anba dan *legal system* anba Tribunal Lanplwa.

E sa i byen etabli anba Lalwa Lanplwa. Me par kont nou konnen ki poudir *ITZ* ler ti vini pou sey *entice* en pe sa bann lakonpannyen, ti annan en *different* prosedir pour bann *ITZ C company*, me sa ti en bon pe letan pase.

E i ti annan demars-

### **MR SPEAKER**

Onorab pa tro gran *statement* silvouple.

### **HON WALLACE COSGROW**

Mon bezwen met konteks Mr Speaker. I enportan konteks.

### **MR SPEAKER**

Yes me ou bezwen fer li kourt. Nou annan letan pou kestyon, pa gran *statement*.

### **HON WALLACE COSGROW**

Ok. Prezan mon konnen ti annan serten demars pou revwar sa zafer *ITZ* e en diskisyon avek Minister Finans pou ki tou *grievance mechanism procedure* i antre anba Lalwa

Lanplwa e ki tou dimoun i ganny rekour anba Lalwa Lanplwa.

Ki zistans Minis ou Minister i été, pou etabli sa *mechanism* pou ki bann travayer. Sirtou par egzanzp kot *IOT* kot i annan bokou travayer Seselwa i kapab ganny rekour dan en sistem en pe pli organize, E finalman al *end-up* kot Lakour Zidisyer?

Dezyenm kestyon eski nou konnen Prezidan fek resevwar bann *owners IOT*, eski Minister Gouvernman i ankor pe mentenir sa *ratio* ki ti ganny etabli inisyalman, kot i annan omwen - mon krwar si mon pa tronpe si 60 40 poursantaz, kot *maximum* Seselwa i kapab ganny en loportinite pou al travay kot *IOT* e ki zot fer en karyer kot *IOT*. E ki napa difikilte pou zot ki zot vvar zot petet pe ganny serten problem ganny pouse kot *IOT*? Mersi.

### **MR SPEAKER**

Mersi Onorab. Minis repons silvouple.

### **MINISTER FRANCOURT**

Mersi Mr Speaker. Onorab i byen ou fer resorti bann prosedir akoz ou konn sa vreman byen ou'n dan sa domenn. E bann prosedir

### **PATRICIA**

parey ou konnen i vreman kler e i sistematik. E napa fason ki pou *wrong* li. *You go all the way you exhaust the grievance procedure.*

Ou konnen i annan letan i annan fason ki ganny fer. *So you know the procedures very well.*

*In terms* mon ava les PS azout en pti bout avek ou permision Mr Speaker *in a moment*. Again mon fer resorti sa partenarya avek IOT i vreman byen. Se pou sa ki mon'n dir nou kolabore pou fer sir ki i annan en bon balans travayer e donn loportinite travayer Seselwa pou antre dan IOT.

E nou'n vwar sa i mars vreman byen. Letan mon'n donn mon bann *chiffre of statistic*, ou vwar letan konbyen *renewals* nou donnen, konbyen *applications* mon'n donnen. Ou vwar poudir i annan en gran zefor. E dimoun i servi sa loportinite *because it's a 24 hours operation*. E i annan dimoun ki mon konnen in antre dan sa bann lanplwa laba, ki benefisyé.

Me par kont mon refer sorti ki Departman Lanplwa i *take of* tou travayer. E nou travay *conjointly* avek FSA pou fer sir. Oubyen bann ki tonm SITZ nou fer sir ki nou met

primordyal *health and safety* bann travayer an plas, e nou fer sir ki lazistis i ganny kontinyel. Mon ava les PS Mr Speaker avek ou permision pou zis donn en pti larepons lo sa premye bout? Mersi.

### **MR SPEAKER**

Wi PS i kapab azoute.

### **PS MR JULES BAKER**

Bonzour Mr Speaker. Bonzour tou Manm Onorab. Bonzour tou dimoun ki a lekout. Mersi Mr Speaker. Mersi Onorab pou ou kestyón.

Annefe Onorab pou oule zis reasir ou pou en tre bref e kourt, ki wi i deza annan langazman de lapar Gouvernman ansanm avek Minister Finans, pou reget e re armoniz sa de Lalwa ki annan ant Lalwa avek SITZ. Konversasyon i an progre.

Me par kont ou konstate Onorab in annan bann *incentives* ki ti ganny *allocate* avek bann operator dan sa zone. *Of course* i annan nesesite pou kapab al re-negosye avek zot pou vwar ki mannyer nou kapab fer.

Me solman sa ki mon kapab garanti ou se ki i annan en striktir an plas anba *SITZ Regulation Employment Regulation*, seksyon 30 an

partikilye ki fer provizyon ki okenn travayer ki i annan en *dispute* pou li anrezistre son *grievance* kot FSA - biro FSA.

E si en desizyon i ganny donnen par FSA e sa travayer i pa dakor avek sa desizyon, i annan drwa pou li fer rapel devan Minis pour Finans ki Minis responsab pour SITZ.

Sa striktir i deza an plas. Parey Minis in fer resorti i deza annan ka ki devan Minis ki pa ankor fini ganny rezourd.

Me an term armonizasyon sa de Lalwa i an progre. E nou kapab dir ou poudir ki tre byento kekfwa en desizyon i ava ganny pran vizavi sa armonizasyon sa de Lalwa.

Me parey ou bezwen konpran poudir Lalwa domestik *Employment Act* avek Lalwa SITZ i annan de konponan ki vin avek. E ou konn sa ekstrememan byen.

Lo kote IOT *quota yes*, toultan Gouvernman Minister Lanplwa i met lanfaz pou ki bokou Seselwa i antre dan IOT pou travay.

E mwan personnelman, Minis personnelman, nou bann teknisyen personnelman nou'n asize avek IOT, pou rod pli bon mekanizm an plas pou ankouraz plis Seselwa parey. Par egzanp ki mannyer nou kapab les tou Seselwa travay zis

lizour olye aswar, akoz ti annan bann *issues transportasyon*, ti annan bann *issues zot napa personn* pou vey piti, sa osi ozordi kot IOT lamazorite Seselwa ki travay i travay zis lizour.

E par kont menm si Onorab Labonte in lev sa kestyion *part-time* ankor nou ankouraz IOT pou ouver laport pou bann dimoun fer 3, 4, 5, 6 erdtan *part-time* en fason ki zot osi zot ava kapab annan sa *socialize balance*.

So Mr Speaker zeneralman mon kapab dir ou poudir zefor Minister Lanplwa - par kont tou laplikasyon pou donn en GOP i pas atraver FSA pou vin kot Minister Lanplwa pou donn laprouvasyon.

*So we are aware* ki bann demann ki IOT i annan. IOT i pou kontinyelman annan demann Onorab pou sa fitir ki pe vini. Mersi Mr Speaker.

## **MR SPEAKER**

Mersi PS. Onorab William.

## **HON WAVEN WILLIAM**

Mersi Mr Speaker. Mon anvi demann Minis letan si i kapab eksplik sa Lasamble, letan en endividé ouswa en group dimoun i anmenn en case devan, si i kapab dir nou

an mwayenn konbyen letan i pran pou ganny rekour?

E dezyenmman, eski Minis i kapab dir nou letan bann baze lo sa bann *case* poursantaz *case* ki ou'n dir nou i egziste, eski ou vwar poudir travayer zot vreman konpran zot kontra e konn zot drwa e langazman ki zot in fer parmi sa bann *case* ki ganny vin devan?

E Minis eski sa bann travayer ki vin devan, eski zot ganny satisfaksyon finalman a lafen dizour letan zot *c ase* in fini vin devan, ki mannyer sa i ganny kominike avek zot?

Akoz i annan en pti pe doutans lo la. Mersi.

### **MR SPEAKER**

Mersi Onorab. Minis.

### **MINISTER FRANCOURT**

Mersi Mr Speaker. Onorab letan ou konn prosedir letan en dimoun in vin *register* en *case*, me parey mon dir *most of the time* i sa konfidans ki ou bezwen donn sa dimoun *to come forward*. Nou gannyen kekfwa *phone calls*. Me solman *when it's lodged properly* e *it's lodge officially* this is the document that we need to process that.

Me selman nou travay si nou pe koz *IOT* nou pe travay

avek SFA. E zot konnen zot bann *cases* ki vin kot nou, nou deza *we will pass on to them*.

Mon konnen lannen pase par egzanp i annan vizit ki nou'n fer e *actually about a few weeks ago*, in enn bann keksoz ki mon'n koz lo la, mon dir letan nou'n fer vizit nou'n get lo *health and safety aspect, we need to go back*.

So mon fer lanfaz lo revizite pou regarde eski i annan keksoz ki nou bezwen re-tyeke regarde si an plas. E en *FSA* osi i bezwen fer son bout.

Ledikasyon travayer sa i en keksoz ki mon konnen poudir Departman i fer, akoz parey mon dir letan zot vini pou met en *grievance* devan, ou bezwen asize avek sa dimoun *to go through the process*; fer en *counselling* avek zot pou fer sir ki zot konpran. *21 days* is sa kantite letan ki pou pran *for the process to start*.

E si *after 21 days* i pou ale mon konnen poudir i annan en letan *42 days - what is the next stage?*

So zot ganny enformen *as and when along the way*. Mon pa believe les dimoun letan in anmenn en keksoz devan zis lezot in *suspense* ki zot pa konnen ki pe arive.

So mon pa believe ladan. So mwan mon believe donn

lenformasyon dimoun. Kominik avek dimoun. So dimoun i konpran e sa i *part of the education that we need to actually do.* Mersi.

**MR SPEAKER**

Mersi Minis. Onorab Gabriel.

**HON CONRAD GABRIEL**

Mersi Mr Speaker. Bonzour tou dimoun a lekout. *Welcome* Minis, *panel.* Minis mon ti ava kontan demann ou petet ki Polisi ou Gouvernman prenon kont sityasyon ekonomik, dan pei pou les en dimoun fer 2 louvraz an menm tan?

Par egzanp i annan *carer* dan mon distrik ki'n leve in al debourye. Fer sa pti louvraz *carer* boner.

**MR SPEAKER**

Onorab nou lo kestyon IOT silvouple e lanplwa.

**HON CONRAD GABRIEL**

*IOT ya, IOT.*

**MR SPEAKER**

Ou kapab limit ou lekor lo la.

**HON CONRAD GABRIEL**

Mon pe vini *ya, ya.* So ki Polisi ou Gouvernman an zeneral pou atak sa sityasyon pou les en dimoun fer 2 louvraz?

Dezyenmman ou annan apepre 400 *renewal* zis dir nou an gro konbyen reveni Gouvernman i anmase avek IOT? Mersi.

**MR SPEAKER**

Mersi. Minis mon sezi kekfwa petet serten laspe pa dan ou responsabilite Minister, me silvouple donn Onorab sa ki ou konnen.

**MINISTER**

**PATRICIA FRANCOURT**

Mersi Mr Speaker ou'n byen dir sa dezyenm parti i pa dan mon *remit.* Mon pa kapab dir ou, sa i en kestyon kekfwa ou kapab poz avek Finans.

Me selman *definitely* Polisi Gouvernman i ankouraze si dimoun i le plis ki en louvraz. Me solman mon pa pou koz lo *carer* akoz sa ou pe koz lo en lot keksoz, petet taler letan nou annan kestyon *carers* ou kapab vin lo la.

Me solman mon krwar en pei ki pe *empower* son dimoun pou *economically better off*, napa naryen pou anpes en dimoun pran en dezyenm louvraz.

Me tou louvraz i vin avek, premyerman dan ou premye louvraz *conform* donn ou erdtan, *be productive.* Fer sa ki ou annan pou fer.

Me si ou apre ou le al travay en lot louvraz, mon krwar pa si i annan kontrent ladan. Mersi.

### **MR SPEAKER**

Onorab ou 2 kestyon i pa'n lo size. Mon permet ou en klarifikasyon vitman. Fer rapel poudir i annan lezot Manm ki pe espere pou demann kestyon.

### **HON CONRAD GABRIEL**

Yes, Speaker mon ava klarifye bann dimoun ki presizeman pe al travay *IOT*.

### **MR SPEAKER**

Wi. Mon pa konnen si Minis in sezi kestyon? Mon pa'n tro konpran kestyon. Minis?

Ok nou ava move on silvouple. Onorab Esparon.

### **HON REGINA ESPARON**

Mersi Mr Speaker. Bonzour tou dimoun. Minis donne ki Gouvernman i annan 40 poursan *share* dan *IOT*, e i annan, mon prezimen i annan manm lo *Board IOT*.

Eski Minister pe travay pre ek manm *Board* pou asire ki problem travayer i ganny adrese?

E eski i annan en dimoun ki reprezent travayer pou *advocate* pou bann travayer,

oubyen letan i annan en problem zot apwent enn?

E Minis ou'n mansyonnen ki ou Minister i travay pre avek 2 Linyon. Lekel sa 2 Linyon silvouple?

### **MR SPEAKER**

Mersi. Minis repons *please*.

### **MINISTER**

### **FRANCOURT**

Mersi Mr Speaker. Mersi Onorab pou ou kestyon. Mon a pran sa dezyenm bout. Wi nou travay *very close* avek *SLU* avek *SFWU*. E nou annan en bon rapor letan nou koz avek zot.

Mr Speaker avek ou permisyon mon ava les *PS* pran sa premye bout silvouple?

### **MR SPEAKER**

Mersi. Wi.

### **PS JULES BAKER**

Mersi Minister. Mersi Mr Speaker. Onorab mersi pou ou kestyon. Zis pou mwan reasir ou ki malgre bann prosedir ki annan pou fer avek *grievance* pa tonm anba Minister Lanplwa.

Minister Lanplwa i ganny reprezante lo sa ki nou apel *Seychelles SITZ Employment Council*. Annefe se Departman Lanplwa ki Chair *the Council*

letan i annan bann *grievance* ki Minis pou Finans i met a latansyon.

Par egzanp letan en travayer i anrezistre son *case* anba Seksyon 30 *SITZ*. I al kot *FSA* e i pa dakor avek en desizyon, i *appeal* kot Minis.

Minis prezan i refer sa *case* lo *SITZ Employment Council*. E sa i annan 2 manm Minister lanplwa lo la. En manm avek en *Chair*. E apre i annan bann lezot *stakeholders* ki enkli *SFA* osi ki asiz lo sa *Board*.

Mersi Mr Speaker.

### **MR SPEAKER**

Mersi PS. Onorab Gill.

### **HON CHURCHILL GILL**

Mersi Mr Speaker. Bonzour Minis, *panel* e tou dimoun a lekout.

Minis eski dan lakantite demann *GOP* pou *IOT* ou'n remarke ki in annan en bes?

Dezyenm, eski bann *case* ki nou pe koz lo la i annan bann *recurrent cases*? Vi ki i en sel lakonpannyen, eski ou santi dan bann *record cases* nou annan bokou *recurrent cases*.

E si sa i le ka, ki pe ganny fer pou kapab *alleviate* sityasyon?

E dernyen anba ou *Policy Understudy* pou akseler

lokalizasyon bann *post* ki ganny okipe par etranze kot *IOT*, eski ou Minister i satisfe ki sa pe marse? Mersi.

### **MR SPEAKER**

Mersi Onorab. Minis respons *please*.

### **MINISTER**

### **FRANCOURT**

Mersi Mr Speaker. Mersi Onorab. Onorab *the application* i pa en gran *decrease* ou kapab dir. Nou'n remarke sa. I plito bann *recurrent renewals* ki pe vini parey mon'n dir dan mon *figures*.

*Definitely* taler letan mon pou reponn kestyion *localization*. Tou lakonpannyen ki *go through the GOP process* nou fer sir ki pa zis *localization*. *Even* antye avek son *succession plans* and son *reskilling programmes*. *My First Jobs Programmes*, tou i vin ansanm.

Nou ankouraze. E alor nou annan en kontrol *in terms* pou ogarde poudir eski sa *post* i kapab ganny lokalize.

E nou annan bann koze direk. Akoz avan ler nou *approve* en *post definitely* nou bezwen fer sir. E zot konnen sa zot. Mon konnen nou annan *good working relation* avek ou menm kot nou *try* nou *very best*

pou fer sir ki nou *localized* tou bann *post as such as possible*.  
Mersi Onorab.

### **MR SPEAKER**

Mersi Minis. Onorab Loze.

### **HON JOHAN LOZE**

Mersi Mr Speaker. Mr Speaker sa ki mon ti anvi demann Minis se, Minis eski i pou posib pou ou travay zot de *PS* naturelman, lo en plan sirtou en plan komunikasyon pou sey reetablir konfyans dan ou Minister?

Kot travayer Seselwa i ava santi zot kapab aprose, vini, fer konplent kot ou Minister san okenn lafreyer ki sa pou annan reperkisyon dan zot travay? Akoz se sa ki pe pase ozordi. Ou vvar zot pe fer plent atraver lezot dimoun lo rezo sosyal, dan bann lezot landrwa, zot fer bokou avek nou bann *MNAs*.

Be i, mon krwar zot i annan bokou travayer ki annan problemm ki pa pe vin kot zot. E ki zot bezwen travay lo reetablir konfidans ant zot ek travayer Seselwa. Sa enn.

Apre mon ti pe gete si i posib pou zot pouz zot Departman Lenspektora pou vin pli proaktiv. Akoz i annan en kantite konplent e konplent ki *genuine*.

Ou annan landrwa travay kot travayer Seselwa pe koz ou

ki zot pe ganny maltrete, dan en zefor pou zot ganny ranplase par etranze. Sa i enn.

Ou annan lot lenstans kot zot dir ou etranze i vini pou pran *post Manager*. Me zot travayer normal or ordiner zot ganny forse pou *train* en etranze ki li i pe vin fer, i pe vin ansarz zot li. I pe vin *manage* zot li. Selman zot ki montre li travay.

I annan plent kot Seselwa i dir ou zot, zot ganny demande pou travay depi 8er ziska minwi. Me letan lezot Seselwa i vin demann lanplwa dan sa menm landrwa travay, Seselwa i ganny dir i napa plas. I annan ase travayer. Selman bann ki la an plas pe ganny forse pou travay an plis.

Ou annan sityasyon kot post i ganny aboli. En *post* i ganny aboli. Bann lezot Seselwa ki travay dan sa Landrwa zot ganny demande pou travay dan sa *post* ki'n ganny aboli - sa spesyalizasyon.

Me zot pa ganny okenn *training*. E ler zot fer fot zot ganny blanmen.

### **MR SPEAKER**

Ok Onorab lo kestyion silvouple.

### **HON JOHAN LOZE**

Minis mon'n met, mon'n demande mon 2 kestyion dabor. Apre mon'n etablir sa ki mon ti

pe esey dir - bann sityasyon ki mwan mon vvar.

Mon pa pe *hold the gun at your head Minister*. I pa *political* mon lentansyon. Mon pe zis fer reprezantasyon bann keksoz ki mwan mon'n gannyen.

*PS* deor mon kapab montre ou sa ta *texts* ki annan lo mon telefonn ki etablir la baz pou bann kestyon ki mon'n demande ozordi, akoz-

### **MR SPEAKER**

Mersi.

### **HON JOHAN LOZE**

Minis mon dernyen pwen ki mon pou fer. Ozordi en travayer Seselwa ki dir ou son frer pa'n travay pandan 2an. Li i sibir tou sa bann keksoz la ki mon pe dir ou la ozordi.

Akoz i konnen son frer 2an pa ankor ganny en lanplwa si i anvoy latet i ganny met deor. Li osi 2an i kapab pa travay. Mersi Mr Speaker.

### **MR SPEAKER**

Mersi Onorab. Minis ou larepons lo kestyon.

### **MINISTER FRANCOURT**

Mersi Mr Speaker. Mersi Onorab. Onorab mon pa pou agree avek ou ki dimoun napa konfidans pou zot vin devan,

oubyen konfyans parey ou'n dir pou vin devan pou vin rapport zot ka.

*In actual fact* bann sif ki mon'n montre ou i montre en increase dimoun pou come forward.

*Gone are the days* ki dimoun i annan sa lafreyer. Si zot annan sa lafreyer ti avan en kantite kot zot ti per si zot vin devan zot pou ganny pouse dan zot louvraz. Oubyen pou annan *reprisals* parey nou dir.

Dimoun i pli konfidan. E mon kontan sa konfidans ki Seselwa i annan. Si par kont mon pe koz ek piblik, i annan dimoun ki napa sa konfidans, mon pe dir la, en lapel, vin devan koz ek zot bann MNAs. Kekfwa bann MNAs ki annan zot *own* distrik ki angaze avek zot dimoun, zot konn sa vreman byen.

Petet zot war zot bann dimoun i vin kot zot. E zot angaze. E nou ganny sa bann lenformasyon direk. Si dimoun i anvoy ou *text*, mon ankouraz ou anvoy sa bann text kot mwan direkteman.

*I will look into it and I will make sure* ki sa bann *text* i ganny regarde enn par enn.

*So mwan mon krwar poudir laport pou dimoun come forward, this is the best time*

ki'n arive ki dimoun i kapab vin rapporte.

E par kont mon dir sa letan mon per mon pou ganny pouse. La, ou'n dir dimoun ankor *it is gone! It is gone!* Akoz nou, nou la pou fer sir ki zot konnen zot tou poudir nou travay for kot Departman Lanplwa, pou fer sir ki nou dimoun i vin premye dan louvraz.

Alor fodre pa dimoun i annan lafreyer. Mon angaze, mon met en lapel ankor. Ou ekrir, vin war mwan mon *hold mon meetings every Thursday a whole day. If not a whole day a day and a half.*

Kot dimoun i vini zot vin met zot bann konsern devan. *And I have to make sure ki tou sa bann dimoun zot konplent i ganny ekoute.*

*Inspectorate team zot fer en very good job.* E pou sa kantite ki nou annan. Mon'n donn bann *figures, zot on the go all the time.* Preski tou le semenn an mezir bann *cases* i vini, mon *chapeau to them.*

Akoz zot ale dan sa bann landrwa ennler vreman difisil. bann landrwa izole. Ou war zot, zot ale zot fer en *very good job.* Zot rapor in ganny ekrir.

Tou le semenn mon pe lir rapor ki'n arive letan zot in al fer zot lenspeksyon. Ki zot in

mete. Mon o fe mwan avek sa bann keksoz.

E si i arive poudir i annan keksoz mon bezwen *query* mon ale mon *query.* Mon demann ankor kestyon. Si fodre al fer en dezyenm vizit, al fer en dezyenm vizit.

Annandler mon pa ni esper sa dele letan sepa pou dir dan 3 mwan fer sa vin pli byen. Si fodre al pli boner nou'n fer.

Dan letan *COVID* nou ti fer tousala. Nou pa ti les travayer debat zot tousel *and stand on their own two feet!* Nou ti pe fer sir ki *at the same time* nou pe met travayer premye.

*So definitely mon pou dir poudir sa louvraz ki nou pe fer i fantastik !* Me solman mon lapel ek dimoun deor *come forward* si zot, zot annan konplent. Anvoy kot mwan mon ankouraze. E mon pou remersi zot pou sa. Mersi.

### **MR SPEAKER**

Mersi. Onorab ou'n pran en kantite letan pou demann ou kestyon. Si ou le swivi avek sa bann ka ki ou'n mete, silvouple Minis in evit ou pou ou komunik avek zot direkteman. Mon pou demann ou pou fer sa. Mersi.

Mon ava pran kestyon Onorab loter Mosyon Onorab Pillay.

### **HON SEBASTIEN PILLAY**

Mersi Me Speaker. mon ti aa kontan dir ki mon en pe konsernen avek bann larepons ki mon'n gannyen. Alors mon ava sey demann Minis serten presizyon lo bann larepons ki in donn nou.

Premyerman Minis an relasyon avek sityasyon *IOT*, mwan mon annan lenformasyon ki se yer ki ou Minister in pran kontak avek serten *Management* dan *IOT*, lo sa bann size sa bann kestyon.

E ler ou'n koz lo size transpor. Akoz zot ki'n met sa pwen devan, ou'n koz lo size transpor, eski ou Minister i okouran ki ozordi i annan *staff IOT* ki fini travay 10er diswar, ki pe bezwen rod en fason rod zot prop transpor pou al se zot menm si zot reste Anse Royale, Les Canelles, oubyen si zot reste dan lezot landrwa zot ki bezwen rod zot transpor?

E zisteman sa bann *staff* pa le vin devan pou koz lo la akoz zot in ganny dir par *General Manager* ki'n al bwar dite avek ou Prezidan, ki si zot al koze zot riske perdi zot louvraz oubyen zot kapab ale laport i ouver.

*Staff IOT* pe ekout mwan, zot pe ekout ou nou ava konnen ki larepons ou donnen lo La.

Dezyenmman Minis ou'n koz lo rol *FSA* lo relasyon avek *ITZ*. In annan pa mal konplent lo bann konpannyen *ITZ* resaman, e an relasyon avek kapasite *FSA* pou li fer sa travay.

Mon pa pou nonm non sa bann lakonpannyen. Me i annan sa bann lakonpannyen in dan domenn piblik pou en pe letan.

E ler ou koz nou dimoun pa per. Mon konn *staff* ki'n vini ki'n vin fer konplent kot ou Minister ki apre in ganny *downgraded* dan son louvraz.

So eski ou kapab dir nou ki mannyer ou pe travay avek *FSA*? E ki dernyen fwa *ITZ Employment Council* in zwenn pou konsider bann problem *employment* an relasyon avek bann konpannyen ki dan *ITZ*?

E si eski ou Gouvernman pou propoz en lamannman dan Lalwa *ITZ*, pou fer ki anba sa seksyon 14 laplikasyon *grievance procedure* anba Lalwa Lanplwa, i ava tonm anba prerogativ Minis, e non-pa prerogativ *FSA*.

Pou fer ki bann travayer ki dan *ITZ* i ava kapab ganny en fair *deal* ler zot anmenn en *grievance*.

An relasyon avek sa size *GOP* Minis, mon ti ava kontan ou klarifye en keksoz pou nou.

*IOT* ti sipoze annan en sistenm *appraisal* pou bann Seselwa pran zot plas. E ou dir ou pa pou konnen kwa ki pase dan *IOT*, akoz *IOT* pa ou responsabilite.

Onorab Esparon in fer en pwen en pe enportan. Gouvernman i annan 40 poursan *shares* ladan. E Prezidan in zwenn *GM IOT*.

Eski ou Minister i kapab donn nou en langazman ki ou pou al regarde lo ki dernyen fwa ki *IOT* ti *actually* fer en sistenm, sa *appraisal, regarding* sa sistenm ?

E lefe ki *IOT* sipoze annan en *Workers Council*, ki ti ganny met an plas apre sa *strike*. E ou'n dir nou ou Minister in vreman *successful*. Me sa strike ti ariv dan letan ki ou Minister i la.

E *IOT* ti annan en *Workers Council* ki ti fer *strike*. Ki apre sa *strike* in ganny kree. Ki santiman sa *Worker Council* *IOT* ozordi? Akoz sa ti en demann ki Minister Lanplwa ti met devan.

Prezan an relasyon avek bann lenvestigasyon dan bann landrwa travay Mr Speaker.

### **MR SPEAKER**

Onorab ou bezwen terminen en ler.

### **HON SEBASTIEN PILLAY**

Mr Speaker mwan si bann Manm lo kote Gouvernman pa oule demann kestyon pou travayer, i pa mon problem mwan.

### **MR SPEAKER**

*Ok.*

### **HON SEBASTIEN PILLAY**

Mwan mon pou demann mon kestyon.

*(Interruption)*

*(mic switched off)*

### **MR SPEAKER**

*Order! Order!* Annou pa komanse silvouple. Onorab i bezwen annan en limit.

### **HON SEBASTIEN PILLAY**

Mr Speaker ou pa kapab zis koup mon *micro*?

### **MR SPEAKER**

I bezwen annan en limit lo lakantite-

### **HON SEBASTIEN PILLAY**

Mon pe koz pou travayer Seselwa mwan!

### **MR SPEAKER**

Onorab ekout mwan.

### **HON SEBASTIEN PILLAY**

Mon pe ekout ou. Ou kapab ekout mwan.

**MR SPEAKER**

Ekout mwan silvouple.

**HON SEBASTIEN PILLAY**

Mon pe ekout ou ale dir mwan.

**MR SPEAKER**

I bezwen annan en limit lo lakantite kestyon ki ou kapab mete. Ki kantite pwen ki ou kapab fer. En kantite ou bann pwen se pa neseserman kestyon.

Ou pe sey prouv serten ka ki ou ou'n gannyen. Alor mon ti a dir ou les, permet Minis demann, reponn ou bann kestyon silvouple.

**HON SEBASTIEN PILLAY**

Mersi. Mon ti ava kontan zis dir ou Me Speaker an relasyon ek sa ki ou'n dir mwan.

**MR SPEAKER**

Onorab ou kestyon.

**HON SEBASTIEN PILLAY**

Be ou pa kapab dir mwan en keksoz, mon pa kapab koze !

**MR SPEAKER**

Ou kestyon silvouple.

**HON SEBASTIEN PILLAY**

Ou bezwen les mwan koze.

**MR SPEAKER**

Ou kestyon silvouple.

**HON SEBASTIEN PILLAY**

(Ou'n ganny elekte pou en distrik demann kestyon pou ou distrik en? Aret asize dan Lasanble pa demann kestyon).

Mr Speaker-

*(Interruption)*

**MR SPEAKER**

Bann lezot Manm silans silvouple.

*(Off-Mic)*

**HON SEBASTIEN PILLAY**

(E, ou reste ou trankil ou) !

**MR SPEAKER**

Onorab.

**HON SEBASTIEN PILLAY**

Si ou annan kestyon ou demande.

*(Mic switched off)*

**MR SPEAKER**

Be, ou pa kapab met lord avek lezot Manm. Ou bezwen les mwan fer sa. Si ou ki pou met lord avek lezot Manm mon sorti mon ava les ou met lord!

*(Interruption)*

**MR SPEAKER**

Onorab annou, *let's get back to order please.* Ozordi i mardi bomaten nou fek komans en lasemenn. Annou sey prosed annord pou nou kapab fer nou travay.

Onorab silvouple konplet ou bann kestyon Minis ava donn en repons.

**HON SEBASTIEN PILLAY**

Mersi Mr Speaker. Mwan mon pa pou - mon pou tenir toultan. Mon pa pou large. Si mon annan en keksoz - en pwen ki mon le fer mon pou sey fer li.

Minister ou'n koz lo *grievance procedure investigation.* Mon ti ava kontan demann ou ankor enn fwa.

Eski ou krwar ou *grievance procedure* pe *capture* bann problem ki bann travayer pe fer fas avek dan bann diferan landrwa travay?

Si ou konfidan poudir ou *grievance procedure* pe kouver sa bann keksoz, *then* travayer pe ekoute la deor.

Me eski ou pare pou pran li lo nou demann - akoz enn mon rol koman en Manm Lasanble se *press the Minister for action.*

Eski ou'n pare pou pran li lo nou demann ? Pou enn, regard ki pe pase kot bann gran

lakonpannyen ki dan *ITZ* e met en pe plis lanfaz avek *FSA* pou vwar ki kondisyon travay bann travayer i ladan.

E zisteman avek bann lezot gran lakonpannyen an relasyon avek lafason ki bann *staff Seselwa* pe ganny trete. E ki mannyer bann *staff Seselwa* pa pe ganny sans pou progrese dan bann lorganizasyon.

Kot zot pe war zot pe fer en louvraz ki zot pli kalifye ki menm sa dimoun ki'n vini pe ansarz zot? Mersi Mr Speaker.

**MR SPEAKER**

Mersi Onorab. Minis ou repons *please.*

**MINISTER FRANCOURT**

Mersi Mr Speaker. Mersi Onorab pou plizyer kestyon. Mon a gran en bout apre PS i ava pran 2 bout. Onorab ou'n demann mwan, ou premye *statement* ou dir dapre ou mon pa konnen ki pase kot *IOT*.

Mon le koriz ou lo la. *I do know what is happening in IOT si dimoun i comme forward and let us know.*

Si ou, ou annan lenformasyon ki kekfwa nou, nou pa gannyen mon, non, *send it to me !* Sak fwa mon vin Lasanble mon dir ou anvoy kot mwan direk ! Mon *welcome* sa.

E ou konnen ou poudir letan ou anvoy en keksoz kot nou, nou reponn e nou reazir lo la. *So therefore*, mon met sa lapel ankor Onorab, anvoy kot nou e nou ava *take it*.

Sa ki nou travay lo la se sa ki nou konnen. Annan de fwa si zis sa dimoun i anvoy zis en pti *text* kot ou la, i pa *the right channel*, i bezwen *follow procedures*.

I annan en *grievance procedure* ki i bezwen *follow*. Mon satisfe avek sa ki mon *staff* i fer pou *follow grievance procedures* si bann keksoz i ganny anmenn devan.

E si bann keksoz i ganny rikorde, i ganny *lodged* koman bann *grievance*, *it is only then* ki nou kapab *act on it*.

Si nou pa tande nou tann *the grapevine* nou pa pou kapab *follow prosedir*. *So again*, mon dir ek dimoun *please nepli ler* pou dimoun dir poudir zot per.

Napa naryen pou zot per. *You come forward*. Nou annan fason ki nou fer nou envestigasyon ki nou fer sir. E i annan fason ki nou *hold* sa bann organization *accountable*.

Zot tande zot, zot war zot poudir toultan nou fer sa. *You know it*. So, mon pa aksepte ki ou dir poudir nou pa konnen ki pase *out there*. *We do*.

Si i annan en Minister ki konn byen menm ki pase avek travayer, *we do. But by all means* travayer i bezwen *come forward and report*.

Mon a les - Mr Speaker avek ou permision mon ava les PS pran sa 2 bout lo transportasyon lakour avek *grievance procedures*. Mersi.

### **MR SPEAKER**

Avek plezir. PS?

### **PS JULES BAKER**

*Thank you, Mr Speaker. Lo premye. Mersi Onorab pou ou follow-up questions.*

Mon ava pran sa premye bout konsernan transpor *after working hours*.

### **MR SPEAKER**

*Sorry PS mon pe ganny sinal ki kekfwa ou pa pe tro kler.*

### **PS JULES BAKER**

*Ok. Mersi Mr Speaker. Premye pwen Onorab i konsernan transpor after working hours. Parey ou kapab konstate Onorab dan bann sityasyon par egzanp kot i annan bann lorganizasyon ki travay shift.*

Zot rod pli bon fason pou zot kapab fer lekonomi attraver zot bann loperasyon. Sa ki nou'n kapab konstate se ki kot IOT zot ti annan en servis ki zot

ti pe donn zot bann *staff after working hours*.

Be sa ki nou'n ganny enformen se ke zot pe revwar zot sistem transpor, kot bann dimoun ki annan fasilitate transpor zot kapab servi zot prop transpor pou al kot zot.

E bann ki napa fasilitate transpor *IOT* i fer provizyon ki zot travay lizour selman. Me sa i en konversasyon ki letan nou pe ofer nou dezyenm vizit kot *IOT*, i enportan pou nou adrese.

Akoz letan zot ti'n fer sa desizyon pou bouz lo la desizyon pou pa donn transpor, in napa en bon mekaniz pou nou kapab konpran ki mannyer sa pou marse. Sa nou kapab *take up*. Akoz i en *issue operational*. I pa en *legal issue as such*.

Lo kote laplikasyon pou *GOP* and vizavi bann *appraisal* dan *IOT*. Wi i annan en *Workers Council* laba. Wi i annan en *Workers Council* ki toultan pe get bann fasilitate ant travayer.

Me sa ki nou kapab dir se ke Gouvernman atraver Departman Lanplwa nou pa kapab al *micro manage* en lorganizasyon pou al get zot bann *appraisal* Onorab! Mon krwar sa, sa nou pou al en pti pe tro lwen pou nou al angaz nou dan *micro managing* sa bann lorganizasyon.

Si i annan en issue kot en travayer i mekontan avek son *appraisal* ki'n ganny fer, i annan en mekanizm an plas pou li kapab anrezistre son *grievance*.

Sa ki nou demande. Si i vin kot ou i dir ou mon pa dakor avek mon *appraisal*, akoz mon pa'n ganny en promosyon ouswa mon dalon in ganny en promosyon.

I vin met en konplent e nou vvar poudir i annan en degre diskriminasyon, ouswa viktimizasyon ki'n arive, *we will take it up*.

Mon krwar i enportan ki nou ganny sa bann lenformasyon spesifik e endividiyel kot nou, nou osi nou kapab fer nou par.

Lo kote *grievance procedure*, whether nou bann lenspeksyon, nou *investigation* pe *capture* larealite *underground*. Onorab mon krwar ou ava dakor avek mwan sa statistik ki nou'n koz lo la, ki Minister in donnen letan dan en peryod *COVID* kot 1an *COVID* sirtou Praslin/La Digue kot ti annan restriksyon. Bokou konplikasyon.

E nou pe ganny konplent sorti kot bann travayer ki ti pe ganny *ill treated*, akoz zot kondisyon travay, akoz zot saler ti pe ganny koupe, nou, nou ti

lo teren *at that time*. Onorab nou ti lo teren.

Menm nou ti lo teren akoz nou ti bezwen fer li an kolaborasyon avek Minister Lasante, zot permisyon pou nou antre dan bann landrwa travay kot ti anba restriksyon, pou nou kapab fer sir ki bann travayer pa ganny abize.

Menm nou ti etablir en sistenm atraver Labank Santral pou met en kont labank atraver Labank Santral pou dimoun kapab fer zot tranzaksyon direkteman par peyman zot *grievance*, si zot pa kapab vin kot nou, akoz nou biro osi ti fermen.

So telefond, *hotline* nou annan 2. 2 *hotlines*. Enn pou welfare, enn pou bann *issues* ki ti annan pou fer avek *COVID*. Tou facilite i ava a dispozisyon piblik, e nou demann zot parey Minister in dir pou silvouple aret annan krentif. I annan en servis a zot dispozisyon. Nou pare pou nou asiste tou Seselwa a tou pri.

E mon krwar lenportans ki ou pe met lo la se ki annou angaz nou en pe pli byen avek FSA baze lo en pe son kapasite pou li dil ek sa bann zafer.

E mon krwar sa i en size, en topik ki nou kapab osi diskite avek FSA pou ki zot kapab *expedite* FSA pou zot

kapab *expedite* plis zot bann prosesis sa ki konsern *grievance*. Mersi Mr Speaker.

### **MR SPEAKER**

Mersi. Mon pe termin sa sesyon kestyon la. Onorab Pillay mon pe termin sa sesyon kestyon. Ou'n antre dan en bann largiman avek Minis. E Minis ek PS in donn en gran larepons lo ou bann pwen.

Mon pe evit ou si ou annan lezot pwen ki ou anvi *pursue*, Minis ek PS in donn en lenvitasyon ki bann Manm i kapab antre an kontak avek zot, pou diskit e fer zot konn pli byen lo zot konsern.

Mon pe termin sa sesyon kestyon la silvouple. Mersi. Mon konpran PS ou pe fer ou depar la? Mersi. Mon a dir ou mersi. E, ou pe reste? Byen.

Madam Raporter ou ava apel bann lezot delegasyon pou nou kontinyen sesyon kestyon.

### **HON SEBASTIEN PILLAY**

*(Off-Mic)*

### **MR SPEAKER**

*Matter of privilege.* Ou a dir mwan vitman kisia ou *matter of privilege*?

### **HON SEBASTIEN PILLAY**

Mersi Mr Speaker. Mr Speaker *Standing Orders* i afford mwan

en privilez pou mon anmenn en *PNQ*.

Mon krwar mon bezwen demann ou pou donn mwan en gidans ...

### **MR SPEAKER**

Wi.

### **HON SEBASTIEN PILLAY**

... *Ok lo kantite letan mon sipoze gannyen avek en PNQ pou mwan kapab anmenn en size devan ki konsern travayer.*

Mon kontan mon'n anmenn en size la e mon'n ganny en langazman ki Departman konsernen pou al get ladan.

*Ok, mon'n nobou achieve sa. Me i redundant si mon pou anmenn en size devan e ki mon pa pou ganny lenformasyon.*

Par egzanp bomaten, bomaten ou'n sit -

### **MR SPEAKER**

... mon'n ekout - *Ok ou privilez.*

### **HON SEBASTIEN PILLAY**

... Be les mwan fini Mr Speaker. Les mwan fini. Mon pa pe fer kankan, mon pe zis demann ou en kestyion.

### **MR SPEAKER**

Ou pe al dan en gran largiman.

### **HON SEBASTIEN PILLAY**

Mon pa pe al dan largiman ek ou mwan.

### **MR SPEAKER**

Ale terminen silvouple.

### **HON SEBASTIEN PILLAY**

Bomaten ou'n dir ek nou koumsa poudir par egzanp Lapolis in donn ou lenformasyon ki sa bann dimoun in ganny en *fine*.

Lo en prensip lazistis, *fairness*, en lot lorganizasyon ti ganny *fine* pou en protestasyon ki ti swa ilegal, e son *fine* ti vin an piblik.

Nou le ganny sa bann lenformasyon Mr Speaker!

### **MR SPEAKER**

Nou pa lo la, la. Nou pa lo la, la. Si ou annan en pwen lo la silvouple fer mwan konnen e mon ava regarde ki mannyer nou kapab.

### **HON SEBASTIEN PILLAY**

Mon pa ganny en konpran akoz ou pa ensiste ki bann Departman i *provide* Lasable sa bann lenformasyon. Se sa ki mon pe demande Mr Speaker.

### **MR SPEAKER**

*Stop.* Mon ava donn ou en repons lo nou matter of *privilege* lo ki kantite letan ki ou annan pou kestyion.

Nou met kestyon ansanm dan Mardi bomaten e i ganny swivi par en kantite kestyon lezot Manm. Nou bezwen donn en serten limit letan.

Normalman mon plan pou nou kapab terminen avek *Private Notice Question* 10er. Amwen ki nou'n ganny en kantite retar avek lezot biznes, la mon ava *extendsli*. Me nou plan si i soz lo la ki donn nou apepre 45 minit pou *Private Notice Question*. La i la *ruling* lo ou *matter of privilege*.

Mersi.

### **HON SEBASTIEN PILLAY**

Mon realize avan 10er mon kestyon ti'n arete en. Avan 10er mon kestyon ti'n arete.

### **MR SPEAKER**

Mersi nou'n terminen.

(Off-Mic)

### **MR SPEAKER**

Mersi lezot Manm pou gard zot komanter silvouple.

### **MR SPEAKER**

Bon, les mon dir bonzour e byenveni delegasyon ki'n antre pou asiste Minis. E nou annan avek nou Mrs Brenda Morin *CEO Agency for Social Protection*, Mrs Tracy Tirant *Senior Monitoring and*

*Evaluation Officer (ASP)* e Mr Lenny Palit Director General for *National Planning Department, Ministry of Finance*.

Mersi. Nou prosede avek kestyon 48 Onorab Labrosse.

### **HON RICHARD LABROSSE**

Mersi Mr Speaker. Bonzour Mr Speaker. Bonzour Minis ek ou delegasyon. Bonzour mon bann koleg Manm Lasanble e bonzour tou dimoun ki a lekout, espesyalman ou sa enn ki sorti Plaisance. Minis kestyon 48 i *comme* swivan;

Swivan bon travay par Minister Lanplwa konsernan GOP, eski Minis pour Lanplwa i kapab enform Lasanble pandan sa dernyen 1an:

(1) Konbyen louvraz ki'n kapab ganny lokalize?

(2) Ki bann *challenge* ki son Minister pe rankontre?

(3) Ki bann sekter ki ankor bezwen *apply* pour GOP? Mersi Mr Speaker.

### **MR SPEAKER**

Mersi. Minis ou larepons.

### **MINISTER FRANCOURT**

Mersi Mr Speaker. Mersi Onorab pou ou kestyon e mersi pou ou *acknowledgement* ki nou fer en vreman bon louvraz kot Departman Lanplwa.

### **PATRICIA**

Mr Speaker Lartik 35 Konstitisyon Sesel i donn tou sitwayen Seselwa en drwa pou travay e i manda Departman Lanplwa pou fer sir ki nou lafors travayer i vin prodkтив e otosifizans.

En priyорite sa Departman pou delivre lo sa manda, se pou asire ki tou dimoun ki pe rod en lanplwa ki anvi travay e ki pare pou travay i ganny en lanplwa.

E mon pou dir fortman ki i annan plas travay dan nou pei pou tou Seselwa ki anvi travay. Parey ou'n dir Onorab nou'n fer bokou zefor e bokou travay. Menm si nou'n fer fas avek pandemi COVID-19 boner 2020, an 2021 nou ti anrezistre 2477 *job seekers* e nou ti termin selman avek 491 *job seekers* an Desanm 2021. Sa i montre rezulta bokou zefor e devouuman par bann travayer Departman Lanplwa.

Mr Speaker, Onorab nou konstate ki i annan plizyer pozisyon ki'n ganny lokalize. Ler ou koz lo lokalizasyon nou bann pos, nou kapab fyerman dir ki pozisyon ki ti kapab vin pou en travayer etranze ti'n vin pou en Seselwa, akoz nou ti egzize ki drwa travay i pou Seselwa an Premye.

An 2021 nou ti anrezistre plis ki 5000 plas travay. Nou'n klas plis ki 1800 dimoun dan en

lanplwa, e i annan lespas pou ankor plis Seselwa pou travay. Mon swete osi enform sa Lasanble ki nou ti refiz apepre 3000 pos pou anploy travayer etranze, akoz ti annan Seselwa pou pran sa bann pozisyon.

An plis ki sa anba nou programm lokalizasyon, nou'n reisir lokaliz 160 pos depi 2017 ziska Avril 2022. Nou programm *My First Job* ki target bann zenn ki sorti kot lekol sant profesyonnel, i osi ede pou lokaliz bann pozisyon. E la mazorite anplwayer i satisfe avek rezulta zot bann kandida.

E mon pran loportinite pou remersye tou sa bann anplwayer e demann lezot pou zwenn nou dan sa demars.

En lot nou programm se *Skills Development* e *Reskilling* ki ofer formasyon e *on the job training* pou ed *job seekers* antre dan bann plas travay.

Tou sa bann Polisi e programm i ede pou bann pozisyon ganny lokalize e pou pei redwir depandans lo travayer etranze, malgre demann pou lanplwa i reste o.

Mr Speaker i annan anplwayer ki travay tre byen avek nou Minister e zot maksimonm pou devlop talan zot bann travayer. Par egzanp en lorganizasyon dan lendistri finansyel, ti annan 4 plas ki pe

okip a etranze, 2 in fini lokalize, 1 pou ganny lokalize dan 1 an e sa lot dan 2an, e nou fer sir ki sa i arive.

Lendistri *Tourism* osi in travay avek Departman Lanplwa, pour ki Seselwa in ganny mete dan serten pozisyon kle dan zot lorganizasyon. Nou felisit zot e ankouraz lezot anplwayer pou swiv sa bon legzanp ki nou konvenki, i benefisy'e zot biznes bokou.

Mr Speaker, Onorab, nou'n kapab konstate ki nou pa pou kapab lokaliz tou pos. En defi prensipal ki Departman Lanplwa pe rankontr,e se ki lokalizasyon i en prosesis ki pran letan. I annan sirkonstans kot anplwayer i fer difisil pou en pos ganny lokalize, oubyen sa Seselwa i kite travay avan ki sa pos in ganny lokalize, oubyen serten *job seekers* i pran letan pou swazir en travay.

Malgre bokou dimoun ki ti'n vin anrezistre pou en lanplwa lannen pase, nou ankouraze pou vwar ki Seselwa i anvi travay e zot pe vin devan pou apres Departman pou asiste zot dan sa demars.

Nou demann lezot endivid'i ki pe travay dan lekonomi enformel sirtou, bann ki fer louvraz zournen oubyen *casual*,

pou vin anrezistre pou en travay pou lokaliz bann pozisyon.

Mr Speaker bann sekter ki annan plis demann travayer etranze pou lannen 2021, i sekter konstriksyon avek 7440 pozisyon. *Tourism* avek 3371 pozisyon e komers avek 1485 pozisyon. Sa lakantite pos pou travayer etranze ki an demann i montre, ki i annan krwasans ekonomik e sa i en rezulta stratezik sa Gouvernman tel ki desizyon pou reouver *Airport* internasional, ki'n anmenn bokou viziter dan pei.

Konstriksyon i reste sekter avek plis demann pou travayer etranze. E nou rekonnet ki dan sa staz devlopman ki pei in arive i tre difisil pou zwenn sekter travayer pou sa sekter lokalman. Sa bann sif i osi montre ki nou bezwen rekonnet ki pei pou toultan bezwen travayer etranze e sa demann i annan atraver tou sekter.

Mon oule fer resorti ki i annan plizer pozisyon dan bann aplikasyon pou anploy travayer etranze, ki Minister pa aprouve akoz i annan Seselwa disponib ki kapab fer sa louvraz. E sa i en lot mwayen ki nou donn sans Seselwa pou lokaliz bann pozisyon.

Mr Speaker nou pe

kontinyen met plis zefor dan bann lezot sekter, pou esey redwir depandans lo travayer etranze. Se pour se la ki Minister pe ranforsi programm lokalizasyon e pe travay bokou pou klas dimoun dan lanplwa e anrezistre *job seekers* e bann group spesifik lo nou bann programm.

Nou osi evalye merit aplikasyon pou pozisyon pou etranze, non selman lo kota sa lorganizasyon, me osi baze lo Seselwa ki pe rod en lanplwa e travayer lo plan lokalizasyon.

Mr Speaker pou terminen mon ankouraz Seselwa pou pran bann loportinite lanplwa, ki nou *advertise* toulezour. Mon montan pou vwar ki i annan bokou dimoun ki pe fer vreman byen dan travay kot zot in ganny plase, e zot pe reste dan zot lanplwa e pe travay dir. Sa i ava ed zot progrese e siport zot fanmir.

Mon osi demann anplwayer pou met kondisyon favorab pou atir travayer e ankouraz zot pou reste dan lanplwa. Mon swe met ankor lanfaz ki Departman Lanplwa pou kontinyen met bokou zefor e bokou travay atraver nou bann stratezi pou lokaliz bann pozisyon. Mersi Mr Speaker.

## **MR SPEAKER**

Mersi Minis. Onorab Labrosse ou siplemanter.

## **HON RICHARD LABROSSE**

Mr Speaker Minis in donn en zoli deklarasyon la ek bokou lenformasyon. E mon ti a kontan annan zis 2 siplemanter zis pou mwan organiz mon liv lenformasyon byen.

Minis vi ki nou kestyon i lo *GOP* osi la, mon ti ava ganny ou lopinyon lo ki mannyer zot relasyon travay i annan avek Minister Imigrasyon, sa dan lenstans pou fer sir ki lo sa kote tou keksoz i annord in *comply* byen?

E apre mon dezyenm kestyon ou'n fer resorti ki konstriksyon i reste sa sekter ki ankor an demann travay la, an se moman pou *GOP*.

E mon ti a kontan osi konnen ki plan ou Minister zot annan avek lenstiti ki form bann dimoun ki al dan sa domenn, konmsi pou nou fer sir ki dan le fitir nou kapab osi *fill in the gaps* ki nou annan an se moman? Mersi.

## **MR SPEAKER**

Mersi Onorab. Minis?

## **MINISTER FRANCOURT**                   **PATRICIA**

Mersi Mr Speaker. Mersi Onorab pou ou kestyon.

Onorab nou annan *a very good working relationship* avek Imigrasyon. Nou bezwen konzwent. Nou bezwen travay ansanm e nou bezwen konnen ki kanmarad pe fer.

E enn bann keksoz ki nou pe fer vreman byen i nou'n komanse, se *on a monthly basis* nou bezwen zwenn pou lanmen dwat konnen ki lanmen gos pe fer. Petet oparavan sa pa ti arive be sa i en stratezi ki'n ganny met devan ki nou pe koz menm langaz e nou lo, *on the same page*.

So sa i pe mars byen pou le moman. *Construction remains high -* konstriksyon.

*(Interruption)*

### **MR SPEAKER**

Eskiz mwan, ki problem, lekel ki'n? Eskiz mwan, Minis a kontinyen avek son repons.

### **MINISTER FRANCOURT**

Mersi Mr Speaker. Wi nou konnen konstriksyon i *remain high* letan nou regard kantite *actual* devlopman ki pe arive e nou, nou konnen poudir nou napa ase travayer pou nou kapab antre dan sa *field*.

Mon ti ganny privilez pou mwan *attend SIT Graduation Ceremony*, ti annan 177 zanfan

ki ti *graduate* dan diferan domenn. E si mon pa tronpe dan konstriksyon li menm li ti zis anba 20. So ou kapab *imagine* ler bann manrmay in fer sa *course* pou sa kantite letan, nou pe dir kekfwa pou annan 20 mason si zot reste dan sa *field*.

E lala kot nou bann *My First Job Programmes* i vin vreman for, sanmenm sa mon dir lokalizasyon i pa zis en sekter dan izolasyon. Nou bezwen get li an antye, ki nou fer sir ki tou sa bann zanfan i ganny plase dan sa landrwa ki neseser e zot ganny *proper mentorship* pou zot kapab ankouraze, reste dan sa sekter.

So nou konnen poudir si i annan bann devlopman lo zil menm lo *main island* ler sa bann lakonpannyen pe demann ou *workers, you have to provide workers*. Nou pa kapab anmar zot lanmen pou anpes zot.

Me selman *again* mon lapel se ki letan bann zenn zot antre dan sa bann domenn, reste dan sa bann domenn i annan bann *benefits* ki i pou anmennen.

E *again* bann lakonpannyen fer sir ki i annan bann kondisyon favorab. E nou kontinyen lalit pou sa, nou kontinyen lager pou sa. Me

solman ou vwar zis sa sif ki mon pe donn ou travay i bokou.

Sa dernyen bout nou annan diskisyon avek Minister Ledikasyon *very closely*, pou nou regard nou *Human Development Programme* e pou regarde an gro nou pa oule get sa an izolasyon, an gro *what are the plans* e ki nou *manpower plans?* So sa in en diskisyon ki *currently* i avek Minister Ledikasyon. E si fodre *very soon* nou prezant en Papye Cabinet *we will do that.* Mersi.

### **MR SPEAKER**

Mersi.

### **HON JOHAN LOZE**

(Off-Mic)

### **MR SPEAKER**

Onorab Loze ki pwen ou ti annan, *matter of privilege, point of order?* Anr ou ti'n lev lanmen, eskiz mwan, eskiz mwan, ou'n lev lanmen pou kestyon mon a regarde si i annan letan, mon annan en bon pe dimoun lo mon lalis. Mersi.

Onorab Pillay ou osi kestyon? *Ok mon'n note.* Mersi. Next Onorab Labonte.

### **HON ANDY LABONTE**

Mersi Mr Speaker. Minis mersi pou ou bann larepons vreman detaye. E mon'n vreman

apresye ki ou'n rekonnnet poudir travayer Seselwa i vreman anvi travay e ou'n lans lapel pou bann anplwaye tret travayer Seselwa en pe pli byen.

### **MR SPEAKER**

Ale, pa long *statement please.*

### **HON ANDY LABONTE**

Mon kestyon i an relasyon avek sanmenm sa, vi ki nou pe koz lo lokalizasyon avek GOP ti annan sa Programm *Understudy* sirtou dan Lendistri Touris. Petet si ou ti kapab donn en pe leksplikasyon ki pe arive avek sa programm?

Akoz vi ki i annan bann etranze ki la pou plizyer lannen, zot kontra i kontinyen ganny renouvle e nou war ki nou Seselwa pa zanmen ganny posibilite pou zot monte, pou kapab tenir sa bann pozisyon menm ki nou konnen poudir zot kapab fer li.

Apre mon dezyenm kestyon i plizoumwen en leklersisman, eski en etranze i annan drwa ganny GOP pou li travay dan 2 louvraz a la fwa dizon drayver an menm tan ki i pe fer *medical cleaner*, eski sa i egziste, i posib? Mersi.

### **MR SPEAKER**

Mersi Onorab. Minis repons.

**MINISTER  
FRANCOURT**

Sorry Mr Speaker. Mersi Mr Speaker. Mersi Onorab pou ou kestyon. *The Understudy Succession Plan* i pe mars vreman byen. Parey mon'n dir dan mon larepons mon'n donn enn de bann legzanp dan finans, dan *tourism* kot sa i arive.

Mazinen *at the same time* ki en dimoun i la, ki nou, nou oule en etranze i la i *transfer the skills, transfer the knowledge to* sa bann dimoun ki pou *understudy* zot.

E nou met lanfaz lo sa. Mwan mon swe se ki ler bann dimoun i al lo sa Programm *Understudy Succession Plan do not leave it*. Akoz si zot kite, si zot sorti nou bezwen rekomanse. Annan defwa kekfwa zot pou sorti akoz zot war en alternativ oubyen zot al *overseas*, oubyen zot war lapey en lot landrwa pli byen.

Me go through, sa *i part of your professional development, go through so that nou kapab ranplas zot e donn zot sa loportinite pou zot reste dan louvraz*. Parey mon'n dir i *part of the localization program*.

Mazinen parey mon'n dir *each time* ki nou pa *approve* en *GOP* sa *post* i ganny lokalize, e sa nou zefor. Pou nou

**PATRICIA**

scrutinize si *whether* nou donn en *GOP or not*, nou bezwen egzakteman kler akoz nou pe donn sa *post*. E se sa ki nou fer bokou verifikasyon pou fer sir parey lontan ki en dimoun kekfwa zis pe dir ou i bezwen sa dimoun, me solman napa *merit*, napa zistifikasyon.

Nou pa fer sa *any more* i annan en komite ki asize pou *actually scrutinize*. So sa komite i sorti dan diferan sekter *internally*. I kapab sorti kot dimoun ki pe met dimoun dan lanplwa. I sorti dan bout *GOP* li menm li, i sorti dan bout *Labor Relations*. So i en group ki asize ki *brainstorm* e verifye poudir sa post avan ler nou donn sa *GOP*, i annan en *understudy*.

E si i annan en *GOP* ki nou'n donnek ki i annan *succession plan*, sa i bezwen ganny formalize e i bezwen ganny verifye. I annan bann *visits* ki ganny fer pou regarde. Parey sa 2 ki mon'n nonmen la dan Finans i ti en travay *fantastic* ki nou ti fer *last year*. Letan ou regarde dan en landrwa i annan 4 dimoun *at the very top* ki etranze, me solman nou'n kapab tir 2, e nou pou met ankor en lot.

I pa fasil, me solman nou reste for lo nou parol ki nou dir nou pou fer e sa bann dimoun pe konpran – pe konpran sa

vreman byen. Mr Speaker mon a les *PS* pran en pti bout lo sa dernyen pwen si i posib.

### **MR SPEAKER**

Yes *PS*.

### **PS JULES BAKER**

*Thank you Minister. Thank you, Mr Speaker. Senpleman Mr Speaker, Onorab napa travayer etranze ki annan drwa annan 2 post e 2 GOP dan Sesel ozordi mannyer Lalwa i ete. Mersi Mr Speaker.*

### **MR SPEAKER**

Mersi. Onorab mon annan plizyer Manm pe espere, mon permet ou en pwen klarifikasyon - en pwen.

### **HON ANDY LABONTE**

Mersi *PS* pou ou larepons, petet mon pou bezwen rankontre ou akoz *actually* nou an lenformasyon ki i annan dimoun *actually* ki pe fer sa 2 louvraz. Mersi.

### **MR SPEAKER**

Tre byen. Mersi. Onorab Aglae.

### **HON EGBERT AGLAE**

Mersi Mr Speaker. Bonzour Minis, *Ps* ek ou *panel*. Minis lo size lokalizasyon mon santi poudir *it's far from reality*.

Minis, eski ou kapab dir sa Lasanble petet ki bann mezir ouswa revwar en pe zot Polisi ouswa regilasyon kot i konsern *localization of post?* Akoz ozordi nou ankor annan still bann *expat* ki pe pran bann promosyon ki sa Seselwa ki dan sa lanplwa pe esper plis ki 10an, e ki sa etranze li ki fek vini 6mwan, 8mwan pase i pe ganny promosyon apre promosyon, kan i annan Seselwa ki kapab travay.

Ki zot pe mazin fer, parey zot annan sa *Unit Monitoring and Compliance* petet, met en *unit* pou *oversee* sa size lokalizasyon? Sa i enn.

Dezyenmman Minis kot i konsern *GOP* ti annan en miting ki ti ganny fer ek bann lasosyasyon, kot ti annan serten momanter i ti ganny met devan konmkwa ki zot ti pe bezwen *fake GOP, fake kalifikasyon (sorry)* pou zot kapab *apply fill in* sa bann *GOP* pou sa bann dimoun kapab vin travay.

Eski ou Minister in antre dan en pti lenvestigasyon pou gete kantite sa bann kalifikasyon ki *fake*, eski i annan bann mezir pou zot pe pran osi pou *tackle* sa size ouswa penalize? Mersi.

### **MR SPEAKER**

Mersi Onorab. Minis repons *please.*

**MINISTER** **PATRICIA**  
**FRANCOURT**

Mersi Mr Speaker. Onorab mon reasir ou ki *as much* ki nou kapab sa *localisation of posts* parey ki mon'n eksplike dan mon larepons e mon'n dir Onorab nou fer, nou fer li *as much* ki nou kapab.

E *again* mon fer lapel si i annan dimoun ki *feel* zot dezavantaze dan sa sityasyon *and if you know*, si ou konnen i annan dimoun ki dan bann sityasyon *please come forward and let me know, let my team know.* Akoz mon pou akt lo la. E koumsa ki keksoz pe marse la, dimoun pe *come forward*, dimoun pe dir si i annan bann ka spesifik.

*Change of posts i allowed.* E mwan mon konnen mon'n ganny legzanz ki ou *identify* dimoun, nou Seselwa annan defwa ki nou dir "*you are ready, you should take that post.*"

Onorab ou pou *surprised* i annan dimoun menm ki vin kot ou, "Minis mwan mon pa ankor pare pou mwan pran sa plas oubyen sa post." *For whatever reason.*, ou sey ankouraze. Mon fer *councelling* ennler dan bann miting Minis poudir "*you*

*are ready, you can take it."*  
Akoz ou pou aprann *on the job.*

So tousala i annan ler nou gannyen ki ou *identify* dimoun petet epi zot pa reste. Se sa ki mon'n dir reste dan zot *post ziska* ler- Ou konnen ki en *GOP* in donn 2an, sa dimoun i pou bezwen ale li si i annan en lot dimoun ki pe *understudy* li e i pare pou li pran sa *post*, akoz nou bezwen *identify*.

Alor pa *complacent* pou dir sa dimoun pou la pou en kantite lannen. So si i annan ka spesifik *please come foward and let me know.* *GOP* si nou pe koz fake *GOP* parey nou ti tann dir dan miting, sa ti avan. Ti en bann letan ki kekfwa mon krwar i annan dimoun i dir anr, nou ti ganny dir avek Imigrasyon met tel *qualifications*, met *credentials* pou nou kapab ganny sa *post*.

Be nou'n fer en bon netwayaz nou kot nou, ki nou fer sir poudir nou pe *agree the post.* I Departman Imigrasyon ki bezwen fer sa verifikasiyon *qualifications.* E sa dan miting ki nou pe *have monthly* pou nou kapab *cross reference* sa prosedir.

Akoz nou, nou *agree the post, we don't check the qualifications.* Alor mon konnen poudir Imigrasyon pe travay vreman *close.* E i annan en

fason ki zot pe fer avek SQA pou fer sir ki sa bann *post i match*. E sa bann zafer ki dimoun pou dir mon vin met en kalifikasyon zis pou mwan ganny sa *post i pa vreman fasil at the moment*.

So nou pe travay ek Imigrasyon vreman pre, lo la pou fer sir poudir *it's merited, it's genuine* e dimoun pa zis met keksoz *just to be able to secure a post*. Mersi Onorab.

### **MR SPEAKER**

Mersi Minis. Onorab William.

### **HON WAVEN WILLIAM**

Mersi Mr Speaker. Mon anvi demann Minis sirtou lo kote lokalizasyon avek *succession plan* lefe ki nou pe koz de sekter, sekter piblik avek sekter prive.

So mon anvi konnen Minis pou piblik osi deor la konpran akoz parfwa si ou pa ganny en konpran i kapab kre bann konfizyon e doutans. Ki limit zot ale avek en sekter prive pou lokalizasyon ouswa *succession plan*?

Konpare avek pou sekter piblik? Akoz epi dezyenmman dan sekter piblik lo sa *succession plan* la Minis, eski nou donn sa Seselwa zis sa *post ouswa* nou donn li osi sa larzan ki sa etranze ler i vini in gannyen?

Akoz ki arive sirtou ozordi nou annan krwayans ki wi ou donn mon *post*, me selman ou pa donn mon sa larzan ki sa etranze ti pe gannyen. So Minis mon ti a kontan ou eklersi nou en pti pe lo la. Mersi.

### **MR SPEAKER**

Mersi Onorab. Minis respons *please*.

### **MINISTER**

### **FRANCOURT**

Mersi Mr Speaker. Mersi Onorab. Pou donn en bon leksplikasyon si mon ti kapab les PS reponn sa *please*.

### **PATRICIA**

### **MR SPEAKER**

Yes PS.

### **PS JULES BAKER**

*Thank you, Mr Speaker. Onorab zis pou mon reasir ou ki prosedir lorganizasyon plan siksesyon i ki form parti Lalwa Lanplwa anba seksyon 18. Anba seksyon 18 letan nou fer pozisyon pou donn en *post* en anplwayer ki pe *apply*, pou en travayer etranze.*

E an term ou kestyon ki limit ki nou donn en sekter prive pou lokaliz en *post*, se ki i depan lo nivo sa *post* e kalifikasyon ki i *require* pou ou pran sa *post*.

Mon a donn ou en legzanz, i annan bokou dir poudir en GM i devret annan an post zis pou 5an. I annan en *Counter Agreement* ki dir pou 10an. Me eski en *waitress* ki sorti STA i devret pran 10an pou li vin en Asistan Restoran *Supervisor*, ouswa en Asistan *Manager*?

So tousala i ganny fer baze lo sa demann pou sa travayer etranze, annou pran en legzanz Asistan Restoran *Manager* ki nou konnen nou annan nou bann Seselwa ki'n ganny *train*. Eski i pou pran ou 5an pou nou lokaliz sa *post*? Nou pou dir li non, definitivman non, ou limit se ant 2 a 3an.

E nou annan en tre bon lantant avek STA, akoz zot ki don nou en pe gidans *in terms of grading* a ki nivo ki en dimoun i devret kalifye. En manrmay ki sorti *Shannon Graduate* ki'n ganny *train* avek en *Masters Degree* dan *Hospitality* nou ekspekte ki letan i retournen i pe pran en *post Manager*. E *nothing less than that*.

Me par kont i annan serten bann manrmay i dir ou koumsa poudir, *but* ou konnen mon ti a kontan akimil en pti pe plis leksperyans, les mwan komans lo Asistan *Manager* *but it is always good* ki i komans

*somewhere. So in terms of limitasyon nou kontrol li baze lo nivo pos ek natir sa louvraz ek kalifikasyon ki i demande.* Mersi Mr Speaker.

### **MR SPEAKER**

Mersi. Onorab klarifikasiyon i bezwen kourt, en pwen silvouple.

### **HON WAVEN WILLIAM**

Mersi Mr Speaker. Mon santi poudir larepons ki mon gannyen i en pti pe parsyel konmsi. Lo kote saler, saler? Parey mon dir se ki Seselwa petet i anvi travay li, i anvi travay me selman parfwa se ki ler i get sa *package* ki sa etranze pe gannyen avek sa ki li lokalman nou pe ofer li, i pa ase ankourazan. I annan en ta legzanz ki nou kapab donne.

### **MR SPEAKER**

Mon krwar Minis i osi demann sa kekfwa i pa ankor adrese. Mon pa konnen si Minis oubyen PS ki pou repran sa?

### **HON WAVEN WILLIAM**

Mr Speaker en lot keksoz, mon vwar dan sa lalis ki ou'n donne Minis zot pa'n met lagrikiltir i annan en rezon? Konmsi ozordi lagrikiltir in satisfe pa bezwen etranze.

Akoz mon pa vwar poudir zot in nonmen akoz mon konnen poudir ti annan en konsern deor lo kote agrikiltir me solman i pa'n antre lo sa lalis, eski zot satisfe poudir sa i ok? Mersi.

### **MR SPEAKER**

Mersi. *PS ou a repran.*

### **PS JULES BAKER**

Mersi Mr Speaker. Onorab *sorry* mon mank sa dezyenm bout ou kestyon. Wi saler i form parti en bann kriter ki nou gete letan ou pe *assess lokalizasyon* en pos.

Me ou'n ganny plizyer *challenge* ek konplent par travayer Seselwa ki'n vin dan nou latansyon kot letan nou fer *interview* i lo *LP* li, letan i fer *interview* i dir li i pou ganny R32mil apre letan i komans travay i dir li i pou ganny R18mil. Nou dir li non, be ni ou *post* ou pa pou gannyen.

So ou egzize ki sa saler ki pe ganny ofer sa etranze, menm si kekfwa i pa pou arriv *at par* akoz i annan lezot depans *liabilities* ki vin avek. Me solman avan ler nou pran en desizyon pou nou donn en *GOP* ki son plan lokalizasyon i pa anliny, i pa annord, nou pou egzize a tou nivo letan nou pe donn en pozisyon nou get sa ki

nou apel *establishment list* apre osi nou fer lenspeksyon, nou get zot bann *payrolls*.

E nou vwar poudir si i annan en gran disparite nou pou dir ou be non ou pa pou donn sa travayer etranze R25mil selman sa Seselwa ou pe ofer li zis R15mil. Donn *something which is more attractive* ki i a permet li antre. E sa i bann eleman ki nou travay tre pros avek bann lendistri, mon fyer pou dir ki i annan en bon pe ki dakor avek nou e ki zot aziste zot saler.

Lo kote ou trwazyenm pwen lagrikiltir; lagrikiltir i reste en priyорite Onorab pour ki nou kontinyelman annan *local consumption*. E se pour sa rezon akoz ki tou resaman *fees* pou lagrikiltir pou *GOP* ti desann, akoz nou ti krwar i annan en potansyel e i ti napa bokou Seselwa.

Me par kont ki nou ti pe egzize avek sa nou annan en komite nou, lo kote Lagrikiltir ki nou dil avek zot, ki nou pe gete se ki, ki bann nivo teknik syantifik pou nou kapab ankouraz plis nou Seselwa antre ladan?

Ou konpran? Nou pa pe zis lagrikiltir *is not about* pyos ek lapel li, i annan bokou lezot sekter devlopman dan lagrikiltir ki nou pe angaz nou avek

Komite *Farmers Committee*, pou nou asire ki Seselwa i ganny loportinite pou devlop bokou dan bann domenn syantifik, an sa ki konsern lagrikiltir avek tou sord kalite nivo osi. Mersi.

### **MR SPEAKER**

Mersi. Onorab Bastienne.

### **HON DESHEILA BASTIENNE**

Mersi Mr Speaker. Bonzour Mr Speaker. Bonzour Minis ek ou delegasyon. Bonzour tou Manm a lekout.

Minis eski ou kapab konfirm avek nou Lasanble, si ou Minister i fer bann vizit regilye, sirtou dan bann landrwa travay e la kot letablisman touristik i konsernen, pou vvar pou zot menm bann travay ki etranze pe fer ki en Seselwa i kapab fer; tel parey *club car*, drayver, netway *swimming pool*, lav lasyet dan lakwizin, eksetera?

Apre Minis dan ka kot ou Minister i *approve GOP* pou en travayer etranze, eski i annan en *follow-up* par ou Minister an partenarya avek Departman Imigrasyon, pou vvar si i annan *due diligence* ki ganny fer lo *background* sa etranze avan ki zot re aprouv son *GOP* pou ankor 2an, 3an ou menm 5an?

E vi ki Minis, vi ki i annan ka labi ek vyolans ki pe ganny

komet par ser ten *GOP holders* lo bann madanm, eski Minis i kapab dir nou Lasanble konbyen sa bann ka ki'n ariv kot son Minister? E si wi kwa ki zot pe fer pou remedye sa bann tel sityasyon? Mersi.

### **MR SPEAKER**

Mersi Minis. Minis ou repons.

### **MINISTER**

### **FRANCOURT**

Mersi Mr Speaker. Mersi Onorab pou ou kestyon. Wi Onorab bann vizit parey mon'n dir oparavan, avek nou lekip nou fer tou le semenn, tou le zour i annan lekip lenspeksyon ki fer.

E mwan parey mon ti fer lannen pase mon *focus* ti pou ankouraz lagrikiltir son sekter, e sanmenm sa nou ti war mon ti fer 13 vizit pou mwan kapab konpran sekter lagrikiltir.

E la sa mon *focus soon*, pou mwan kapab vizit sekter *tourism* pou mwan kapab konpran pli byen. Me solman i annan enn de kontrent ki *got in the way*, mon pa'n kapab fer li me mon ti'n devret komans fer li. E sa mon en komitman ki mon'n donnent pou mwan osi konpran.

E letan ou al vizit enkli mon osi avek mon tim, la ki ou war *hands-on* bann keksoz ki pe

arive. E nou pa dir poudir napa keksoz ki pe arive, me *again* letan ou annan ou prezans laba ou asize ou koze avek *staff without Management being around*, i donn zot en loportinite pou zot annan sa konfyans pou zot kapab eksplike e dir. E sa nou kre sa lanbyans ki zot kapab fer sa.

So *definitely* bann vizit pou *amplify* e nou pou kontinyen fer. E ler bann vizit i fer i pa zis en vizit, i toultan annan en rapor ki swiv. E mwan parey mon dir mon war tou sa bann rapor e sirtou kot i annan rekomandasyon.

Mon met lanfaz ki bann rekomandasyon i ganny *follow-up* e i ganny akonplir akoz si non, nou al lo bann leres staz ki *warnings and everything else*. E sa nou fer byen, me solman avek tim ki nou annan *this is the best that we can do*.

*GOP approval* nou fer tou lede pou fer *background check* imigrasyon i kapab fer *before* oubyen *after*.

Me solman ki nou fer *normally* si nou pe ganny bann *renewal of post*, Imigrasyon i kapab donn nou lenformasyon si zot annan konsern. Oubyen bann konsern ki *come forward* lo endividyle. Ou konnen lo bann endivididi. So si nou konnen i annan keksoz ki'n

*come forward* dizon, mon pe zis dir sa konmsi koman en *GM*, koman en *Managing Director or whatever*.

Si nou remarke dan nou *books* ki annan konplent ki annan bokou keksoz ki dimoun pa satisfe avek, *by all means* nou bezwen *go deep* pou nou konpran. E nou kot Departman Lanplwa kekfwa zot pa tandé kantite fwa nou *revoke* en kantite *GOP posts*. Nou *revoke*.

Akoz pou rezon *diverse* rezon, disiplin, *mistreatment of staff*, mal koz ek dimoun nou *revoke the post*. E sa i arive. Me solman fodre nou annan ase lenformasyon *to build a case so that we can do that*. In terms of bann cases ou ti pe dir *harassment right Onorab? Harassment*, lo bann madanm vyolans wi.

I sad to hear that, me avek bann Linyon ki *come forward* ki *come close* avek nou, ki mon pran zot bann konsern ki zot mete devan nou serye, e nou fer sir *we go all the way* si i annan lenspeksyon pou ganny fer.

Me solman tou kou mon fer resorti sa dan bann miting, en madanm pa kapab *feel at risk* dan landrwa travay. I annan son drwa pou li *feel safe*. E sa i enportan mon met bokou lanfaz lo la e i pa en travay ki

nou fer nou tousel e Lapolis osi i bezwen *involved*.

Akoz si i annan en *criminal behaviors* oubyen lofans Lapolis osi i bezwen, nou bezwen servi nou bann *partners*. *Again* i donn sa konfyans sa dimoun pou li kapab *come forward* e *lodge the grievance officially*. Akoz *again* ou pou tann in dir, pa'n dir, lot in dir sa, lot in dir sa. Be letan i an ekri i annan plis *credibility*.

E mon fer en lapel *out there you know* i en keksoz ki pa dan nou kiltir e ki nou bezwen fer sir ki i respekte, respekte drwa bann madanm ki travay e *they do a very good job as it is*. E sa i en keksoz ki mon Minister pou pran vreman serye lo la e bann bout ki nou bezwen pran aksyon nou pran.

Zis pou dir ban lenspeksyon ki nou'n fer, nou ti annan 638 lo Mahe, 93 lo Praslin e 200 lo La Digue. So i montre ou poudir nou seksyon *Inspectorate* i vreman *proactive*. Mersi Onorab.

### **MR SPEAKER**

Wi, dernyen pwen klarifikasyon Onorab.

### **HON DESHEILA BASTIENNE**

Wi Mr Speaker. Mersi Mr Speaker. Minis par egzanp ler

nou pe koz vyolans domestik nou pe koz osi kot lakour.

Ler en etranze ki marye a avek en Seselwa kot lakour ler i pe bat sa dimoun, sa dimoun pe rapport lopital e li i pe travay kot son *GOP* i re ganny aprouve, se sa ki nou pe rode eski sa bann ka osi zot in resevwar kot zot Minister konsernan labi?

### **MR SPEAKER**

Mersi. Minis ou kapab zis reponn sa kestyon, si ou'n resevwar sa kalite rapor.

### **MINISTER FRANCOURT** **PATRICIA**

Mr Speaker zis pou mon dir sa i pou tonm anba en *criminal offence*, me selman *of course* si Lapolis i kapab soumet sa lenformasyon, i en keksoz ki *go on the record for* sa dimoun ki en *GOP holder*. Mersi.

### **MR SPEAKER**

Mersi. Mon regrete mon napa plis letan pou sa kestyon. Mon pou termin kestyon la. Mon annan plis kestyon bann Manm. Bann Manm ki pa'n satisfe ki zot in kapab demann zot siplemanter zot kapab touzour soumet zot kestyon an ekrir. Mersi, nou a repran travay 11er 10. Mersi.

**(BREAK)**

**MR SPEAKER**

Mersi. Mon pe fer enn pti *diversion* dan lord bann kestyon. Nou pou pran kestyon 50, pour mwan kapab aranz enn bann Manm delegasyon. E apre nou a retourn lo 49. Onorab Francois Adelaide.

**HON FRANCOIS ADELAIDE**

Mersi Mr Speaker, ankor en kou bonzour tou dimoun. Dabor mon le senpatiz avek, lafanmir Libanotis, pour petet sa trazedi, ki'n enspir mwan pou mwan anmenn sa kestyon.

E esperon ki nou a ganny larepons, apropriye. Minis, Eski Minis i kapab eksplik sa Lasanble rezondet par deryer sa Lalwa kot en pansyoner ki deside al vizit son fanmir aletranze i ganny koup son benefis apre 6 mwan ki in absant pei?

Minis solman ou bezwen konpran, poudir i annan de pti amannman lo la. E i pa Polisi i Lalwa, e i pa 3 mwan, i 6 mwan. Mersi.

**MR SPEAKER**

Mersi Onorab. Minis ou kapab prosede avek ou repons.

**MINISTER  
FRANCOURT****PATRICIA**

Mersi Mr Speaker. Mersi Onorab. Onorab mon pou reponn ou kestyon, akoz ou kestyon ler ti vini ti dir 3 mwan. So mon pe reponn li dan sa konteks, me selman mon'n tann ou dir 6mwan. So *I will answer it, like such.*

Mr Speaker atraver ou mon ti avan kontan klarifye avek Lasanble ki dapre bann regilasyon, legal. E non pa en Polisi benefis retret, i devret ganny koupe apre 6 mwan, parey ou'n dir Onorab, pa 3 mwan. Apre ki sa pansyoner in kit pei. E i absan pour sa peryod letan konsekativ.

Pou note dapre regilasyon. Benefis sa pansyoner i ganny re-establir, koman sa endividé i re-entre dan pei. An plis sa, *reinstatement* i pran, kont sa mwan avan ki sa pansyoner ti antre dan pei.

Kontrerman dapre regilasyon Lofis Minis responsab, i kapab *waive*, parey nou dir, sa kriter dan regilasyon. Dan ka kot, sa endividé i kit pei pou en rezon eksepsyonnal. Par egzanp pou al swiv en tretman medikal aletranze. E ki i pour napa okenn sours reveni finansyel, pou kapab siport li.

Mr Speaker, Gouvernman i rekonnet mobilite bann pansyoner ozordi. Avek

sityasyon lavi ki'n sanze. Par egzanp nou vwar ki bann endividé ki lo benefis retret, i al rann vizit zot zanfan, e zot pti zanfan, pou en long peryod letan.

Konpare avek lepase. E pour lemoman vi ki sa regilasyon, i egziste. I bezwen ganny met, met anfors ziska okenn sanzman oubyen reform. Par kont nou rekonnet, ki sa provizyon i kapab anmenn bokou lenzistis, lo nou popilasyon.

Alor Gouvernman pe revwar sa regilasyon pou analize, si ozordi i ankor aplikab. E nou pe fer travay, anliny avek reform ki nou pe fer dan proteksyon sosyal, dan son totalite. Ansanm avek bann, lezot *partner* parey Minister responsab pou Finans. Mersi Mr Speaker.

### **MR SPEAKER**

Kestyon Siplementer, Onorab Adelaide.

### **HON FRANCOIS ADELAIDE**

Mr Speaker, dabor mersi Minis pou konpran ki vreman, ler ou gete poudir vreman Seselwa. Apre ki zot in travay sitan en long letan, e zot in ganny enn pti benefis. E ki konmsi i vreman konmsi, mon konpran, e mon kontan ki Gouvernman

in realize poudir i annan sa nesesite pou reget sa Lalwa.

E nou ava espere, nou ava gete ki zot pou anmennen. E byensir Minis. Mersi pou annan en zorey pou ekout nou lapel, dan Lasanble Nasyonal pou ed sa bann dimoun. Mersi.

### **MR SPEAKER**

Mersi Onorab Adelaide, pou ou komanter ki Minis in note, mon asire. Mon a pran siplementer, lezot Manm. Onorab Pillay.

### **HON SEBASTIEN PILLAY**

Mersi Mr Speaker. Mr Speaker mon ti a kontan demann Minis. Prenon kont sa bann revi Polisi ki zot pe koz lo la. Ki prosedir, prezan ki pou egziste an relasyon avek en Seselwa ki'n viv tou son lavi aletranzé.

E ki vin Sesel, e ki fer laplikasyon pou ganny en benefis retret, anba Lalwa. Eski i annan Seselwa ki'n fer sa? E ki prosedir ki an plas? E si zot annan lentansyon revwar, sa bann prosedir? Mersi.

### **MR SPEAKER**

Mersi Onorab. Minis, wi lekel ki la? CEO. ASP, yes CEO.

### **CEO ASP BRENDY MORIN**

Bonzour Speaker. Mersi Mr Speaker. Onorab bonzour, mersi pou ou kestyon. Pou

bann Seselwa ki'n travay aletranze ki pa'n kontribye Sesel. Lalwa ki mannyer i ete ki zot pa kapab ganny en pansyon Sesel. Akoz definitivman si ou pe travay dan en lot pei, laba zot pe donn ou en pansyon.

Me pou bann, ki'n fer 12an dan pei ki'n travay. E sa si in akimil son 12an. E wi i a gannyen. Me baze lo bann dokiman ki i prezante. E ki nou kapab prouve sa 12an ki in dan pei. Mersi.

### **MR SPEAKER**

Mersi CEO. Klarifikasyon Onorab wi.

### **HON SEBASTIEN PILLAY**

Wi mersi. A *very quick clarification*. In annan serten, serten konsern in ganny eksprimen ki i annan dimoun ki pe vin isi, pou 6 mwan apre pe ale. Pe retourn dan pei pou 6mwan, eski zot pe note ki i annan dimoun, ki pe sey etablir, ki pe sey rod sa *residency test*.

Kot i pou napa en 12an kontinyel, e ki pe vini ki pe fer sa. E ki zot sistenm ki annan an plas, pou zot *capture* sa sityasyon? Mersi.

### **MR SPEAKER**

Mersi CEO. Wi prosed *please*.

### **CEO ASP BRENDAMORIN**

Mersi Mr Speaker. Mersi Onorab pou ou kestyon. Wi nou konnen sa kalite keksoz pe pase. E nou definitivman pe anliny, avek Imigrasyon pou nou regard ou *pattern* kekfwa nou definitivman analize, gete ki ou *pattern* ou pe fer.

E sa osi pou en *case* i ganny *build up* ki ariv ziska kot Minis, pou fer en desizyon. So nou pe vwar sa ki nou definitivman nou pe, *look into it deeply*.

### **MR SPEAKER**

Mersi Onorab Woodcock.

### **HON WAVEL WOODCOCK**

Zis en klarifikasyon, osi an swivan kestyon ki *LOTO* in demande. Sa 12an *aggregate* la, apre en dimoun kalifye pou li ganny Sekirite Sosyal. Eske, fodre sa dimoun in travay? In en dimoun ki'n kontribye dan *tax*, ouswa zis in reste 12an Sesel, apre laz 18an. Mersi.

### **MR SPEAKER**

Mersi Onorab, wi CEO.

### **CEO ASP BRENDAMORIN**

Mersi Mr Speaker. Onorab bonzour. Mersi pou ou kestyon. Nou pe get dapre Lalwa ki'n reste Sesel. Se sa ki si mon pa

tronpe i en defayans ki nou annan dan nou Lalwa.

E osi bann ki ler, si nou bezwen anvoy kot Minis pou fer *waiver*, nou pe gete osi si in fer kontribisyon. Parey i annan en bann ki pa pou dan en lanplwa, be in komans en biznes.

Akoz ou pou vwar en bann Seselwa apre en serten laz i vini, i vin komans enn pti biznes, zis pou akimil sa 12an la pou li ganny.

*So nou look in the genuinity apre the hardship of that Seychellois returns back to Seychelles.* E apre parey nou'n, ki mon'n kapab dir osi, i annan en defayans ki nou limite par *border of Seychelles*, pou nou obtain lenformasyon. Akoz i annan en kantite ki pe ki annan assets, e avek lezot pansyon ki zot pe gannyen ki zot pa deklare.

E se sa ki nou pe *linkup as much as we can*, pou nou kapab ganny lenformasyon ki ler, nou fer en desizyon. Ki nou pa fer, lezot pou vin dezavantaze, oubyen osi pou donnen kot i pa merite. Se sa ki nou rod *as much as information, as possible*, avan nou fer en desizyon. E si kot nou, nou bezwen avans par Lalwa i dir nou kot *Minister*, nou prepar nou *case* pou anvoy kot *Minister*

*to a decision of a waiver or not.* Mersi.

### **MR SPEAKER**

Mersi. Mersi CEO. Bon mon napa plis siplemanter lo la. Eski mon ti konpran ki ti annan en Manm, delegasyon Minis, ki ti bezwen fer son depar, *at this point?* Non, petet mon'n mal.

Bon nou a retourne an aryer enn pti gin lo kestyon 49. Onorab Gervais Henrie.

### **HON SEBASTIEN PILLAY**

Mersi Mr Speaker. Bonzour tou dimoun. Kestyon numero 49 i lir koumsa: -

Pou demann Minis pour Zafer Sosyal si i pou fer rediksyon lapovrete en size priyorer son Departman avan lannen 2023? Mersi.

### **MR SPEAKER**

Minis, ou larepons silvouple.

### **MINISTER FRANCOURT**

Mersi Mr Speaker. Mersi Onorab, pou ou kestyon. Mr Speaker, sa kestyon i en kestyon ki tou, ki tous tou Minister dan Gouvernman. E popilasyon Seselwa.

### **PATRICIA**

I annan en responsabilite partaze ant tou dimoun dan lasosyete. Bann Minister, bann fanmir e endividyle pou

*empower* zot prop lekor. Nou salye bann endividé, e Manm fanmir, ki travay dir pou pran swen avek bann bezwen zot lakour. E nou osi ankouraz, nou tou pou partisip dan transformasyon nou sosyete atraver travay dir.

Mr Speaker, dapre dernyen letid pou etablir en nivo lapovrete Sesel. An 2018, *poverty head count rate* ti 25 poursan. Me sa letid ti montre, ki bann lezot faktor, i devret ganny konsidere, kan pe etablir nivo lapovrete. Parmi sa bann faktor se nivo ledikasyon, travay dan sekter enformel, e lanplwa.

Gouvernman pe pran sa lapros pou asire ki sa bann faktor, i ganny pli byen targete. E ki solisyon, pou lapovrete i pran plis dimansyon, sosyoekonomik, e non pa zis larzan siplemanter.

Mr Speaker lo kote mon Minister, nou'n deza anbark lo en programm *reskilling* ki redonn bann zenn e adikt en dezyenm sans pou re-antre dan lemonn travay.

Koman sipor ASP pe asiste zot, pou tou le tan ki zot pou lo *training*. E ziska zot ganny en travay. Osi Mr Speaker, parey mon ti fek enform Lasanble Gouvernman i revwar, e ogmant *supplementary rates* pou

lasistans *welfare* ki mon pe koz lo la.

Sa legzersis i enn ki pou kontinyen avek plis letid o profon, pou determin bann sistem soutenab a *long term*. Prenon kont ki mankman louvraz, pa en defi Sesel. Me plito enn ki konsernan, avek levolisyon dan nou nivo saler.

Mr Speaker an plis bann pa, in deza ganny pran ansanm avek Minister responsab pou Lanvironnman ek Lenerzi, pou asiste bann fanmir, atraver *PUC rebate*. Osi Mr Speaker, avek sa kriz *Ukraine*, lemonn in vvar en sok, non pa zis dan pri petrol, me osi, an se ki konsern bann pri komodite de baz ki nou enporte.

Resaman *L'Inde* in deside blok leksportasyon dible, e sa pou anmenn plis presyon dan pri komodite dan lemonn. Se pour sa rezon, ki a kour term ki *RRP* parey nou tann dir lo televizyon pe deza ganny aplike. Lo serten komodite, *STC* e sa pe deza anmenn en soulazman lo fanmir Seselwa.

An plis bann Polisi *STC*, i montre ki depans en Seselwa ozordi, i pa parey 10an ou 20an pase. E alors sa i reflekte, dan *pricing strategy*, sa *companie* ki pran konsiderasyon an sak komisyun plito ki koman enn komodite.

I osi enportan, pou note ki pri bis SPTC, pa'n ogmante pou lemoman. E tou zefor pe ganny met an plas, pou soutenir sa Polisi ziska en revizyon, i byen neseser. Mr Speaker, baze lo tousala Lasanble i devret pran kont ki lezot Departman Gouvernman, pe deza zwe zot rol dan sa demars, pou redwir lapovrete dan pei.

E sa i bezwen plis, kordinasyon vi ki lapovrete pa zis en defi, pou Departman Sosyal. An plis parey, mon'n deza dir nou kontinyen ankouraz popilasyon pou sezi bann loportinite ledikasyon e travay pou depans dan en fason responsab. Zer byen zot Bidze, e sa i a montre nou langazman pou konbat lapovrete.

Mersi Mr Speaker.

### **MR SPEAKER**

Mersi. Mersi Minis, siplemanter Onorab Henrie.

### **HON GERVAIS HENRIE**

Mersi Mr Speaker. Dabor mon rekonnet bann zefor ki pe ganny fer aktyelman. E ki Minis in liste. Mersi pou sa. Mon bann kestyon, siplemanter ki mon le demande. Minis in dir, nou ki an 2018, *poverty head count* ti annan en *rate* 25poursan.

Donk mon anvi demann li, premyerman si i ava annan en,

target realistik, *from* ki nou le redwir sorti 25 pou vin kwa? Dizon an 2023? Sa i mon premye kestyon.

Dezyenm kestyon baze lo bann, faktor lapovrete ki'n koz ek nou lo 1a. Par egzanp, nivo ledikasyon ouswa bann zafer travay dan sekter enformel, mon anvi demann Minis.

Alor nou, bann *policies*, bann *policies*, pou adres size lapovrete, eski i pou plis ekonomik, ouswa i pou plis laspe imaniter? E finalman, eski nou pe travay avek okenn lorganizasyon enternasyonal. Par egzanp *World Bank*, pou ed nou enn pti pe adres bann *policies*? Mersi.

### **MR SPEAKER**

Mersi Onorab. Minis larepons.

### **MINISTER**

### **FRANCOURT**

Mersi Mr Speaker. Mr Speaker si ou permet mwan, mon pou pran en bout, apre Mr Palit pou pran en lot bout *ok*. Akoz i lo sa *technical group*, ki *World Bank* pe fer bann sanzman lo bann *social ASP*, e sosyal e tou sa bann rekomandasyon ki zot in vot forward.

E i en group ki vreman, entansif. E pe fer en bon travay. E parey taler letan mon pou koz lo *the rebates, the rate*

### **PATRICIA**

*review* sa pou antre ladan pou eksplik en pe.

Yer mon ti pe koz avek, Minister Lafanmir akoz nou konnen ti annan sa seksyon *Poverty Alleviation* anba zot sekter, e *it's no more*. Be solman en keksoz ki nou ti pe koz lo la, se *very soon* pou bezwen annan en *survey* ki ganny fer avek pa an izolasyon. Konmsi poudir sa *ASP*, Sosyal pou fer, lot pou fer.

I bezwen ganny fer ansanm, e nou komans sa konversasyon pou vwar bann, ki bann *findings* ki nou pou vwar, ki bann *finding* realistik. akoz nou pa *believe* dan fer en *survey*, oubyen annan lenformasyon lo *poverty*. Apre i vin en dokiman, 200paz zis nou pran nou met laba, e nou pa ganny regete.

Nou bezwen stratezi, alor *look at the findings*. Annan plis, konesans, *what is it, what is causing it* e ki bann fakter, ki pe fer sa? So sa mon konnen ki, nou pe demare avek lafanmir. Bann keksoz ki mon'n nonmen dan mon larepons, i montre bann fakter, ki nou konnen lo *education, drop out of schools*. Se sa ki ou vwar nou koz bokou lo bann *reskilling programme*. So that, dimoun pa ganny *caught up*. Zis dan, reste dan nivo reste dan lapovrete. It's doesn't have to be.

Akoz nou, nou pe kontinyelman, mon Minister an antye donn loportinite, so *that people*, ou napa ase ledikasyon dizon, ou'n *drop out*. You can get reskilled, to be in a job. Se sa ou vwar ki mannyer sa Minister, Sosyal, ASP Lanplwa, i vin byen ansanm. Akoz i kordinen. Nou meet souvan koman en, en group nou apel sa nou *vision group*, kot nou meet poudir be *ASP* ki ou pe fer.

E la i la bann bout, par egzanp bann *targeted group* ki mon'n koz lo la. *Drug dependence* i enn ki nou'n komans *target*, nou'n pran bann *teenage mothers*, nou'n pran bann zanfan ki'n *drop out*. Nou pran sa bann *targeted group* poudir nou'n komanse avek sa bann pti group.

Me solman nou bezwen amplified. E with the budget that we get, nou pe fer sir nou pe negosye pou donn loportinite sa bann, dimoun kapab antre dan lanplwa. It's by getting yourself, to be educated and get to the next stage, that you will give yourself as chance, pou sorti dan sa bracket lapovrete.

E again, kot *ASP* mon konnen poudir zot annan bann lide, fer bann. Konmsi pou regard ek zot *partner* ki mannyer ou kapab fer budgeting for example. E again

kot *ASP* mon konnen poudir i annan bann nide fer bann, konmsi pou regard ek bann partners ki mannyer nou kapab fer *budgeting for example* ki dimoun, i konpran poudir sa ki nou annan. *This is what we can spend on.*

Pa bezwen al dan bann keksoz, ki nou pa kapab. *You know it's not what we want, it's what we need.* So i annan bann travay ki nou pe fer. E mon konnen Mr Palit pou koz plis lo la. Lo son *technical group*, ki zot pe anmennen ankor.

Me selman parey ou dir sa, *reforms in Social Agency for Social i vast*. I annan diferan komite ki pe *meet*, e nou'n vwar dan *the rates review is one part*. E i annan ankor ki pe vini. Mr Speaker si i posib, mon a les Mr Palit koz lo sa dezyenm bout. Mersi.

### **DG FOR NATIONAL PLANNING DEPARTMENT**

**LENNY PALIT**

Mersi Mr Speaker. Bonzour Manm Lasamble e tou dimoun a lekout. Onorab, si mon konpran ou byen, premye kestyon i konsernen ek, si nou annan en target pour redwir lapovrete.

Pou 2023, napa en *explicit number*. Akoz en keksoz ki ou bezwen kalkile se, pou ou

kapab ganny sa lenformasyon i en legzersis vreman, vreman entansif. E prezan i pou toulstan annan bann *gaps*, lo ki nou lenterpretasyon *poverty*. Ti annan en *survey* ki ti ganny fer resaman. *World bank* ti esey etablir, en nivo mon krwar \$2 e \$4 pou nivo povrete. Lakantite ou konsonmen par zour.

E larealite se ki sa resansman ti dir ou ki non. I pa neseserman le ka, napa en problemm lapovrete. Me selman the *more recent study*, parey mon'n dir. I montre ki sa i le ka.

*Moving forward* kot i konsern bann Polisi, and that is linked to ou dezyenm kestyon, si bann Polisi i bezwen, ekonomik, ouswa sosyal. Korek? Yes. Ekonomik of course, i annan eleman bidzeter ladan. E nou pe elabor lo sa kestyon, enn pti git plis avek en lot kestyon ki'n ganny leve.

Kot i konsern sosyal, i think i enportan, pou realize parey Minis in dir lapovrete pa neseserman en keksoz ki ou kapab rezourd zis ek anvoy larzan avek.

I bezwen annan bann Polisi a lonterm. Si nou aktyelman get the *Multi-Dimensional Poverty Index*, nou pe sey gete ki bann endikater ki aktyelman, kontribye a povrete. Nou vwar ki *overcrowding*, i en

problennm. *Youth unemployment* i enn. *The issue of quality* ledikasyon, e ki bann lekspektasyon ki ou kapab gannyen pou louvraz.

Mon krwar en bon pe sa bann *issues*, in deza ganny touse par Minis oparavan. Me selman, mon krwar a lavenir, *the working group* pou bezwen, esey get sa bann fakter.

Me selman osi, en keksoz ki bezwen vreman, vreman enportan poudir. Seselwa osi i annan en par ladan. Nou osi nou bezwen leve, nou osi nou bezwen travay. Me selman nou pou bezwen konnen, ki si nou tonbe Gouvernman ki bezwen la pou siport nou, ler nou bezwen siport. E i bezwen ganny fer dan en fason soutenab.

Kot i konsern bann lorganizasyon, *sorry*, enternasyonal. Ti annan bann diskisyon avek *World Bank, of course and this is ongoing*. E naturelman ti annan en Misyon *IMF* la sa mwan. E sa osi i bezwen ganny pran an konsiderasyon.

Si ou aktyelman get tou bann rapor, deor. Ou vwar ki *the issue of poverty* i en keksoz ki pe lev, bokou, bokou plis la. *Given lefe COVID*, avek lager *Ukraine*. E malerezman mannyer keksoz pe ale, i pou

vin pli move deor. Sa i en fe garanti sa. Mersi.

### **MR SPEAKER**

Mon a kontinyen avek siplemanter lezot Manm. Onorab William. Mikro, mersi Mr Speaker.

### **HON WAVEN WILLIAM**

Mersi, mersi Mr Speaker. Mon kestyon i *comme* swivan;

Minis eski baze lo travay ki'n ganny fer oparavan. Eski ou satisfe ki, a ler aktyel la, bann mezir ki pe ganny pran. Atraver bann diferan lazans Gouvernman.

Ou satisfe poudir, Gouvernman pe adres, sa size lapovrete, Dan en fason konsistan, e konpreansiv?

E dezyenmman pour pep deor la ki pe ekoute an menm tan. *Well* nou koz lo lapovrete, eski ou kapab dir nou si ozordi, nou annan en definisyon, dan nou konteks Sesel. Akoz letan ou al dan bann konferans, lo nivo enternasyonal, zot pe servi en bann diferan kalite pei pou zot kapab dekrir sa nivo lapovrete.

Be eski nou Sesel, nou annan en nide lo vreman kwa ki nou anvi, pou kapab rezourd problenn lapovrete? Mersi.

### **MR SPEAKER**

Mersi Onorab. Minis.

**MINISTER**                   **PATRICIA**  
**FRANCOURT**

Mersi Mr Speaker. Mersi Onorab pou ou kestyon, sa bout dezyenm i plis *technical*. Mon a les Mr Palit pran. Onorab, mon kapab donn ou mon *reassurance*, tou le semenn letan *Cabinet* i *meet*, premye keksoz lo nou *agenda*, se ki, ki nou pou fer pou nou redwir lapovrete ? Premye kestyon ki nou koz lo la, *for the first hour and a half annan de fwa*.

*For the first hour and a half, annan de fwa.* Se sa ki ou vvar, poudir tou le semenn i annan bann novo mezir ki ganny entrodwir. Ou annan bann novo Papye ki anmenn kot *Cabinet*. E sa i lo *agenda* Gouvernman, tre for.

Nou rekonnert poudir *out there*, i annan dimoun ki letan nou a konpran sa definisyon, *is on the margin line*, parey nou kapab dir. E i pa fasil. So sa *agenda* mon donn ou mon garanti, ki i en topik ki nou koz lo la tou le semenn.

E toulezour, mon konnen poudir tou Manm *Cabinet*, i en keksoz ki, *at the forefront of our mind. What are we going to do*, ki nou pou fer. Ek tou Minister mon kapab dir, dan son fason

ou en lot, i *try son very best to come up*.

E nou koz fortman, nou koz fortman nou. I pa konmsi, nou *shy away from the topic*. I en realite, e nou konnen poudir nou dimoun deor pe depan lo nou, pou *come up with solutions*.

E parey mon'n dir sa *rates review*, ki nou pe koz lo la, *it's one major step, forward*. Nou'n annan STC ki'n vin kot *Cabinet*, nou *fight to make sure*, ki nou dimoun i ganny *the very best of the best*. E nou vvar, nou vvar ptipti par pti, i en topik ki nou koz lo la fortman. So sa i *as the forefront of the Government agenda*. Mon kapab dir.

Mr Speaker, Mr Palit i pran nou dezyenm bout mersi.

**MR SPEAKER**

Tre byen, Mr Palit. Kestyon definisyon lapovrete.

**DG FOR NATIONAL PLANNING DEPARTMENT**  
**LENNY PALIT**

Mersi Mr Speaker. Mersi pou larepons, pour ou kestyon Onorab. Now parey ou'n dir oparavan, pou ganny en *universal metrics*, pou determinen kwa lapovrete i vreman, vreman difisil.

Par bann mezir ki'n *World Bank* in servi dan lepase, pou

sey gete ki mannyer, ki sa lapovrete a en nivo mondyal. Natirelman lapovrete, pou tant pou *favor* bann faktter ki war *perhaps* lo Kontinan Lafrik, avek enn be bann pei Sid Lanmerik.

Me selman sa ki nou, nou bezwen mazinen. *That is the universal definition and this is something* ki ou kapab dir ki *everyone is struggle with*. Sa ki Seselwa i kapab konsider en *basic good*, ouswa en *basic access*, i pa neseserman menm *access* ki ou pe ekspekte dan serten pei.

*So going* dan konteks Sesel, *there was a study undertaken jointly by the World Bank and National Bureau of Statistics*, mon krwar ti ganny pibliye an Zanvye 2021.

E ti annan en *figure* ki ti ganny etabli and that was the *poverty line - the upper bound of the poverty line*. E sa *figure* ki ti ganny kote, mon *believes* ki 4376. Now kantmenm, i annan en *figure* ki ganny mete, i zis en nimero.

Nou bezwen pran konsiderasyon ki annan serten faktter ki malerezman Sesel, i pou toulstan en gro defi *moving forward*. Pou kapab ganny sa larzan, *perhaps* i pa *include the rental factor*. Ou kapab ganny sa *figure*. Me selman i kapab

*disproportionate towards bann fanmir ki pli gran.*

Ouswa *perhaps*, bann fanmir ki reste dan en, plis ki en *household*, en fanmir reste dan en *household*. So I think the issue of poverty is something, ki en *work in progress*. Me selman larealite se ki nou annan ase endikater poudir ou, sa i bann varyab, ki aktyelman kontribye lapovrete.

E this is what mon krwar, *Policy Gouvernman*, i ete *moving forward*, pou esey *tackle* sa bann varyab poudir wi, si nou pe vwar ki *housing* ek *unemployment* i en defi. Si nou pe vwar *informal sector*, ou dan *informal sector*, sa i kapab en lot defi akoz, ou pa ganny serten proteksyon.

Si ou ti travay. So i annan en ponnyen faktter, pou ou konsidere. I pa en kestyon senp pou reponn, me selman i bezwen ganny en zefor pou fer li. Mersi.

### **MR SPEAKER**

Mersi Mr Palit. Next Onorab Aglae.

### **HON EGBERT AGLAE**

Mersi Mr Speaker. Ankor enn fwa bonzour sa ki lo *panel*. Minis mon'n ekout en pti pe ou teknisyen la, kot i konsern sa *Multidimensional Poverty Index*

ki ti ganny sa rapor ki ti sorti an 2019. Mwan sa ki mon anvi konnen de la se *how far* ki Gouvernman li membrum li - mon konnen son lenplimantasyon i pa pou zis avek ou Minister byensir.

So bann desizyon ki Gouvernman i bezwen pran dan sa bann rapor avek son bann rekomandasyon i bezwen trouve pe al anliny baze lo sa rapor, baze lo bann desizyon ki zot pe fer fitir.

En Minis par egzanz kot i konsern elektrisite, letan mon tann *PUC* i dir zot in met 500 plas lo *grid* pou ed bann dimoun vilnerab e ki zis 300 ki sorti kot *ASP*, i vedir ki i annan ankor 200 ki kapab antre. *Ok*, bann prosedir. So Minis mwan mon ti a petet kontan kot i konsern *housing* osi *overcrowdedness*.

Me selman mon war Gouvernman i anvi redwir bann pli pti lakaz pou fer, be eski nou pa pe kontradwir se sa ki mon anvi konnen? Anliny ek sa bann rapor eski nou pe pran li azour pou zot fer zot bann lanons lo zot Polisi, zot bann regilasyon, pou fer ki sa *issue* lapovrete i ava ganny *tackle ways* ptitapti? Sa i enn.

E dezyenmman Minis mon konnen taler ou pou annan en kestyon lo size - mon pa oule

sot lo la pou lo size *welfare*, me selman Minis mon ti a kontan petet demann ou angiz ki sa i size *welfare* la, i pou annan en eleman osi kot i konsern lapovrete, petet tal ou ava reponn, mon pa pe demann kestyon.

So petet osi anliny zot plan, akoz dimoun i demande, zot monte zot fer lanons lo televizyon, me keksoz pa amelyore. So sa ou a reponn apre Minis. Mersi.

### **MR SPEAKER**

Mersi Onorab. Minis.

### **MINISTER**

### **FRANCOURT**

Mersi Mr Speaker. Mersi Onorab pou ou kestyon avek ou *statement*. Sa ki mon kapab dir mon konnen Mr Palit koman teknisyen *economist* i pou agrandi lo la.

Tou bann desizyon ki ganny fer i pa ganny pran an izolasyon. So *it's all the sectors*, Minister, Lazans, departman, *all the sectors* i vin ansanm.

Si par egzanz nou regard sa *PUC rebates* ki nou koz lo la sa *PUC rebates* i an diskisyon kwa ankor ki nou kapab fer pou nou soulaz dimoun deor? E sa ti en *very good incentive* ki'n *come forward* e atraver *Agency for Social Protection* ASP nou ti

idantifye bann dimoun ki deza pe ganny sa lasistans *to qualify straight away*. Nou'n fer en gran louvraz lo la.

Kontrerman avek sa ki ti ganny dir dan Lasamble, ki nou ti *call* dimoun dan distrik sa i pa korek, i pa vre akoz sa nou'n servi en lalis, en lalis ki konkret e nou kapab *identify* dimoun. Ki mannyer ou kapab *call* dimoun dan distrik? *Where do you start?*

Sa kekfwa ti ganny fer avan, me solman nepli fer konmela nou fer li *proper*. So ler nou'n *identify* lekel sa dimoun i bezwen annan son serten dokimantasyon ki i anmennen pou montre nou. Se eski son *PUC number meter* i *match* avek son non? So *PUC* i annan son bann kriter k i met devan ki nou, nou bezwen *follow*.

Nou ti konmans avek 300, si ou mazin mon en Papye ki nou ti prezante kot *Cabinet* nou ti dir 300, *PUC* ti donn nou 300. *And because nou ti'n almost reach the target of 300, then they increased it to 500.* Mon konnen la pou le moman nou annan 369 dimoun ki pe benefisyé.

E si tou zot annan dokimantasyon i kler e i byen, *they will benefit*. E again mon fer dimoun konpran poudir i pa

en larzan ki zot ganny *cash* i reflekte lo zot *PUC* bil koman en *rebate*. E i annan de fwa *PUC* menm ti pe dir nou dimoun i bezwen konpran pa akoz ou pou war oubyen met lo sa lalis *then* nou pa pran responsabilite *to manage* nou elektrisite dan lakour.

Ou pa pou war sa diferans si ou kontinyen met 2 *aircon*, 3 *aircon on* dan lakaz. Ou pa pou war sa diferans si ou pa tenny lalimyer. *So there are certain things that people needs to do.* E pran responsabilite pou zot kapab, e sa *rebate* li menm li mon krwar Minis ti dir i *pou at least R300 off* letan ou pou regarde i pou desann. *Right?*

So i bann pti linisyativ parey ki nou fer vreman byen, nou *follow* prosedir ki i *fair*. *It's not I'm going to pick somebody at random. It's fair and these people are actually on the list* e ki nou kapab donn zot sa soulazman.

Lo Mahe mon kapab dir i annan 245 dimoun ki pe ganny sa. Lo La Digue nou annan 15 dimoun. Mon krwar en kestyon ti ganny demande petet Onorab pa la i ti oule konnen, Praslin nou annan 36 dimoun, e sa lalis i kontinyen ogmante.

Par kont osi si nou ganny dimoun par egzanp ki vin, ki *call* nou, nou war petet zot pa

ankor fer laplikasyon *or they haven't met the criteria pou zot ganny assistance welfare, we nominate them to PUC.* Bann dimoun vin dan miting *one-to-one* avek mwan ki pe eksplik ou son difikilte *we refer them again*, akoz ou'n fer sa verifikasyon ou'n war poudir sa dimoun i merite.

So tousala bann fason ki nou kapab fer. Mon pa konnen si i annan en bout Mr Palit i kapab pran Mr Speaker. Mersi.

### **MR SPEAKER**

Mr Palit i kapab pran wi, me selman annou sey fer li vit. Nou bezwen *move on*.

### **DG FOR NATIONAL PLANNING DEPARTMENT LENNY PALIT**

Mersi Mr Speaker. Mersi pou kestyon. *Perhaps ma zis tackle 2 bout, for the sake of time, one is to do with the issue of housing.* Mon krwar pou sa dernyen 10, 15an nou tou nou'n war ki pri later in mont enkrwayableman.

En nivo ki nou pa kapab neseserman mezire me selman imedyatman ou konnen ki i annan en lenpak kot i konsern *property prices*, apre si ou pe aktyelman aste en lakaz ouswa *even si ou pe lwe en lakaz.*

So sa i en keksoz ki nou krwar mou bezwen *tackle e i en problem* ki'n la en pe letan. Me selman malerezman i reflekte en pti gin pli for lo serten group popilasyon. Now i annan en term ki ou'n servi ki mon vreman apresye 'ptitapti.'

Si ou aktyelman, mon krwar nou tou nou okouran ki *we did sign on to the UN sustainable development goals and then sa bann komitman i aktyelman 'to end poverty in all its form.'* So the issue of poverty i pa en issue ki rezourd ozordi pou demen la, e i annan serten lenstan kot ou war ki la povrete Sesel is a *generational problem*.

Nou tou nou konnen sa. Me selman la realite se ki si nou pe get bann faktor ki enpakte li i bann faktor ki *perhaps nou pe focus* lo bann manrmay ki pli zenn, zis pou e sir ki sa *cycle* pa neseserman en *cycle* ki kontinyen.

So sa bann Polisi pe vize anver sa me *at the same time* nou bezwen get keksoz a kour term *given mannyer lemonn e ale la.* Mersi.

### **MR SPEAKER**

Mersi. Klarifikasiyon en pwen silvouple Onorab pa fer en gran speech annou *move on*.

### **HON EGBERT AGLAE**

Mersi Mr Speaker. Zis en klarifikasyon pou Minis, Minis petet ti a bon lo sa size *PUC* avek sa *Rebate Scheme* la, sorti en pti pe pli kler pou dimoun konpran ki mannyer zot kalifye si fodre fer sa *socioeconomic report* ki zot bezwen fer, pou akoz ou riske vvar serten dimoun pe vini apre en laport ki pou ouver ki ou pa pou kapab kontrole li menm. Mersi.

**MR SPEAKER**

Mersi. Minis sa en sizesyon mon sipoze ou a note. Nou a kontinyen avek kestyion. Onorab Cosgrow.

**HON WALLACE COSGROW**

Mersi Mr Speaker. Mr Speaker Minis in admit dan son larepons ki i annan lapovrete Sesel. En keksoz ki nou souvandfwa zwenn rezistans avek bann manm lot kote latab ler nou koz lo soufrans bann dimoun pep Seselwa.

Mr Speaker sa kestyion i enn ki pou mwan mon kapab admet, Minis mon pou dir ou ki i pa neseserman parey ou'n dir dan pou larepons, i pa neseserman en keksoz ki zis pou ou, akoz ou Minister avek ASP i anmas sa lepo kase bann Polisi liberal ki ozordi pe ganny enplimante par Gouvernman par egzanp.

**MR SPEAKER**

Onorab ou pe fer an dan en deba, silvouple.

**HON WALLACE COSGROW**

Non, mon pe antre dan kestyion, mon bezwen sitye mon kestyion.

**MR SPEAKER**

Silvouple, silvouple!

**HON WALLACE COSGROW**

Mon kapab ganny 30 segonn silvouple Mr Speaker?

**MR SPEAKER**

Nou napa letan.

**HON WALLACE COSGROW**

30 segonn pou mwan fer mon kestyion?

**MR SPEAKER**

Kestyion silvouple.

**HON WALLACE COSGROW**

Bann Polisi liberal par egzanp sanzman dan *Pension Fund*, sanzman dan STC bann pti komodite esansyel, sanzman dan saler.

Mr Speaker se sa bann Polisi liberal ki pe fer lapovrete Sesel ...

*(Interruption)*

**HON WALLACE COSGROW**

... so eski Minis, eski Minis i kapab, i pare pou diskit avek son bann koleg dan *Cabinet* Minis, pou diskit ek son bann koleg e pou revwar sa bann Polisi ozordi ki pe enpakte lo Seselwa e pe kre lapovrete dan Sesel? Mersi Mr Speaker.

**MR SPEAKER**

Mersi. Minis ou adres sa kestyion silvouple.

**MINISTER  
FRANCOURT**

Mersi Mr Speaker. Mon kontan ki Onorab in fer sorti son bann pwen. Onorab parey Mr Palit i dir *a very qualified economist, poverty definition* i annan en definisyon, nou bezwen met li an konteks.

E parey in dir *this is something that we need to look at and put it in context*. Sa bann keksoz ki ou pe nonmen, *changing Pension Fund*, i pa bann keksoz ki nou, nou fek vin anmennen nou, sa i bann keksoz ki zot, zot ti devret fer

(*Interruption*)

**(APPLAUSE)**

**MINISTER  
FRANCOURT**

depi avan e zot *to sit on the fence* zot pa ti oule fer, ti ganny dir ti fodre fer.

**(APPLAUSE)**

**MINISTER  
FRANCOURT** **PATRICIA**

So mon krwar sa Gouvernman i annan plis lolasite pou fer sir ki sa bann keksoz i a mars byen. Si zot, zot ti'n fer kekfwa ozordi nou pa ti pou dan sa sityasyon.

**(APPLAUSE)**

**MINISTER  
FRANCOURT** **PATRICIA**

E trwazyenmman lo kote saler petet taler ou a tann nou letan nou koz lo *rebates*, ou a war poudir i en keksoz pozitiv ki nou pou *share*. Mersi.

**MR SPEAKER**

Mersi. Sorry Onorab Cosgrow nou'n antre dan en deba ki napa naryen pou fer ek kestyion orizinal. Nou a kontinyen e mon pou *move* lo *next question* kestyion 51 Onorab Lemiel.

**HON SYLVANNE LEMIEL**

Mersi Mr Speaker. Bonzour Minis avek ou delegasyon. Tou dimoun a lekout, mon kestyion i *comme swivan*;

Ozordi i annan bokou konplent par bann fanmir ki bezwen lasistans en *carer*. Mon'n aprann ki *ASP* in fer

revizyon dan sa kad lasistans ki zot donn bann fanmir aze, e lezot ki bezwen en *carer*. Eski Minis i kapab dir sa Lasanble akoz ki bann aplikan pou *carer* pe tarde pou ganny en larepons?

E akoz ki dan ka kot bann aplikasyon ki'n ganny aprouve bann aplikan pe ganny dir peye zot menm? Mersi.

### **MR SPEAKER**

Mersi Onorab. Minis larepons *please*.

### **MINISTER** **PATRICIA** **FRANCOURT**

Mersi Mr Speaker. Mersi Onorab pou ou kestyon. Mr Speaker pou benefis Lasanble i byen pou note ki Lazans pa'n fer okenn revizyon dan programm *carer*. Me par kont ki in fer se ranforsi lo lenplimantasyon *Homecare* Polisi ki an egzistans depi 2009.

Pandan sa enplimantasyon Lazans ti rekonnet en mank liniformite dan lafason ki bann laplikasyon ti pe ganny fer. En keksoz ki permet bokou labi lo sa servis. Alor Lazans ti met an plas en *Standing Operating Procedure* parey nou dir (SOP) pou bann laplikasyon *homecare* apartir Septanm 2021 ki strikteman

baze lo sa *Homecare Policy* 2009.

Dapre nou SOP Lazans pa devret pran plis ki 2 semenn pou travay lo en laplikasyon ki konplet e en larepons i ganny donnen kan ASP in fini fer tou son *diligence* lo sa ka.

Me pou ASP kapab donn en larepons dan sa dele letan, i neseser ki bann aplikan No.1 i soumet tou dokiman neseser ki enkli laprev bann manm fanmir ki reste dan zot lakour avek sa aplikan, laprev bann reveni e osi bann depans. E dezyenmman donn Lazans bann lenformasyon ki korek e vre.

Mr Speaker lofis Departman *Homecare* i travay dir pou *process* bann laplikasyon, fer bann vizit e osi war piblik kan i neseser. So 3 keksoz ki zot bezwen fer.

Tousala i osi form parti sa prosedir avan i en aplikan i kapab ganny en larepons. Pou donn en larepons dan en letan rezonnab i nou priyorite. Par kont nou osi rekonnet ki dan serten ka nou pa kapab donn en larepons dan sa dele letan rezonnab, akoz mankman dokiman pou *process* lokalizasyon, oubyen laplikasyon i mank lenformasyon ki korek e vre.

Dan sa ka zofisyen i bezwen enform sa kliyan ki dokiman i manke e espere. Nou rekonnet bann ki bezwen en *carer* e akoz sa Lazans i asire ki zot ganny asiste dapre kriter e osi *merit*.

Konsernan dezyenm bout kestyon Onorab sa prosedir *means test* i baze touzour lo Polisi *Homecare* 2009.

Par kont sa Polisi pa ti pe vreman ganny aplike e akoz sa, laplipar endividé ki ti fer en laplikasyon ti kalifye pou Gouvernman fer tou kontribisyon anver sa servis. Me depi Septanm 2021 Lazans in konsider sa ki sa Polisi pe dir e vreman aplik bann prensip par deryer sa Polisi.

Sa prosedir *means test* i determin 3 keksoz ; premyerman si Gouvernman pou fer tou kontribisyon anver servis en *carer*.

Dezyenmman si Gouvernman pou fer en bout kontribisyon dan servis en *carer* e finalman trwazyenm si sa lakour i kapab fer tou kontribisyon anver servis en *carer*.

Kan en determinasyon i ganny fer baze lo sa *means test* kliyan i ganny enformen, eksplik atraver nou lofis *customer care* lo ki manyer sa servis pou ganny peye pou sa lakour. Dan ka kot sa kliyan pa

satisfie avek sa determinasyon i touzour kapab fer en rapel atraver *review panel* ki en komite endepandan.

Lo sa komite i annan reprezantan Lasante, Servis Sosyal, e osi Departman Lanplwa.

Mr Speaker Gouvernman i rekonnet ki kantite travay i annan pou fer kot servis *homecare* e i konpran difikilte aktyel.

Mon kontan pou enform Lasanble ki 2 semenn pase en Papye avek tit '*Moving towards a needs-based homecare service through a homecare agency*' ti ganny propoze avek *Cabinet* pour ki en novo Lazans *Homecare* i vin an egzistans. Sa i a osi annakor avek bann rekomandasyon *World Bank* e Gouvernman i vreman angaze pou realiz sa an 2023.

Nou pou enform Lasanble kan tousala pou finalize. E mon asire ler sa Papye i ganny prezante kot *Cabinet it will be in the news as well*.

Mr Speaker a sa staz i nou swe ki bann Manm fanmir i reste angaze anver bann dimoun aze, e bann ki otreman kapab e ki zot rekonnet ki premyerman zot responsabilite pou ed e pran swen avek zot bann Manm fanmir. Pou bann ki pe pran sa responsabilite o

sерье nou felisit zot. Mersi Mr Speaker.

### **MR SPEAKER**

Mersi. Siplementer Onorab Lemiel.

### **HON SYLVANNE LEMIEL**

Mersi Mr Speaker. Mersi Minis pou ou larepons. Minis ka ki'n ganny anmennen devan mwan pour ki nou'n kapab anmenn sa kestyon, mon pe regard par egzanp ou annan en dimoun i travay dan en korperativ, enn son zanfan ki reste ek li i pe travay kot zot pe ganny *minimum wage*.

E i fer son aplikasyon pou en dimoun ki tonm en latak, i pran li 3mwan pou li ganny en larepons depi Fevriye in fek ganny sa larepons la, 3 mwan, e in monte desann, in napa personn ki'n ganny kontak ek li pou dir li nou ankor pe *review*. Tou dokiman ti ganny anmennen *on the second day* ki i ti fer son aplikasyon.

So ki mannyer nou eksplik en sityasyon 3mwan retar e ler i ganny sa let i dir li ou pa kalifye. Ou dimoun i kalifye wi, me ou, ou bezwen pey ou menm, ler i get sa 2 pri saler. Par kont i annan osi bann fer dir anmenn dokiman Mr Speaker in anmenn en *bank statement* zot in war en pti

larzan ki in anmase dapre sa fanmir i pou lanterman sa dimoun, e i dir petet sanmenm sa ki dir li poudir in kalifye.

Petet ti a bon nou konnen osi Minis letan ou'n eksplik sa 3 kalite lasistans kot Gouvernman i ed tou, i ed parsyelman, i pa ed ditou ou ed ou menm, petet ti a bon bann dimoun ki pe ekoute la deor. Akoz i pou lenformasyon piblik psi sa bann dimoun i konnen kekfwa ki kriter ki Gouvernman i ed tou, ki kriter ki Gouvernman i ed en bout, ki kriter ki Gouvernman i dir ou pey ou menm?

Dezyenmman Mr Speaker kot i annan en lot problem, kot *homecare* nou pe koz *homecare Ocean Gate* i annan en *issue* kot mon krwar nou pou bezwen revwar.

Dimoun i esper plis ki 3erdan, zot fermen midi, dimoun ki bezwen lasistans sa, midi zot fermen menm si zot la laport i ganny fermen dan zot figir ale retour demen. So ti a bon osi sa nou ganny en leksplikasyon. E bann dimoun pe regarde otan ki keksoz in retour normal, akoz ki sa servis pa kapab ganny kontinyen parey i i ete dan lepase?

E en dimoun i ganny son *carer* in ganny peye 6 mwan, in

*ok li, zis en sel kou i ganny dir, mon pou al pran sa carer ek ou, peye ou menm in annan en malantandi quelque part. So dan sa sityasyon osi petet ti a bon sa bann dimoun ki pe ekout nou i ganny en leksplikasyon Mr Speaker.*

Mersi.

### **MR SPEAKER**

Mersi. Minis ou CEO pou adres sa bann pwen.

### **CEO ASP BRENDAMORIN**

Mersi Mr Speaker. Mersi Onorab pou ou kestyion. Mon a pran lo en bout lo komansman ler ou prosedir apre Ms Tirant i a koz en pe lo kriter apre bann laliny kot *Ocean Gate House ok*, bann kliyan ki vin fer laplikasyon.

Bon Onorab parey ou pe dir i annan bann *carer* ki vin kot ou, ki deza fer - mon ti ava apresye si ou ti ava fer mwan konn sa bann dimoun, e mon ti a kapab diskite akoz dan plen ka ki lezot *MNA* osi in anmennen, nou'n eksplik zot egzakteman kote problem i été. E osi si nou pa ganny dir boner, nou pa kapab ed sa dimoun pou montre li kote *issue* i ete kwa ki manke.

So si napa sa komunikasyon definitivman i pou *delay* en kantite e i pou

esper letan nou vin Lasanble pou anmenn sa e i pa en letan pou nou kapab rezourd en problem swen en dimoun. So sa komunikasyon mon ti apresye e fer nou konnen.

E parfwa osi ou pou vwar ki i en senp fason ki nou kapab rezourd sa e fer sa dimoun ganny son *carer* oubyen eksplik li byen akoz i pa'n gannyen. Akoz souvan nou fer kle avek *MNA* oubyen avek nenport Minister ki vin kot nou pou dir nou e nou eksplike kwa ki'n fer sa dimoun pa kapab gannyen baze lo sa kriter.

So definitivman nou pa la pou fristre oubyen pou inyore ki sa, me nou kontan pou eksplike e mon silvouple mon ti a kontan ganny sa bann *case* ki ou pe dir e pou mwan kapab eksplik ou byen enkli sa dimoun kwa ki'n fer son prosedir *delay* e si i pa'n gannyen akoz i pa'n gannyen, ok? Mersi.

### **MR SPEAKER**

Mersi. Eski Mrs Tirant i ankor annan keksoz pou azoute?

### **SENIOR MONITORING AND EVALUATION OFFICER**

### **TRACY TIRANT**

Mersi Mr Speaker. Mersi CEO. Onorab mersi pou ou kestyion, par kont mon ti ava kapab

elabor en pti pe kot sa ki CEO Morin in dir.

Nou annan bokou ka osi ki bann laplikasyon ki ariv kot nou, bann limero telefonn ki ganny donnen *either* avek Minister Lasante pou zot *health assessment or through* nou *welfare officer* i pa bann limero ki korek. I annan letan ki nou pe pa'n kontak avek bann manm fanmir ki nou pa pe ganny kontak avek zot *at all. Ok?*

Pou dezyenm bout ou kestyon *in regards to* ki kriter nou servi, *ok* kot *homecare* letan en laplikasyon i antre kot nou, nou fer nou bann verifikasyon neseser, ki vedir nou bezwen verifye lo tou lenformasyon ki'n ganny prezante lo sa laplikasyon i korek *ok?*

Nou verifye en pti pe lo sa laspe *Revenue Commission* nou get en pti pe lo *Land Registration*, nou get lo *Licensing Authority, Business Registration*. Akoz i annan bokou ka kot zot met *unemployed* lo laplikasyon, me selman letan nou pe get bann *bank statement* avek bann *loans* ki zot deklare ou war *unemployed*, selman ou annan en *loan R15mil* ki ou pe peye.

So se pour se la ki nou fer en pe sa bann resers. Apre osi

nou get Fon Pansyon akoz i annan bokou zot ki deklare lo laplikasyon ki zot *unemployed*, malerezman letan nou tir *statement from Fon Pansyon* kot nou vwar poudir zot dan lanplwa *already, ok?*

Apre osi kalifikasyon i baze lo sa prosedir *means test* ki vedir nou pran tou bann larzan ki pe, nou konsider tou bann larzan i pe antre sorti kot sa lakour.

Savedir pou bann Manm fanmir sa aplikan, *ok* i bann manm fanmir ki nou dir bann manm fanmir pre parey son manman, son papa, ser, frer kot lakour nou pran 20poursan me par kont Manman papa sa aplikan li menm li nou konsider Fon Pansyon avek okenn panson ki antre sorti aletranze.

Me par kont okenn benefis ki ganny peye par *ASP* sa nou pa pran konsiderasyon dan nou *means test*.

Manman, papa nou pran son saler *ok*, nou pran saler osi madanm msye ou partner sa aplikan ki pe reste la kot sa lakour, si i annan zanfan osi ki pe reste kot lakour nou pran 100poursan.

E tou lezot Manm fanmir koman bann *in-laws* tonton, *niece* e tou sa, sa nou pran

20poursan zot saler me par kont letan nou pran sa 20poursan nou pa konsider bann *loan* ki annan, me selman pou *means test* nou annan sa bout *weights* ki'n ganny *allocate* dan nou *means test*

Ki nou *allocate* avek tou bann adilt kot lakour R3945 e tou bann zanfan 18an e par anba i R1972.50 ki vedir nou balans tou sa *income against* sa *weights*, nou retir osi en alokasyon R488 pou elektrisite ek delo.

Tou bann manm fanmir kot lakour ki dan lanplwa nou retir R250 pou transportasyon tou bann Manm fanmir ki nou pe pran sa 100poursan li nou retir bann *loan* osi ki pe peye. Me selman pou nou kapab retir sa bann *loan*, nou fer sir poudir tou son bann dokiman i la avek aplikasyon. E baze lo sa la ki determinen *whether* ki i pou kalifye 100poursan ou en serten poursantaz ou pa kalifye ditou. Mersi.

### **MR SPEAKER**

Mersi. Eski *panel* i kapab adres vitman sa pwen lo louvertir biro mon krwar ki Onorab Lemiel nou a kapab termin lo la silvouple? Lekel ki kapab adres? Ler louvertir biro? Yes Mrs Tirant.

### **SENIOR MONITORING AND EVALUATION OFFICER** **TRACY TIRANT**

Mersi Mr Speaker. Sorry mon'n *opt out* ou kestyon, nou ouver 8er ziska midi me par kont nou ouver Lendi ziska Merkredi.

Dan Zedi ek dan Vandredi nou fermen parske nou annan nou bann vizit routin ki nou al fer, apre nou annan nou annan lezot louvraz administrative pou nou fer dan lofis. Letan nou fermen midi si i annan dimoun lo bann deor nou war zot akoz nou bann *staff* i travay *at times* ziska 1er, 1er kar dan lofis si nou annan nou kliyan deor. Mersi.

### **MR SPEAKER**

Mersi. Mon annan 8 dimoun lo lalis kestyon, mon pou pran sa ki mon kapab. Si letan i permet nou pran tou tan mye me nou a regarde. Onorab Labonte.

### **HON ANDY LABONTE**

Mersi Mr Speaker. Bon mon a dir mersi Minis CEO Morin ek Mrs Tirant pou zot larepons, e mon vreman apresye sa travay ki nou pe travay dan distrik mon ganny bokou korperasyon.

Me selman en pti leklersisman, vi ki zot dir poudir sa Polisi i baze depi 2009, e nou bezwen onnet poudir plizyer dimoun dan

distrik i annan konplent *regarding* pe fer serten konsern *regarding carer*.

Petet nou kapab dir ki si dan sa Polisi i ti deza egziste poudir nou pran kont, kont labank sa bann dimoun e i zis ki dan lepase sa pa ti pe met an pratik, prezan la vi ki Minis in sanze, so nou pe met pratik sa Polisi ki ti la depi an 2009?

### **MR SPEAKER**

Mersi Onorab. Minis, yes CEO wi, ou kapab adrese.

### **CEO ASP BRENDAMORIN**

Mersi Mr Speaker. Mersi Onorab pou ou kestyon. Dan nou verifikasyon ki nou fer se sa i form par dan rod ou kont labank, akoz si ou pa kapab zis dir mwan en *figure* ki mon pou aksepte ou dir mwan ou pa ganny naryen oubyen sa mon bezwen vwar.

So levidans i enportan pou nou kapab evalye si nou kapab peye oubyen non, e apre si Gouvernman pou ed ou i pou baze lo sa bann kriter ki dan Polisi i dir nou fer. Mersi.

### **MR SPEAKER**

Mersi CEO. Onorab Pillay.

### **HON SEBASTIEN PILLAY**

Mersi Mr Speaker. Mon ti a kontan demann en

klarifikasiyon, si ou pe dir nou poudir sa sistenm pe marse akoz tou sa ki mon'n tann Minis dir i paret tou bann sistenm pe marse. E still ou pe tann dimoun pe konplent. So either sa ki dimoun pe dir nou pa vre or sa ki zot, zot pe dir nou pa vre.

I bezwen annan en keksoz ki pa pe egziste la, ou konpran? Akoz menm taler par egzant ler Minis in reponn kestyon lo sa size GOP i annan dimoun pe dir ou i annan dimoun 63an ki'n ganny GOP pou al *manage* lotel, ou konpran? Konmsi ou pe dir nou en keksoz la realite i diferan, so klarifye pou nou silvouple.

Eski ozordi anba sistenm kot i annan dimoun pe al fer laplikasyon pou en *carer*, ki en nivo efikasite ou kapab di nou sistenm i ete pou le moman la? Eskti par egzant en dimoun tou dimoun ki kalifye pou ganny en *carer* e ki sipoze ganny siporte ek Gouvernman pou peyman sa *carer* zot pe ganny sa peye, i pe arive?

Eski ozordi par egzant si ou annan en fanmir mon pa konnen ki reste Grand Anse Praslin ki bezwen en *carer* e i vin fer laplikasyon, donn nou ki kantite letan sa dimoun pou pran avan ki i ganny en larepons, son *carer* i ganny

aprouve e peyman i ganny fer pou li kapab annan en *carer?*  
Mersi Mr Speaker.

### **MR SPEAKER**

Mersi. *Panel Minis* pou, Minis avek CEO tou lede in lev lanmen. Minis a pas premye.

### **MINISTER**

#### **FRANCOURT**

Mersi Mr Speaker. Onorab mersi pou ou kestyon. Mon krwar dan mon larepons i ti vreman kler e Ms Tirant in eksplik kriter ki mannyer i marse.

Sa sistenm ki menm is *implementation* e i en *process* transparan, i en *process* ki sistematik, i en *process* ki *fair*. Nou, nou pa deside nou menm sa dimoun i ganny en *carer* i pa ganny en *carer*. Kekfwa avan ti koumsa. Me selman la nou fer li *through the procedures*. Mazinen nou pe travay avek *just under 4thousand* resipyen e i en *volume*.

E se sa ki ou war poudir nou'n anmenn sa Papye kot *Cabinet* pou dir pou reste ki mannyer i ete i pa *the best option*. E nou pe ale nou avek *World Bank recommendation* pou montre poudir *going into a homecare service through an agency, this will be much better and better managed*.

E sa osi i bann keksoz ki *World Bank* ti'n fer rekomandasyon *way before!* Again nou'n vini, nou dir be sa bann rekomandasyon ti la akoz *it's sitting on the shelf*. Annou pran li annou fer li marse. E nou, *we are doers*, nou fer li marse e nou fini prezant nou Papye avek *Cabinet*.

E la nou pe travay avek nou *technical group* ki pe regard *the whole system*. Mon krwar *just under three weeks* nou pe prezant *the next stage of* ki mannyer nou fer sa *Homecare Agency* marse.

So nou pe rod tou fason pou nou kapab pou fer sir poudir nou donn *better servis*, servis pli efikas and so on. Zis pou fer remarke ankor Onorab sa *means testing again* parey mon'n eksplike i an kriter e i ti toulstan la. Pa nou ki zis deside sa enn i gannyen sa enn pa gannyen.

I kapab *qualify for a carer* me solman i bezwen *go through the system* pou regarde lekel si Gouvernman pou pey li annan tye, lanmwatye e ditou. E zot konnen zot, dan Lasanble akoz bokou zot, zot anvoy lenformasyon kot nou kantite labi ki arive avek *carers*.

E mon kontan mon remersi zot pou sa, tou lede kote latab nou ganny

lenformasyon regard ladan, regard ladan, regard ladan.

Annan de fwa nou ganny sa bann *elderly* memm ki dir ou be mwan mon annan mon larzan mon pa konnen akoz mon piti pe *apply* pou *through the system* pou dir peye. I annan tousala ki arive zot konnen zot poudir nou annan *carers* ki pa pe okip nou bann vye dimoun *comme fodre*, nou annan *carers* ki dir ou i sipoze la me selman i pa la.

Sa ta verifikasyon ki nou fer i *nonstop*. So Onorab zis pou reasir ou sa ki nou pe fer nou pe zis ranforsi nou bann *SOPs* e nou pe fer li dan en fason ki kler e transparan *but also very fair*. Mersi Mr Speaker.

### **MR SPEAKER**

Mersi Minis. CEO oule azoute oubyen nou'n satisfe? Tre byen. Yes Onorab Pillay silvouple,

### **HON SEBASTIEN PILLAY**

Mr Speaker. Anba nou *Standing Orders* rezon mon demann en kestyon se pou mwan *press* Minis pou aksyon e rod lenformasyon *ok*?

### **MR SPEAKER**

Wi.

### **HON SEBASTIEN PILLAY**

Lenformasyon ki Minis in donn nou mon pe sey *press* Minis pou aksyon. Mwan mon'n dir ek Minis poudir si i annan konplent e in admet poudir bann *MNA* i avoy *case* kot zot *ok*?

Si bann *MNA* Gouvernman i oule fer li dryer rido sa i zot problem. Nou rol Lasanble se *press* Gouvernman e Gouvernman pa vin la ansanm pou vin demann nou pou avoy *case* par deryer rido pou zot. Mon pwen i senp, mon pe swiv mon *Standing Order* pou mon *press* sa Minis pou aksyon, Minis sak fwa nou demann li pou kestyon i dir nou i pa ti pe ganny fer avan, *fair enough*.

Me si Seselwa i kontan mannyer ou pe fer li i ava zize. Mon kestyon pou ou ti senp, mon'n donn ou 2 senaryo, ler en nou in *apply* pou en *carer* ki kantite letan i pran ou li gannyen, vizavi bann keksoz ki ou pe dir nou. Ler ou pe koze i annan dimoun i ankor pe *text*. Mon pa al dan *text* akoz i paret poudir tou keksoz i *ok*.

*(Interruption)*

### **HON SEBASTIEN PILLAY**

*Hold-on, hold-on, hold-on.* Mon pa pe al ladan mwan. Mon pa pe al ladan.

**MR SPEAKER**

Onorab. Ou *point of order* pe al long, silvouple ou'n *state* ou *point of order*. Mersi.

**HON SEBASTIEN PILLAY**

Mon kapab fini? Mon pe rod klarifikasyon mon kestyon ki pa'n ganny reponn.

**MR SPEAKER**

Wi ou pe, non, *sorry* ou pe-

**HON SEBASTIEN PILLAY**

Mon kestyon pa'n ganny reponn.

**MR SPEAKER**

Wi ok. Mon konpran, Minis in reponn ou kestyon dapre lenformasyon e mannyer-

**HON SEBASTIEN PILLAY**

Be ler ou Prezidan ti la dan mon plas

**MR SPEAKER**

*Un instant* Onorab ...

**HON SEBASTIEN PILLAY**

... kestyon ti al ziska 8er diswar. *Aar...!*

**MR SPEAKER**

*Un instant* Onorab mon pe koze silvouple!

**HON SEBASTIEN PILLAY**

*Aar...!*

**MR SPEAKER**

Mon pe koze. Minis in reponn ou kestyon dapre lenformasyon ki i annan e in dapre sa ki pare pou dir la. Si ou pa satisfie avek repons Minis ou bezwen aksepte poudir sa son repons e sa osi i dan *Standing Order*. Ok. Mersi.

**HON SEBASTIEN PILLAY**

Mon pa pou zanmen aksepte ! Mwan mon pe dir ou mon pa pou aksepte! Mon pa pou aksepte!

**MR SPEAKER**

Nou a pran kestyon Onorab Andre si i annan.

**HON CLIFFORD ANDRE**

Mersi Mr Speaker. Mr Speaker Minis letan in reponn kestyon inisyal, in dir pou annan en *Homecare Agency*.

Mon ti a kontan ki Minis i dir nou si a ler aktyel, si en dimoun i *apply* atraver en *Homecare Agency*, si i pou gannyen *carer*? E si i pa ganny *carer*, ki lot mwayen i kapab fer?

E osi pou fer konpran ki *MNA* pa responsab pou sa desizyon ki Minis avek *Welfare Agency* i pran. Me selman nou'n anmenn sa pwen devan. Mersi.

**MR SPEAKER**

Mersi Onorab. Minis ou a adres sa kestyon.

**MINISTER****PATRICIA****FRANCOURT**

Mersi Mr Speaker, mersi Onorab. Onorab parey mon'n dir, nou ti'n fek anmenn sa Papye kot *Cabinet*.

I sa *Homecare Service through a Homecare Agency* i bann diskisyon ki nou pe fer *right now* pou regarde ki mannyer i pou *operate*.

So nou ankor dan *baby stage* ladan. So letan pou'n kler, zot pou tann nou, nou'n pas nou *Cabinet paper*, nou pou donn plis lenformasyon.

E i ava kler ki mannyer i pou marse. I pa vedir i pou en determinasyon ki *Homecare Agency* ki deside. Me selman nou ankor pe devlop son *rational* e son *terms of reference to it*. Mersi Mr Speaker.

**MR SPEAKER**

Mersi Minis. Kestyon Onorab Monthy.

**HON PHILIP MONTHY**

Mersi Mr Speaker. Bonn apre midi plito Minis ek ou delegasyon. Minis ou'n dir ki dan lepase tou aplikasyon ki ti ganny fer ti ganny aksepte.

E ou'n presize ki i annan serten *MNA* ki pe ed ou pou idantifye bann labi. Me labi i kontinyen. Lo zot kote pou zot, kwa ki pe ganny fer pou met lanmen lo sa bann labi, pou ki sa i zis kontinyen, e bann dimoun ki vreman merit en *carer* i gannyen. Sa i enn.

Dezyenm, eski zot satisfie avek prosedir sa *Bartel Examination* ki pe ganny fer avek Minister Lasante. Akoz annan de fwa dan distrik mon'n rankontre ki sa papye i perdi.

In ganny donn ek driver, drayver in al anmenn sa en lot landrwa. *Ok*, zis eksplik nou en pe sa prosedir.

E dan lenstans kot i annan en dimoun in kalifye pou en *carer*, be selman in ganny demande, ler ou'n get *income* kot lakaz, zanfan i annan ase larzan ki pe antre, i kapab pey li menm.

In fer *appeal*, eski i annan bann lenstans kot *appeal* in ganny aksepte? Mersi.

**MR SPEAKER**

Mersi. Minis? Panel?

**MINISTER****PATRICIA****FRANCOURT**

Mersi Onorab. Mon a pran vreman vit. Mon a pran de bout. Onorab i byen ki labi i *beyond* nou kontrol sa, i ariv

deor. Me selman i ganny met dan nou latansyon.

E se sa ki ou war sa *verification process* i vreman entansif pou fer sir ki sa ki gannyen i merite, sa ki i byen.

So nou fer sa byen. *Bartel Index*, mon a les Ms Tirant koz lo la. *Means testing* parey nou dir, *again* i en process ki *again* nou'n eksplike vreman byen an detay ki mannyer i marse.

E *again* si ou rezulta i vini, ou merite, *you will get it*. E nou, nou la pou soutenir dimoun, nou pa la nou pe fer dimal dimoun.

Nou la pou soutenir dimoun, me selman dan en fason ki *fair*, ki transparan e merite. Mersi.

### **MR SPEAKER**

Ms Tirant ou pou kontinyen.

### **SENIOR MONITORING AND EVALUATION OFFICER** **TRACY TIRANT**

Mersi Mr Speaker, mersi Onorab pou ou kestyon. *In regards to Bartel*, normalman *nurse* dan distrik i sipoze *hand over* sa *Bartel assessment form* avek sa manm fanmir pou anmenn kot *welfare officer* dan distrik.

Me par kont ti annan bann *nurse* mon krwar ki ti pe donn, ki ti pe donn zot *driver*. Mon

annan enn ou *case* ki ti pas atraver mwan, ki ou ti met a nou latansyon, wi, sa enn i ti'n al kot *messenger* kot Lopital.

So pou tou dimoun a lekout la, normalman zot *Bartel* zot sipoze ganny dan zot anmenn, pou anmenn kot *welfare officer* dan distrik. Mersi.

### **MR SPEAKER**

Mersi Onorab Monthy. Mon pou pas lo lot kestyon. Kestyon 52 Onorab Waven William.

### **HON WAVEN WILLIAM**

Mersi. Eski Minis i kapab donn Lasanble en lesplikasyon lo ki baz zot in swazir pou kalifye en endividou en fanmir pou sa 32 poursan logmantasyon pou *welfare*?

Dezyenmman, eski zot pou kontinyen evalye bann ka ki tonm dan ran vilnerab, firamezir? Mersi.

### **MR SPEAKER**

*Thank you* Onorab. Minis ou a diriz ou panel.

### **MINISTER FRANCOURT** **PATRICIA**

Mersi Mr Speaker. Mersi Onorab. Mr Speaker, Onorab atraver ou Mr Speaker, parey nou konnen depi lannen 2012

in napa okenn revi lo *weights* ki servi pou determin lasistans *welfare*. Sa i fer 10an.

Alor i kler ki sa revizyon ti neseser. An plis, nou konnen ki i annan bann lezot faktor ki enpakte lo kou lavi.

Par egzanp, sa lenvazyon *Ukraine* e lenflasyon e logmantasyon dan pri lavi ki en lenpak direk COVID-19.

Alor avek gidans *World Bank*, Gouvernman in pran sa desizyon pou revwar sa bann *weights*. En tim *expert* sorti kot Minister Finans, Departman Sosyal ek ASP, ti travay lo revizyon sa bann *weights*, baze lo lenformasyon ki ti ganny anmase sorti kot bann diferan partner.

Sa logmantasyon lo *welfare weights* i anliny avek Bidze ki ti ganny aprouve par sa Lasanble pou *social safety net* pou lannen 2022.

Me ki sa logmantasyon i vedir pou sa endividé oubyen fanmir ki kalifye lasistans *welfare*?

Parey i le ka ozordi, nenport endividé oubyen fanmir ki santi ki zot bezwen lasistans *welfare* i fer zot laplikasyon dan distrik kot zot reste.

Zot pou ganny evalye dapre bann kriter ki deza an plas e si zot kalifye, zot benefis pou aprezan plis ki avan.

Setadir nou annan en logmantasyon 32poursan ki pou en gran lavantaz lo sa fanmir.

E bann zanfan ki annan dan sa lakour. Savedir en lakour ki ti kalifye R3945 ki ti ganny maksimonm lasistans, i posibileman aprezan pou kalifye R5224.

Anvi sa logmantasyon, nou osi ankouraz bann aplikan pou vin responsab dan zot bann depans e evit okenn depans oubyen det ki initil. Mon ankouraz zot pou fer en Bidze dapre zot reveni lakour. Mersi Mr Speaker.

### **MR SPEAKER**

Mersi Minis. Onorab William ou annan siplemanter?

### **HON WAVEN WILLIAM**

Mersi Mr Speaker. Mr Speaker mon anvi demann Minis, premyerman enn, si tou bann lenformasyon ki bann aplikan i ganny demande ki sipoze kalifye.

Normalman dan konbyen letan minimom ki sa aplikan i merit ganny en larepons?

E dezyenmman, Minis, eski ou santi a ler aktyel la, baze lo novo devlopman e dinamiz dan bann devlopman enternasyonal ki lenpak negativman lo Sesel, eski ou

santi poudir i annan sa nesesite pou konstaman fer revizyon dan bann kriter ki pe ganny met devan?

Par egzanp enn, eski larzan sa dimoun dan kont Labank i en kriter ki pez for pou sa dimoun pa gannyen.

Me prenon kont ki nenport ki moman parey en pei i ganny tape avek en siklonn, menm ti annan en pti larzan *overnight* i kapab perdi. So, ki fason ki nou balans sa vreman? Mersi.

### **MR SPEAKER**

Mersi. Minis ou'n pare pou ou repons?

### **CEO ASP BRENDAMORIN**

Mr Speaker mersi. Onorab mersi pou ou kestyon. Si tou laplikasyon, tou dokiman ki'n demande i a ler, zot donnen, parey nou'n met lo nou *website*, dan distrik i, (*sorry* ou tann mwan)?

Si tou bann laplikasyon, dokiman i aliny avek, i - ki zot in met avek aplikasyon i *on time* ki zot donnen, e dan lofis nou annan sa bann *back office* pou nou verifye sa bann dokiman, pou fer sir ki i korek.

So, i pa devret pran plis ki 2 semenn, pou nou kapab donn ou en repons. Me definitivman si i annan ki manke, si i annan

*extra verifikasyon* ki ganny fer, i sertenman kapab al en pe pli lontan, ankor en semenn *or so*.

So, tousala i pou depan lo lenformasyon ki nou gannyen, si i korek ou non, si i manke, sa ki pou fer *delay*. Si ou pe donn tou-

E lo bout - lo bann zafer kriter *regarding bank account*. Lo sa i definitivman nou pa pe dir si konmsi ou annan en serten sonm, ki nou dir ou fodre ou vini, ki i annan 0 lo la - non.

Nou pe gete si regilyerman i annan en larzan ki i antre, parey en saler. Akoz *welfare* i sa *supplementary*. Savedir si ou pe pran en lanplwa, ou dan en travay, i pa ase, nou sipleman ou.

Me ou bezwen dir nou sa bann keksoz ki ou pe fer. Ou pa pou dir nou ki ou pa dan travay, kan ler nou pou al kot *Pension Fund* ou pe dan travay.

Oubyen ou pe travay, ki mannyer i dir, *casual*, ou pa oule dir. Me selman ou vwar dan sistenm lo ou *bank statement* larzan pe antre. E wi, nou gete sa. I pa vedir ki i vedir ki 0, ki ou napa en sou ki ou pa - non.

E nou pa vedir ki nou bezwen si ou'n fer parey, taler mon ti ganny nonmen, zot ti pe dir zafer ou'n *save* pou lanterman. Nou pa pe get sa

nou, ki ou annan en serten  
*savings* ki ou pe fer.

Me i baze lo ki ou pe fer, ki ou menm ou, ou pe fer ou bout. Alor pou nou *supplement you in your needs*. Alor, so i pa *black and white* parey ou pe dir.

Lo - *as we speak now*, nou pe definitivman osi pou fer sa vin pli fasil lo nou bann aplikan. Nou pe travay avek *Central Bank* avek bann lezot labank komersyal.

E *as we speak, this is coming to* en staz kot nou pou kapab ganny ede avek bann labank. Konmsa ou pa bezwen al rod sa *bank statement*. I ava fasil pou nou kapab ganny sa komunikasyon e fer sa ariv pli vit posib.

Pou nou kapab donn en repons nou bann kliyan, e asiste zot dan zot *needs*. Mersi.

### **MR SPEAKER**

Mersi. Mersi *CEO*, nou a pran kestyon siplemanter bann lezot Manm. Onorab Aglae.

### **HON EGBERT AGLAE**

Mersi Mr Speaker. *CEO*, mon pou tous en pti bout sa bout kot i konsern sa revizyon la, kot i konsern bann *weights, ok?* Bann *weights, weights* pou kalifikasyon, *ok*. E ler mon'n, zot ti fer lanons, monn vwar poudir i annan sa

konponan *loan* ki pa neseserman zot antre ladan. Me selman mon pe demande, akoz i annan serten dimoun osi pe demande.

Akoz, parey en *loan* medikal kot in al sonnyen, zot pa *entertain* tousala. So, i annan serten dimoun pe demande akoz, anvi ki zot lasante i en priyorite, kot zot bezwen rod finansman. Si mon'n pran en *loan* pou mon al *Dubai*, al la, sa i en lot zafer.

So, dimoun pe demande, akoz bann keksoz ki konsern zot lavi, bann *loan*, sirtou pou lezot standar lavi ki pa ganny pran ladan. Sa i enn. Dezyenm Minis, ou'n nonmen poudir sa 32poursan logmantasyon ki tonm apepre 5300 keksoz mon krwar. Baze lo sa Minis, mon ti a kontan petet demann ou, ouswa ekliersi nou en pti pe, ou'n nonm travayer ki annan travayer ki en saler minimonm pa kapab *make ends meet*, apre ou annan en lot kategori ki swa in perdi son lanplwa, ouswa li i pa dan lanplwa. Mon ti a kontan konnen petet, ki zistans ki zot pou ale, kot i konsern kalifikasyon li menm, ou pou donn li tou? I pou annan en poursantaz ki zot pou bezwen - parey ti pe fer oparavan ou... ? Eksplik nou

en      pe      Minis.      Mersi.

**MR**                            **SPEAKER**

Mersi. Minis ou ava adres sa.

**MINISTER**                    **PATRICIA**  
**FRANCOURT**

Mersi Mr Speaker. Mr Speaker sa bout dernyen mon ava pran Onorab. Nou travay, par egzanp si ou pe dir nou dimoun ki pa travay, nou annan sa, *this is part of the Scheme* ki si sa dimoun parey mon ti dir deza dan lanplwa, i pe *actively looking for a job*, i napa en louvraz li, i pe *actively looking for a job*. Savedir i anrezistre kot Lanplwa, e nou montre poudir nou pe *refund* li, i pe kontinyelman ale. Pa toultan ki en dimoun i gannyen louvraz deswit letan ou *refer right?* Akoz for many reasons.

*This is where* ki avek ASP, nou travay ansanm e zot share sa lenformasyon poudir sa dimoun *is actively looking for a job*. E nou pou bezwen soutenir li. Sa i pou depaan lo son lenformasyon ki in donneen e ki poursantaz. I pa en keksoz *fixed*, i depaan son lenformasyon ki i donneen e ki mannyer i ganny kalkile.

E toultan nou pe fer sa. Dan tou sa bann targete *groups* ki ou'n vwar mon'n mansyonnen, nou pe fer parey. *Teenage mothers, drug dependence*, bann dimoun ki lo *methadone* ki nou pe sey fer zot sorti lo *casual*, vin dan lanplwa formel.

*These are the - bann keksoz ki nou travay ek ASP pou dir la ou lalis. Konmsi nou match sa lenformasyon byen, ki nou konpran poudir sa dimoun i a pe seye.*

*So therefore* i pou depaan ki lenformasyon ki i pe donneen. CEO, Mr Speaker i a pran sa dezyenm bout. Mersi.

**MR**                            **SPEAKER**

Tre                                 byen,                            CEO.

**CEO ASP BRENTA MORIN**

Mersi Mr Speaker. Mersi Onorab pou ou kestyon. Wi, parey ou'n dir, sa pou parey bann *loan* Medikal, bann lezot keksoz, i pa vwar. Akoz *this is what the law is telling us right now*. Me selman nou pou revize. Nou pe get ladan pou nou fer bann revizyon. Akoz nou konpran ennler i annan serten *needs, you know*. Be keksoz ki'n ganny fer avan, ki nou pe viv

avek ozordi ki nou pou war i annan merit pou revize. E sa pe ganny pran kont pou reviz sa bann Lalwa. Mersi.

<b>MR</b>	<b>SPEAKER</b>
Mersi.	Onorab Pillay.

**HON SEBASTIEN PILLAY**  
 Mersi Mr Speaker. Mr Speaker mon retourn lo en pwen ki'n ganny *raise* par loter kestyon, e mon ti a kontan gannyen klarifikasyon lo la. Si ou pe dir ek nou poudir sistenm an plas ki pe marse, e bann lenformasyon ki bann dimoun size anmennen pe ganny *capture*, eksplik nou alors par egzanp, pou ki rezon ki bann dimoun ki'n pas atraver sistenm - e taler Minis ti reponn kestyon vizavi rezolisyon lapovrete.

Akoz *supplementation of income* i form parti ede dil avek lapovrete. Akoz alors ki sa bann dimoun i bezwen mars port an port, kaz an kaz al kot tou sa bann *MNA* menm ou war zot pe reste trankil, rod sipor dan plas kapab ganny asiste avek *Welfare*.

Kote ki i annan defayans dan sa sistenm ki pa permet sa bann dimoun ganny asiste kan zot bezwen ganny asiste? Sa i

en premye kestyon.

Apre en dezyenm kestyon ki mon ti a kontan klarifye. Ozordi Gouvernman ki la. E Gouvernman ki pe fer fas ek sityasyon pri lavi ki la. Koz lo yer, koz lo avantyer pa pou fer diferans, akoz nou bezwen dil avek sa sityasyon la. Eski zot *Welfare* ozordi zot satisfe, baze lo lakantite aplikan ki zot pe asiste, ki zot pe fer en diferans an relasyon avek sityasyon alez problem ki dimoun pe rankontre avek pri lavi? Mersi Mr Speaker.

<b>MR</b>	<b>SPEAKER</b>
Mersi.	Mon fer bann Manm rapel ki kestyon ki'n ganny demande, i ti lo reviz kriter pou sa logmantasyon 32poursan. E mon ava envit bann Manm pou reste lo sa kestyon silvouple. Nou'n abord lezot kestyon zeneral avan. Minis ou a - ? Wi Minis ou ava adres kestyon.

<b>MINISTER</b>	<b>PATRICIA FRANCOURT</b>
Mersi Mr Speaker, mersi Onorab pou ou kestyon, mon'n <i>take on board what you have said</i> . Me zisteman Onorab, sa ki ou'n dir, sa bann dimoun ki ou pe <i>claim</i> i marse <i>from door to</i>	

*door to bann MNAs ki annan zot distrik.*

Vin kot nou. Vin fer - e zot ankouraz sa bann dimoun pou vini pou vin fer aplikasyon. Akoz si sa bann dimoun pa ariv kot nou-

(Off-Mic)

**MINISTER  
FRANCOURT**

Wi, be fer.

(Off-Mic)

**MINISTER  
FRANCOURT**

Parey mon dir Mr Speaker, zot pou *go through the process of qualification*. Zot pou bezwen *go through the process*. Me solman, mwan mon krwar poudir zot kapab fer en *good job* pou envit sa bann dimoun, ankouraz sa .... akoz dan distrik sa bann - i dan distrik sa. Nou bann lofis i dan distrik. Mon ... parey

(Off-Mic)

**MR  
SPEAKER**  
Nou a ekout Minis silvouple.

**MINISTER  
FRANCOURT**

Onorab parey mon dir, nou, nou pa zis deside *on top of our*

*head, nou donn sa dimoun, nou pa donn sa dimoun. It's a process ki go through, ki kalkile, ki dir si sa dimoun in qualify, i merite. Me solman sa mon a fer en lapel ek bann dimoun deor, pa ezit-e pou zot al dan zot distrik, anmenn tou zot dokimantasyon. We go through.*

Akoz, si ou merite, *you will get your support*. E tou sa bann group ki nou kontinyen, bann group ki nou kontinyen i dir nou ede, nou *support, it's still - is there*.

E bokou dimoun ler ou dir bokou dimoun, i annan bokou dimoun osi ki satisfe avek sa servis. E tou sa bann keksoz ki nou pe anmennen *again is to make sure* ki nou don en servis ki merite. E mon servi sa mo 'merite.'

Mersi.

**MR  
SPEAKER**  
Mersi, nou pe divage en pe la lo sa kestyon. Annou retourn lo kestyon silvouple. Onorab Uranie.

**HON  
ROCKY  
URANIE**

Mersi Minis. Minis selman avan ler bann dimoun i vin kot MNA, zi pou *remind* ou, zot vin kot nou biro avan en? Mon kestyon, eski zot in vwar ki gap finansyel ki pou bezwen

annan ant sa ki pe benefisyé lo *welfare* ek sa logmantasyon 32 poursan, konpare ek sa bann ki ti ganny refize *welfare* e ki ti lo *borderline*? Mersi.

<b>MR</b>	<b>SPEAKER</b>
Mersi	Onorab.
	Minis.

**DG FOR NATIONAL LENNY PALIT**

Mersi Mr Speaker. Now, mon krwar 2 pwen in ganny leve la, *one is to do with the level*, sa *value monitor*, apre *the issue of efikasite*.

*Now, i bezwen naturelman annan en logmantasyon dan demann, si lefikasite in reste parey. Sa i naturel. Maybe en lot pwen osi ki mon krwar CEO in koz lo la, is the issue of information.*

*Now, if you do have all the information* ki ou bezwen pou fer sa laplikasyon e ou fit sa kriter, i vedir ki ou pou war en logmantasyon, pa zis kestyon an term volim, me plito an term sa valer ki ou pou spend kot i konsern *welfare*. I hope sa in reponn sa kestyon.

<b>MR</b>	<b>SPEAKER</b>
Mersi Mr Palit.	Mon a pran ankor en kestyon. Onorab Cosgrow.

**HON WALLACE COSGROW**

Mersi Mr Speaker. Mr Speaker, mon pou tous en pti pe lo kestyon ki *Leader Lopozisyon* in koz lo la. Minis ou dir nou dimoun i bezwen vini pou zot vin *apply*, pou zot kalifye. Me eski ou kapab dir nou ozordi la an se moman ki nou pe koze, ki kantite dimoun ki zot pe asiste lo *welfare*?

An prenon kont sityasyon deor, ki ou menm ou'n admet i annan serten nivo lapovrete. So, ki kantite dimoun ki zot pe asiste lo *welfare*?

E dezyenm, en pti pe dan laliny sa ki Onorab Uranie in dir, bann dimoun ki pa'n kalifye avan ki zot ti fer revizyon *weights* - dabor ler nou pe get sa revizyon *weights* R5200 ekek, i preski dir tre pre avek minimonm *wage* en? So, i riske en *disincentive* pou fer dimoun al travay. Sa i zis en pwen aside.

Me ki kantite dimoun ki pa'n kalifye pandan ki zot in fer sa revizyon *weights*? E eski sa bann dimoun i kapab revin *apply* ozordi pou zot petet re kalifye? Mersi.

<b>MR</b>	<b>SPEAKER</b>
Mersi.	<i>Panel, Minis lekel? CEO ava pran sa kestyon.</i>

<b>CEO</b>	<b>BRENDA</b>	<b>MORIN</b>
------------	---------------	--------------

Mersi Mr Speaker. Mersi Onorab pou ou kestyon. Lo prosedir pou ou kalifye avan ou ariv lo sa bout pou kalkil ou *legibility* pou gete konbyen larzan ou pou gannyen, konbyen sa - I annan sa prosedir in *terms of your documents* ki ou'n merite. E bann verifikasyon, bann *report*, bann *report investigation* ki ganny fer. E sa pou dir - i sa staz pou dir nou pe al ed sa dimoun. E apre pou ganny kalkil lo son *eligibility*.

So, definitivman i annan en staz ki ou pou *draw-up* si ou pe gannyen, oubyen nou pou al lo sa *eligibility*, e konbyen ou pou gannyen lo la. So, bann ki pa'n - ki nou'n dir, ki i pa pou kalifye baze lo *eligibility*, parey tou lapli... sa, ou kapab refer ou laplikasyon. Si ou annan *the needs* parey nou dir la. Akoz sa i pa donn ou pou en *lifetime*. So, si in donn ou pou 6 mwan, e ou vvar ou *needs* pa'n sanze, ou ankor *still* bezwen, se ou zis refer ou aplikasyon, ok? So, zis sa bann ki bezwen, si zot war *there is a need, they have to do their application again*. Ok? Mersi.

**MR** **SPEAKER**  
Mersi CEO. Bon,

**HON WALLACE COSGROW**

(Off-Mic)

Terminen silvouple Onorab.

**HON WALLACE COSGROW**

Wi kestyon ki kantite dimoun i annan ozordi ki pe ganny asiste avek Lazans? Mersi.

**MR** **SPEAKER**

Mersi. Konbyen dimoun, CEO si ou annan sa sif.

**CEO** **BRENDA MORIN**

Yah. Ziska la, nou annan 110 dimoun ki pe ganny benefis avek nou *welfare*. Yes.

**MR** **SPEAKER**

Mersi. Bon, mon annan, mon'n aksepte en *Question Without Notice*. E lo sa kestyon, Minis pou fer en *Statement* e pou napa okenn siplemanter. Mon'n eksplik sa-

(Off-Mic)

**MR SPEAKER**

Non, mon'n eksplik sa. Rezon akoz, se akoz letan ki permet nou e *Standing Orders* i permet nou pran en *Question Without Notice* dapre letan ki nou annan. Onorab Adelaide a demann son kestyon, mon pa pe pran okenn siplemanter. Mersi.

**HON FRANCOIS ADELAIDE**

Mersi Mr Speaker.

**MR SPEAKER**

*Hold-on.* Wi, silvouple fer li vit.  
Yes.

**HON SEBASTIEN PILLAY**

Mersi.

**MR SPEAKER**

*Micro* silvouple.

**HON SEBASTIEN PILLAY**

Mr Speaker mon napa problemm avek Onorab a menn son kestyon, sa pa mon *issue*. Mon totalman toultan pou siport okenn Manm ki annan okenn kestyon *otherwise*.

Be selman mon bezwen dir, mon konsernen avek ou lapros ki ou pe pran.

Si Minis ti annan en *statement* pou li fer lo sa size e en size Nasjonal, Minis ti annan tou drwa anba *Standing Order* parey ou'n *remind* nou pou li vin fer en *statement*.

Me an relasyon ek sa kestyon ki ou'n dir la, klarifye. Ou'n dir Minis pou fer en *statement*.

**MR SPEAKER**

*Sorry-sorry-sorry.*

**HON SEBASTIEN PILLAY**

Mon krwar ou term in *statement* ki ou'n servi ...

**MR SPEAKER**

Non, non, non, non, non, non, *ok*.

**HON SEBASTIEN PILLAY**

... ti pe swiv son larepons.

**MR SPEAKER**

Mersi. I pa dan prosedir *statement*. Si mon'n servi *statement*, mon oule dir en larepons. Minis pou donn son larepons, apre se sa.

**HON SEBASTIEN PILLAY**

Be Mr Speaker ...

**MR SPEAKER**

Si ou annan lezot kestyon lo sa size silvouple, met en kestyon lo *Order Paper*, anmenn en *PNQ* e nou a dil avek silvouple.

**HON SEBASTIEN PILLAY**

*But then Lasable son rol pou press Minis for absence pa pou marse!*

**MR SPEAKER**

Mersi Onorab Pillay. Onorab Pillay sa i dapre *Standing Orders*.

**HON SEBASTIEN PILLAY**

Be si sa ou *ruling*, mon a respekte, napa problem ou.

**MR SPEAKER**

Onorab Adelaide, ou kestyon.

**HON SEBASTIEN PILLAY**

Mon pa dakor, be mon a respekte.

**MR SPEAKER**

Ou kestyon silvoule.

**HON FRANCOIS ADELAIDE**

Mersi Mr Speaker. Dabor atraver ou Mr Speaker, mon demann Minis en leskiz pou taler, mon *statement* ki mon'n fer.

Akoz, annefe mon ti pe refer avek sa kestyon ki la. *MNA* i en pe tromatize e *MNA* i vreman konsernen.

**MR SPEAKER**

Ale, go to the question.

**HON FRANCOIS ADELAIDE**

E se pou sa rezon ki nou'n anmenn sa kestyon. Eski Minis Responsab pour zafer Sosyal i kapab eksplik Lasamble ki bann difikilte zot pe rankontre dan demars pour asire ki tou bann miner ki bezwen lentervansyon i kapab ganny lasistans e servis dan en dele letan akseptab pour asir zot sekirite kont okenn

form labi ki kapab afekte zot. Mersi.

**MR SPEAKER**

Mersi Onorab. Minis ou larepons.

**MINISTER**

**PATRICIA FRANCOURT**

Mersi Mr Speaker, mersi Onorab pou ou kestyon. Onorab, akoz sa i en kestyon pertinan, alor mon'n donn ase letan pou mon donn sa lesplikasyon lo ou kestyon.

Mr Speaker mon ti a voudre ekliersi ki Departman Zafer Sosyal pa entervenir dan lavi tou zanfan dan Sesel, me selman zanfan ki bezwen servis ki sa Departman i *mandate* pou ofer.

Zanfan Sesel i benefisyé atraver servis ki en kantite lezot Lazans i ofer. Departman Zafer Sosyal dapre *Children's Act 1982* i entervenir, kot i konsern swen proteksyon e byennet zanfan.

Sa i vedir ki tou zanfan ler in ganny met an kontak avek Departman Zafer Sosyal, swa atraver en rapor ki'n ganny resevwar atraver lekol, atraver Minister Lasante, atraver Lapolis, atraver Lazans Proteksyon Sosyal, atraver Ladministrasyon distrik, Group

Relizyez, politisyen e lezot groupman dan kominote.

Sa Departman i bezwen premyerman kalkil lirzans sa rapor atraver en evalyasyon preliminer.

En travayer Sosyal ler pe fer son *assessment* parey nou dir, i devret ganny alerte lo nivo risk ki sa zanfan pe fer fas avek.

Par egzanp, si sa zanfan i annan bezwen spesyal, si sa zanfan pe ganny eksplwate dan nenport ki form, ki sirkonstans fanmir eksetera.

I enportan fer sorti Mr Speaker, ki Departman Zafer Sosyal parey mazorite Servis Sosyal dan lemonn, kot sistenm i byen devlope, i absoliman bezwen travay avek son partner kle ki pou kapab anmenn diferans dan sityasyon sa zanfan. Resours i ganny mete ansanm dan en fason kordinen pou zwenn bezwen sa zanfan.

Departman Zafer Sosyal swiv Konvansyon Drwa Zanfan e osi aplik Lalwa Zanfan Sesel ki ganny trouve avek *Children Act*.

Sa Lalwa i osi permet Departman, pou kontinyelman met an plas e entrodwir bann zouti travay ki neseser pou ede idantifye e detekte viktim vitman bezwen zanfan. Pou ki lentervansyon i vin lo en nivo preventif e pa zis reaktif.

Par egzanp en zouti prevansyon ki pe vin pli popiler zour an zour parmi bann partner kle, ki travay pre avek Departman Sosyal e dan lentere zanfan e fanmir, i enn ki apel *risk indicator and assessment framework*.

*Partners* tel ki Ledikasyon, Lasante, *Housing* ki en kontak toulezour avek zanfan, pe ganny antrennen kontinyelman lo sa *framework* depi 2016.

Le moman ki zot vin an kontak avek zanfan ki *at risk*, zot bezwen ranpli en form lo sa zanfan e son sityasyon. E refer sa zanfan kot Lotorite konsernen pou ganny led.

Lantrennman pli resan ti enn Merkredi pase avek en lekip sorti kot lekol Primer Anse Royale, Anse Boileau, Anse Aux Pins avek Anse Etoile, anba direksyon zot *Headteacher*.

Ler lentervansyon i neseser lo ka en zanfan, tel nesesite *parenting* pou son paran oubyen son *guardian*, Departman pou refer sa paran kot landrwa ki pe donn sa kalite servis, tel ki NCC.

Si zanfan ou menm paran i bezwen led avek sityasyon labi sibstans, Departman pou demann led avek *APDAR* oubyen Seksyon Lasante Mantal kot Lopital Sesel pou

asiste avek sityasyon sa zanfan oubyen paran.

Dan tou ka ki departman i refer avek enn lot sekter organization, Departman atraver son *social worker*, i kontinyen swiv sa kliyan e travay ki sa lot i fer avek problemm sa kliyan.

Mr Speaker se pour sa rezon ki ou vvar travayer sosyal pe pas dan lekol kot sa zanfan i ete, vizit dan lakour kot i reste, dan Lopital dan Stasyon Lapolis kot zanfan i ganny detenir parfwa.

Sa i osi aplikab dan ka ek bann zanfan ki'n ganny retire dan lakour e plas dan bann fwaye.

Mr Speaker ler en zanfan i ganny plase dan fwaye par Departman Zafer Sosyal, i annan bokou pou fer avek maltretans dan lakour kot byennet e sekirite sa zanfan dan lakour pa ti asire.

Kot Departman in konstate ki zis sa zanfan i kontinyen reste an sa milye e keksoz pli grav i kapab ariv li.

Ler sa zanfan in ganny retire, paran i ganny travay avek pou zanfan pli tar kapab retourn dan lakour.

Malerezman Mr Speaker, bokou paran ki Departman i travay avek, pa reisi avek sa

nivo kot zanfan i kapab retourne kot zot.

Sa apartir sa ki nou bezwen tap laport lezot *relatives*, zanmi, lafanmir, *foster care* e menm ladopsyon.

Zanfan ler zot plas dan bann fwaye parey, ler zanfan pe viv avek lafanmir, i annan ki grandi par swiv bann legzanp, e pa donn difikilte. E par kont annan de fwa i annan osi ki tonm dan move semen.

E pou bann gid an fwaye, menm keksoz i kapab arive. Bann zanfan ki dan fwaye i depan lo en lekip professionnel management sa fwaye, ki pe ed zot e met an plas bann sistem siper pou idantifye, pran mezir apropriye pou anpes sityasyon zanfan degrade, e osi asire zot progre e zot konfidans, e donn zot teknik pou zot al avek ler zot kit fwaye.

Si non zot santi zot perdi ler zot kit fwaye. I annan ka ki depas resours ki i annan pou kapab fer bann bon lenthervansyon.

I annan osi kominate ki pa ase for, kot travayer, kot travay en *partner* i konsernen. Kominikasyon pa efektiv annan de fwa, ler pe dyaloge lo sityasyon bann ki dan bezwen.

Servis i manke par fwa, ki pa kapab ede retourne en zanfan oubyen fanmir lo lipye.

Travayer Sosyal i ganny difikilte pou fer swa meyer servis pou son kliyan.

Malgre sa, Departman i annan en plas differan *forum* kominote kot i zwenn avek bann *partners* pou diskit e anmenn sipor pou zanfan.

I annan en asistan psikolog dan Departman ki travay pre avek bann psikolog dan bann lezot sekter, pou refer bann ka ki merit latansyon pli spesyalize.

Servis oubyen landrwa pou bann zanfan ki annan konportman difisil, e ki bezwen servis dan en fasilité rezidansyel pou ed zot avek zot konpartiman i ankor en bezwen.

Demars i kontinyen pou ganny en sant pou sa group zanfan. I annan 19 milyon ki'n ganny mete dan proze *PSIP*, demars pou ganny fer pou ki sa proze i kapab komanse sa lannen.

Dan tou sa travay ki pe ganny fer, Departman i santi ki enportan ki i annan en sanzman konportman zeneral lo lapar tou dimoun, sirtou dan kominote kot sa bann zanfan ki bezwen led i reste.

Fodore pa ki kominote i zis enterese konnen ki problem tel dimoun pe rankontre. Me fer plis asistans oubyen donn

koudmen soulaz problem sa dimoun.

Nou tou nou kapab fer li. Nou lobligasyon pou promot lasante fizik, mantal e byennet emosyonnel nou zanfan. Mersi Mr Speaker pou donn mwan loportinite pou fer sa repons. Mersi.

### **MR SPEAKER**

Mersi Minis. Nou pou termin sesyon kestyon la. Mersi Minis ek ou delegasyon. Mon swet zot bonn apre midi e bonn kontinyasyon. Lasanble a repran 2.30. Mersi.

**(BREAK)**

### **MR SPEAKER**

Bonn apre midi tou dimoun. Nou a repran travay avek *National Awards Bill, 2022*. Mon a demann Madanm Raporter pou apel Minis avek son delegasyon.

Byen bonn apre midi e byenveni Minis Sylvestre Radegonde, Minis pou *Foreign Affairs* ek *Tourism*. E avek Minis nou annan Mr Jacques Belle Director General Consular Affairs et Diaspora Division dan *Foreign Affairs Department* e Mrs Amelie Nourrice Legal Draftsperson AG's Office.

Nou a pran *Bill* ki devan nou *National Awards Bill, 2022*.

Onorab Arissol anmenn Mosyon pou *Second Reading*.

### **HON SANDY ARISSOL**

Mersi Mr Speaker. Bonn apre midi Minis avek ou lekip. Bonn apre midi tou Manm Lasanble, tou dimoun ki a lekout. Mr Speaker parey nou *Standing Orders* i fer provizyon anba *Order 69(2)* mon *move* ki *National Awards Bill, 2022 (Bill No. 9 of 2022)* i ganny lir en Dezyenm Fwa. Mersi Mr Speaker.

### **MR SPEAKER**

Mersi. Mon a ganny en segonnman pou Mosyon pou *Second Reading*. Onorab Henrie.

### **HON GERVAIS HENRIE**

Mersi Mr Speaker, *Motion seconded*.

### **MR SPEAKER**

Mersi. Prezan mon ava envit Minis pou fer prezantasyon *Bill* pou Lasanble.

### **MINISTER SYLVESTRE RADEGONDE**

Mr Speaker, Onorab *Leader Lopozisyon*, Onorab *Leader Zafer Gouvernman*, Manm Onorab Lasanble Nasyonal bonn apre midi. Mon annan plezir o non Gouvernman pou

prezant devan zot sa Prozedlwa *National Awards Bill, 2022*.

En Prozedlwa enportan, akoz pou la premyer fwa dan listwar nou pei nou pe propoz etablir en dekorasyon oubyen distenksyon Nasyonal Larepublik Sesel, pou rekonnert ofisyelman e legalman bann endividé ki swa Seselwa ou etranze pou zot aksyon ekselans, merit, kouraz, zefor e servis eksepsyonné anver e pour nou pei.

Mr Speaker bokou pei gran e pti i annan en sistèm *National Order*. La France par egzamp i annan *Légion d'honneur*, Maurice a kote i annan *Order of the Star and Key of the Indian Ocean*. E i annan bann lord similer dan ba pti leta zil parey *Saint Lucie, Jamaique, Bahamas*, eksetera.

Depi nou lendepandans an 1976 nou pei pa'n zanmen annan en sistèm rekonesans nasyonal tel ki en dekorasyon ou distenksyon, pou rekonnert e met an valer kontribisyon e servis lo baz merit bann endividé ki'n disteng zot lekor.

Sa *Bill* ki devan zot alor i propoze pou adres sa an etablisian en *Order* oubyen en sistèm meday, ki ava rekonesans pli o ki Leta Seselwa i kapab donn enn son sitwayen ou etranze ki merite.

Mr Speaker an sa ki konsern *set-up* e fonksyonnman sa lord Nasyonal sa Prozedlwa pe propoz sa bann laranzman swivan;

I ava annan en *Chancelier, Chancellor*, pou Prezidan Larepublik, se li ki pou responsab pou fonksyonnman ou ladministrasyon sa *Order*. *Chancelier* i apwent sekreter sa *Order* e propozisyon dan sa *Bill* se ki *Cabinet Secretary* ki ganny apwente dan sa rol.

Son rol sa sekreter i a responsab pou tou bann laranzman *administrative* sa *Order*. Pou annan en *National Awards Committee* konpri 6 dimoun apwente par *Chancelier*. Responsabilite sa Komite parmi lezot se pou konsider bann nominasyon pou rekonesans ek dekorasyon. Setadir meday e soumet zot rekomandasyon avek *Chancelier*.

Propozisyon se ki prezantasyon meday i ganny fer enn fwa par an a lokazyon nou lafet Nasyonal setadir le 29 Zen oubyen en lot dat ki *Chancelier* i a determinen par en lord pibliye dan Gazet.

Mr Speaker dan sa Prozedlwa nou pe propoz etablisman 3 meday diferan, en meday Larepublik Sesel ouswa *Medal of The Republic of Seychelles*. Nou pe propoze ki sa meday i rezerve pou Prezidan Larepublik. I a ganny donne par Sef Ziz ler Prezidan i pret serman o komansman son premye manda.

*Chancelier* i kapab donn sa meday a en Ansyen Prezidan Larepublik. Nou pe osi propoze ki sa meday i kapab ganny donne lo en baz Onorifik a en Sef Deta oubyen en Sef Gouvernman Etranze.

Ki zot Gouvernman in fer en kontribisyon enportan dan devlopman Sesel. E sa i a osi pou mark nou lyen lanmitye oubyen ranforsi nou relasyon diplomatik.

Dezyenm meday ki nou pe propoze se en meday loner, *Medal of Honor of The Republic of Seychelles*.

Pou rekonnnet en endividé ki'n rann en servis eksepsyonné pou pei, e ki'n ganny respe, lapresyasyon Gouvernman e Lepep Seselwa, oubyen pou en dimoun ki'n akonpli en aksyon brav avek konpasyon oubyen limanite.

Trwazyenm e dernyen meday se meday merit, *Medal of Merit of The Republic of Seychelles*, pou rekonnnet en endividé ki'n rann en long servis

avek lwayote ek devosyon, oubyen en servis remarkab pou pei e Lepep Seselwa.

Mr Speaker sa *award* i kapab osi ganny *confer* ouswa donnen lo endividé apre son lanmor. Dan sa ka se *Chancelier* ki ava deside avek ki i donn sa meday.

Parey ki sa Lalwa i donn *Chancelier* pouvwar pou *award* meday, i osi donn li pouvwar pou aras meday avek bann endividé ki'n angaz li dan bann konportman dezonorab, ou konportman ki sali repitasyon Sesel.

Mr Speaker mon oule fer kler 2 keksoz ; premyerman rekonesans e distenksyon en endividé atraver en meday i en rekonesans ou distenksyon e non, pa en rekonpans. Pou napa okenn privilez spesyal ouswa benefis finansyel e ot asosye avek en meday.

Dezyenmman sa bann meday pa pou rezerve pou okenn group kategori ou klas dimoun. Tou sitwayen Seselwa i kapab ganny rekonnet e dekore si in servi ou akonplir en aksyon remarkab e eksepsyonnal pou Sesel.

Parey nou konnen i annan bokou Seselwa ki'n fer bann aksyon remarkab, eksepsyonnal dan Sesel e osi aletranze. In ler pou nou pei

rekonnet zot dan en fason formel e dan en lankadreman legal.

Mr Speaker pou terminen i lekspektasyon e swe ferm Gouvernman, ki sa sistèm dekorasyon e distenksyon i pa selman ankouraz e motiv nou bann sitwayen e sirtou nou lazènes pour akonplir ankor plis pou nou pei, me ki i osi ede ranforsi nou lafyerte e limite nasyonal.

Mon rekemann sa Prozedlwa avek Lasanble Nasyonal. Mon remersye ou Mr Speaker.

### **MR SPEAKER**

Mersi Minis pou ou prezantasyon. Eski mon kapab ganny en pti leklersisman avek *Bills Committee* la deswit pou komanse.

Mannyer Minis in prezant sa *Bill* avek apelasyon sa bann *Award* in si mon pa tronpe in enkli lamannman ki Onorab Georges ti'n propoze dan bann non. Ki mannyer nou prosede avek sa, nou kontinyen lo deba apre *Bill* e apre, eski nou bezwen pran sa bann lamannman?

Onorab Hoareau, mon sipoze ou ki pe reprezent *Bills Committee*.

### **HON JOHN HOAREAU**

*A mon avis mon krwar nou pou bezwen prezant sa bann lamannman to the House.*

### **MR SPEAKER**

*Ok. So nou a kontinyen lo deba lo sa Bill apre nou a pran sa lamannman dan komite. Nou a kontinyen li mannyer Minis in prezante e apre dan komite nou a pran sa bann lamannman. Mersi.*

Nou ava apel bann Manm pou debat lo sa *Bill*. Mon ti a kontan ganny non bann Manm ki deza annan lentansyon pou zot entervenir, pou mon kapab konnen ki kantite letan nou annan, ki mannyer pou balanse.

Pa anpese ki apre lezot dimoun i kapab lev lanmen. Me silvouple les mwan ganny en lide bann dimoun ki pe *plan* pou entervenir la.

Bon nou a komans deba, mon krwar mon ava envit en Manm lo kote *LDS* mazorite lo kote Gouvernman pou pran laparol premye. Onorab Henrie.

### **HON GERVAIS HENRIE**

Mersi Mr Speaker. Bonn apre midi tou dimoun. Mr Speaker lide pou entrodwir en *national award*, se senpleman mon vvar li koman en letablisman en lenstitisyon dan nou pei.

Setadir en sistenm ki rekonnet aksyon, ouswa aktivite ki serten Seselwa in fer e ki merit en lapresyasyon pli o oter. Sa i kapab dan plizyer domenn tel ki en Seselwa ki fer byen dan domenn akademik spor, lar, kiltir swa son sekter profesyonnel kot i été, syantifik imaniter, eksetera.

I annan en pe letan Mr Speaker ki nou pe koz lo transformasyon. I annan en pe letan sa. ki savedir transformasyon? Sa nouveau ladministrasyon depi le in vini i pe sey anmenn en sanzman profon ki pou anmenn en nouveau fason fer dan nou pei, nouveau fason vvar keksoz ouswa etablir bann nouveau norm.

E dan sa ka en *national awards* mwan mon regard li konmkwa i pe anmenn en norm ki pou ankouraz nou pep, lankourazman pou rekonnet zot lekselans, sey devlop sa kiltir travay dir pour ki dimoun vvar posibilite - *the prospect* pou ganny rekonnet pli tar, pou rann servis san ki nou mazin nou menm avan pou kominote pou pei.

Non, selman nou oule rekonnet Seselwa me nou osi oule donn Seselwa sa loportinite pou zot reve. E nou pe ankouraz depi sa ki zenn ziska sa ki pli vye pou annan

lolas pou reve. Si ou pe demann ou lekor si sa i moman apropriye pou entrodwir sa *national awards*, mon larepons i senpleman wi.

Ofet lontan ti'n ler, plis ki ler parey nou dir dan konversasyon. An realite depi dan son Manifesto pou Eleksyon Prezidansyel 2015, Prezidan Ramkalawan ti promet lo paz 12 sa Manifesto pou entrodwir en lenstitisyon pou onor bann sitwayen Seselwa atraver en loner presizyon pou servis ki zot ofer Sesel.

E apre ki in ganny elekte an Oktob 2020 sa lide in anmenn devan son *Cabinet* e premye fwa ki *Cabinet* ti diskite e aprouv sa nide sete an Fevriye sa lannen parey in ganny rapporte dan medya.

Atraver lentrodiksyon sa *Bill Mr Speaker*, alor i pe senpleman gard en pomes ki in fer. E i annan lezot transformasyon profon pou anmenn Sessel dan en lot direksyon ki pe arive, ki nou pa koz lo la ase for, me ki mon krwar i enportan nou pran en letan pou nou apresye.

Par egzanp eski nou'n remersi ki napa okenn portre ofisyel Prezidan Ramkalawan dan okenn biro servis publik par egzanp. Ouswa nou war Paviyon *African Union kot Sate*

*House* ki reckonnet nou lapartenans dan sa Lenstitisyon Afriken ek regroup 54 pei lo sa kontinan.

Ouswa letan Bidze i vini nou war serten lenstitisyon letan i vini napa Minis ki vin avek zot pou defann zot Bidze akoz nou pe donn zot lespas pou egzers zot lendepandans. *SBC* par egzanp ouswa ACCS ki mon kapab rapel byen.

Alor sa transformasyon ki dousman, dousman nou pe fer e mon krwar nou merit reckonnet sa e ankouraz Brans Egzekitiv pou kontinyen al dan sa demars ki i pe fer. E mon apresye ki Minis in dir ki sa *award* pa pou anmenn okenn lobligasyon finansyel lo pei, ouswa kre privilege spesyal pou okenn dimoun, akoz i annan provizyon ki en dimoun i kapab menm ganny arase en *award* si i fer en keksoz ki dezoner ouswa ki vreman anbaras pei.

Me sa ki enteresan se ki aprezan nou pe rezwenn plizyer lezot pei *Commonwealth* ki reckonnet deza zot bann sitwayen, i annan serten legzanp dan son prezantasyon Minis in deza koz lo la *Maurice*, *Sri Lanka*, *Barbados*, *Saint Lucia*, *Australie*, Langley parmi bann ki mon rapel.

E Mr Speaker mon personnelman mon propoz en

lamannman dan sa Lalwa akoz mon oule ki i *explicitly* dir ki piblik e nenport lorganizasyon, i kapab met zot nominasyon pou Komite ki ava konsider bann nominasyon apre pou pas avek *Chancellor*. Sa i ava kler dan Lalwa ki dimoun pa ava krwar i annan en pti group dimoun par la ki pe swazir lekel ki pou gannyen oubyen pe donn dalon bann kestyon.

E i annan en lot keksoz enteresan ki mon ava osi koz lo la dan sa Lalwa, kot letan i fer provizyon ki atraver regilasyon, Prezidan i kapab entrodwir lezot *national awards* apard sa 3 ki prezize dan Lalwa.

E sa mwan, mon'n war i en lide fantastik, parske i annan en pe letan la mon pe koz lo nesesite pou nou ankouraz sirtou lazene Seselwa, parski nou annan en responsabilite pou nou sov en zenerasyon e re donn zot lanvi pou reve.

E dan mon prezantasyon *SONA* par egzanp mon ti koz lo bann zanfan ki'n fer byen zot bann legzanmen. Be mazin en zanfan P6 in fer legzanmen Nasyonal e ki sorti premye an term pwen e i annan 11an, 12an.

I pa bezwen ganny sa *awards* ki dan sa *Bill* sa 3 me i kapab atraver regilasyon Prezidan par egzanp i entrodwir

en *Presidential Badge* en keksoz koumsa ki zis ankouraz sa zanfan 12an i ganny sa. E sa i en keksoz ki i pou mazinen pou larestan son lavi e i ava osi motiv bann lezot zanfan ki vin par deryer li pou fer byen.

Mon pe mazin tou sa bann etidyan Seselwa, Fabian Palmyre par egzanp i ti 1an ouswa 2an par devan mwan *Polytechnic* i ganny 4 A sa bann letan *Polytechnic*. Konmsi ou ti bezwen vreman annan bann abilite spesyal e pou kapab fer sa bann *achievement*.

Donk si i annan sa bann lezot kategori ouswa par egzanp en dimoun ki'n travay plis ki 40, 45an dan servis piblik ki'n devoue tou sa letan pou Sesel i ganny en *Presidential Badge* ouswa *Certificate of Honour*. I bann lezot kategori ki mon krwar seryezman komite ki devret ganny akonte i devret reazir lo la pou asire ki nou kontinyelman ankouraz nou pep.

Donk Mr Speaker mon pa vvar li ditou difisil lo mon par pou mwan siport sa Prozedlwa 100poursan. Akoz nou pe koz, mon fek anmenn en Mosyon lot zour ki ti pe koz lo patriyotism.

Tousala i bann fason pou nou fer nou pep reget ankor nou kominate, nou pei kot nou sorti kwa ki nou kapab fer pli

byen pou nou kontinyen fer Sesel monte. E mon swete ki i ava annan en dimoun Mont Buxton ki ava ganny enn sa *award* dan en moman a lavenir. Donk sanmenm sa mon pou siporte. Mersi bokou.

### **MR SPEAKER**

Mersi Onorab Henrie. Mon ava apel onorab Cosgrow.

### **HON WALLACE COSGROW**

Mersi Mr Speaker. Bonn apre midi Mr Speaker e tou dimoun Minis. Mr Speaker mon pou tre bref dan mon prezantasyon lo sa Lalwa ki devan nou Lasanble ozordi. Ozordi Sesel nou annan nou en kantite sa ki mwan mon apel bann ero. E petet mon a donn en pti leksplikasyon lekel bann dimoun ki petet mwan dan mon pwennvi mon konsider bann ero.

E petet lo sa Lalwa i pa pe koz lo ero, me selman mon refer li avek bann dimoun, ler mon dir ero bann dimoun ki'n pou mwan an se moman pe kontribye e pe fer travay sibstansyel ki merit ganny rekonnet dan pei.

Enn bann kategori dimoun se bann *teachers*, kantite bann *teachers* ozordi pe fer en kantite travay avek nou bann zanfan, parfwa dan bann sirkonstans difisil, parfwa dan

bann sirkonstans petet mank serten resours. Me toudmenm zot desann bomaten zot vin delire e zot donn sa servis sa devosyon ki nou Lepep Seselwa bann paran nou ekspekte ver nou bann *teachers*.

En lot kategori dimoun ankor ki mon osi konsider bann dimoun ki devoue avek Nasyon Seselwa bann ero se bann ners. La tou resaman pandan bann sityasyon kot *COVID* ti'n tap Sesel en kantite nou'n war devosyon sa bann dimoun, bann ki pe *practice* bann dokter, zot devosyon travay dir.

Kantite keksoz ki zot in fer pou fer sir ki nou Nasyon reste an bonn sante *or* dan ka kot nou annan bann difikilte sirtou par egzanp avek *COVID*, ki mannyer zot in devoue travay nwit e zour pou asire ki lasante pou Seselwa i vin de lavan.

Nou annan bann lezot dimoun - par egzanp bann dimoun ki travay dan bann domenn lanvironnman. Parey zot konnen mon fer en pti pe letan dan sa domenn. E ler mon laba mon realize ki i annan en kantite dimoun, en kantite en kantite dimoun ki travay bann *NGOs* ki travay dan Minister dan bann Lazans ki sa i en pasyon pou zot e zot devoue en kantite zot letan ek zot lenerzi pou fer sa travay - kantite

travay. Ki petet pa nou tou dan pei ki realiz son lenportans, me ki *at the end of the day* i benefisyé tou Seselwa e pei an zeneral.

Sa i 3 ki mon'n nonmen. I annan ankor en kantite dimoun ankor *or* en kantite group dimoun ki fer bokou bann travay ki nou kapab konsider zot koman bann dimoun ki fer - *offer service* signifikan pou Sesel e pou pep Seselwa.

Ler mon get *Bill* ki vin devan nou ozordi *Bill* pe propoze ki i annan en *award*, *national award* sistem pou rekonnet bann dimoun. Bann dimoun ki'n fer keksoz sibstansyel pou pei.

E ladan premyerman enn bann keksoz ki mon'n realize ki petet i la, Minis ava eksplik mwan taler ki i fer mansyon sirtou pou, premyerman i vreman linite i annan 3 *award* e i fer mansyon per egzant pou endividé. E mon pa pe war ladan par egzant mansyon pou bann group dimoun ki zot osi zot fer bann keksoz ekstraordiner ki merit ganny rekonnet.

Ou konnen souvandfwa par egzant ou get dan spor, souvandfwa spor endividyal dimoun i *shine plis* ki spor lekip e i pa vedir ki spor lekip osi pa debourye.

Mon pe met li en pti pe dan sa konteks. Kot i annan dimoun ki *ok*, i fer keksoz endividyalman i ganny rekonnet me i annan dimoun ki pe fer keksoz an group e ki petet sa Lalwa ki devan nou ozordi pa *capture* sa kategori ouswa sa group dimoun. Petet sa i en keksoz ki devret ganny adrese a nivo repons Minis.

Dezyenm keksoz ki ler mon pe gete seksyon 7 i koz lo *eligibility*. Me solman mon pa war dan Lalwa en bout *or* en seksyon ki *set* bann kriter pou fer sir ki i kler ki mannyer en dimoun ouswa si nou deside met en group dimoun e *actually* ganny sa *award*.

I annan serten ki dir i annan serten bout ki kler ki mwan mon pa neseserman dakor avek. Par egzant sa enn premye kot Prezidan ler i vin Prezidan i ganny en meday. Pou mwan Prezidan pa ankor *prove* son lekor mon pa war nesesite akoz le i vin Prezidan i bezwen ganny en meday avek Sef Ziz.

Petet si Prezidan apre ki in sorti Prezidan in montre serten devosyon, serten keksoz ekstraordiner, eksepsyonnal *now* en nesesite petet pou en meday.

Me selman an zeneral ladan, mon pa war en kriter ki pou set par egzant dimoun,

lezot endividé, lezot group pou kapab akse sa *award*. Petet si en keksoz ki a kapab vin dan en regilasyon, *I'm not sure.*

Me solman sa i bezwen ganny fer kler, akoz nou pa anvi demen ki si i annan en *award* avek en dimoun nou komans mirmire, nou komans dir entel pa ti devret gannyen, li ki ti devret gannyen akoz li in fer plis ki lot, tan ki i kler dan Lalwa mon krwar i ava *solve* sa problem.

En lot keksoz Mr Speaker ki mon ti a kontan koz lo la e mon konnen petet pa tou Manm lot kote latab ki pou dakor avek mwan, e sa i annan pou fer avek pa neseserman sa Lalwa li menm me i annan pou fer avek letan. Onorab ki'n koz avan mwan in koz lo *timing*, in dir ki *timing* i bon. Annefe *timing* ti devret pli avan.

Me mwan mon krwar poudir ozordi avek sa kantite keksoz ki i annan pou Gouvernman konsidere e pou nou Lasanble debat lo la, i annan en kantite. Dabor bomaten nou'n tann ti annan en kestyon sorti kot, annefe Onorab ki'n koz avan mwan Onorab Henrie Mr Speaker atraver ou, in anmenn en kestyon lo lapovrete; ki Minis pou Zafer Sosyal pe fer pou fer

sir ki i *tackle* lapovrete by 2023?

*This is an issue; en issue Nasyonal ki devret pe ganny debat lo la a nenport ki loportinite ki nou gannyen, revwar bann Polisi, revwar bann Lalwa.*

Pou mwan sa ki devan nou mon pa war li i en irzans Nasyonal, mon pa pe dir sa Lalwa pa merite e mon pe dir mon pa war li en irzans nasyonal pou nou ozordi debat lo en *award*.

I annan diferan fason, ozordi nou pe rekompans bann dimoun ki fer bann keksoz, i annan bann rekognisyon, petet i pa lo en nivo *award* meday me i annan bann fason ki nou pe fer.

So petet nou ti ava pran plis letan pou nou asize get ki mannyer nou anmenn en tel *Scheme* dan le fitir. Me pran nou letan ki nou annan ozordi, pran letan Gouvernman pou nou diskrit lo *real issues* ki pe afekte Seselwa la deor.

E nou tou nou konnen i annan en kantite, kantite, kantite *issues* ki pe afekte Seselwa la deor e ki par pas en Lalwa ouswa par sanz en Polisi nou ti kapab fer lavi sa Seselwa la deor pli meyer.

So Mr Speaker mwan mon pa, in ganny propoze en Lalwa

pou fer en *award*, mon pa neseserman kont ouswa pour. Mon santi ki poudir i annan keksoz priyoriter. Me solman si mon tourn lo sa Lalwa si sa Lalwa zot deside poudir sa i enportan e sa Lalwa i pase.

Mon krwar ki i annan serten klarifikasyon ki mon'n dabor mon koz lo la ki mon krwar ki zot devret pe konsider seryezman e fer sir ki si zot pas sa Lalwa zot kapab *tackle* sa bann zafer.

Sirtou par egzanp bann group dimoun, bann group dimoun NGOs ki fer keksoz siperb, manifik ki'n benefisyé Seselwa en kantite, petet konsider zot osi en kantite dan plas ki zis bann endividé, konsider zot osi pou kapab ganny sa rekognisyon si zot deside pas sa Lalwa.

Mwan mon, mon sa Lalwa i la pou mwan i pa en priyorite, zot in anmennen nou dan Lasanble nou bezwen travay me pou mwan i pa en priyorite sa. Avek sa Mr Speaker mon pou aret la, mon a koz pli tar dan lamannman. Mersi. Si i annan.

### **MR SPEAKER**

Mersi Onorab Cosgrow. Mon ava apel preznan Onorab Romain.

### **HON GEORGES ROMAIN**

Mersi Mr Speaker. Bonn apre midi Mr Speaker. Minis bonn apre midi avek ou *panel*. E bon apre midi tou koleg Onorab.

Mr Speaker, mon pou aport mon siport pou sa *Bill* akoz i enn ki promouwar pozitivite dan nou pei pe ede pou montre gratitud anver bann dimoun ki'n met zot lavi an risk pou protez ou sov lavi en lot.

E osi ede pou promouwar sa bann lenstans kot bann dimoun in demonstre kouraz e determinasyon pou ed en endividé ou en kominate. E ki in kapab anmenn en sanzman pou nou pei.

Mr Speaker, i annan tro bokou nou ki pas bokou letan dan negativite. E bokou fwa nou antoure avek nouvel kot i annan problem, difikilte ouswa konfli dan lemonn.

E pou mwan i anmenn latansyon lo pozitivite. En keksoz enportan. Sa *Bill* ki devan nou ozordi, i enn ki anmenn lalimyer lo bokou keksoz pozitiv ki pe arive otour nou e ki petet nou pa pe donn li sa latansyon ki i devret pe gannyen.

Mr Speaker, sa se sa latansyon lo bann keksoz ki nou devret servi koman lenspirasyon pou nou bann zenn ki pe leve. E kot zot vwar legzanp ki nou pe valorize.

E osi latansyon lo keksoz dibyen ki anmennen soutyen pou en endividé ou en kominote e loner pou nou pei.

Mr Speaker pou mwan en dimoun ki met son lavi an risk pou sov en lot, oubyen enn ki'n montre en ki'n montre bokou kouraz dan en sityasyon difisil in fer keksoz k tre nob.

Zot in met zot lavi an danze e pou bokou fwa sete pou ed en dimoun ki zot pa ni menm konnen. E sa i en keksoz ekstraordinér.

E in donn en dezyenm sans lavi pou sa enn ki'n ganny sove. Bokou fwa bann zes nob pa ganny ase rekonesans ki i merite.

E alors ozordi nou pe met an plas en striktir ki pou formaliz sa prosesis pou remersye zot, e rekonnet sa bann dimoun ki'n fer bann tel akt.

Mr Speaker mon siport lide ki pou annan en Komite ki pou kordin kordinasyon sa bann endividé. E ki sa i ava ganny fer dan en fason striktire e transparan.

Mon kontan pou vwar ki sa *award* pou ganny donne par Prezidan Larepublik, akoz sa i ava donn lenportans, e aport plis valer pou sa endividé.

En keksoz ki mon ti ava sizere pou al pli lwen avek sa

bann *awards* se pou osi enkli sa bann endividé pou partisip dan bann aktivite nasyonal kot zot vwar zot lenportans.

Alors Mr Speaker mon pou aport mon sipor total anver sa *Bill*. Akoz sa i en lepa an avan kot i pe entrodwir en nouveau fason fer ki promouvwar bann keksoz pozitiv dan nou pei. Mersi Mr Speaker.

### **MR SPEAKER**

Mersi Onorab. Mon ava apel prezan Onorab Loze.

### **HON JOHAN LOZE**

Mersi Mr Speaker. Mr Speaker si i annan en keksoz dabor ki nou bezwen rekonnet ozordi se ki *Bill* ki devan nou Lasanble in ganny aporte par Gouvernman LDS.

Sirtou par Minis Radegonde. En dimoun ki'n travay lontan dan nou prop administrasyon SPPF, Lepep. *United Seychelles*. So nou annan en gran respe pou li deza.

E i enpotan dir ki sa *Bill* la i zot *purview*. I *purview* Gouvernman dizour ki'n ganny elekte par en gran mazorite. Pou li aport sa *Bill* devan nou Lasanble.

E zot mazorite i napa landrwa ki i pli evidan ki isi anndan. Lakantite sez ki zot

okipe plen avek vid dan nou Lasanble ozordi, i reflekte sa mazorite ki zot annan.

Mr Speaker si i annan en group dimoun ki bezwen ganny onore ozordi dan nou sisyete se travayer Seselwa.

Travayer Seselwa *in spite of* tou sa ki pe pase, tou sa ki arrive, Dolar monte, Dolar desann, lager Ukraine ouswa sepa ki bor.

Nenport ki kalite leskiz ki zot kapab envante anba soley, anmennen, vin avek. I leve avek soley leve i al triyange. I mont se li byen fatige avek soley kouse, i fer grandi son zanfan. E i okip son lakour.

E taler mon kole Onorab Cosgrow in koz lo ero. Pou mwan ozordi si i annan *unsung heroes* dan nou sisyete, se travayer Seselwa.

Akoz travayer Seselwa i pe fer fas avek adverseite tou kalite. E sa ki i gannyen se leskiz lo leskiz akoz li i pa kapab ganny en *better deal* dan son sisyete ozordi.

I difisil, i *tuff*. I pa pe ganny allowance 35 mil li. I pa pe ganny *allowance* 39 mil. I pa pe ganny *increment* lo *allowance*. I pa pe ganny *allowance* lo *allowance instead* i pe ganny sarze *tax* lo *tax*.

I pa pe ganny naryen ekstra. Ni pou frot ledan, ni

pou poli linet. E *yet* i pa en irzans li dan sa pei. I pa en irzans i pa bezwen led, soutyen, sipor, irzans se *awards*. *Award* i irzan.

En travayer Seselwa li sa ki i pe serse se soutyen pou li *cope* avek lenflasyon, pou li *cope* avek pri lavi. E nou isi anndan sa kote minorite avek sa gran mazorite, ek en kantite sez plen ek vid, nou deside adres son problem pri lavi avek sa *Bill* meday.

(Mersi Onorab Samynadin pou ou *disturbance* e ou malelve.)

Nou deside adres son problem pri lavi avek sa *Bill* meday ki la. Mon pa konpran ki mannyer pou rezoud sityasyon, sa ki dan difikilte ozordi. E nou konnen i annan dimoun dan difikilte ozordi.

Si nou pa ti konnen Onorab Henrie pa ti pou'n anmenn en Mosyon ozordi pou demann en Minis spesifik pou adres sityasyon pri lavi.

Be nou demann en Minis pou adres pri lavi, kan pri lavi i en sityasyon konpleks ki montre ki nou pa servi. Menm avek sa ta sez ki nou annan nou pa serye.

Nou pa pe vize pou nou adres sa sityasyon. E sa menm Minister ki nou demann li pou adres kou lavi, i aktyelman dir

avek nou poudir ozordi dan sesel an antye 26 distrik, i annan 110 Seselwa ki lo *welfare*.

110. Zis 110 travayer Seselwa. E la mon koz travayer ki bezwen kalifye *deserving of welfare* Mr Speaker. Onorab Poris pe *disturb* mwan.

### **MR SPEAKER**

Eskiz mon Onorab mon pa oule ou *misrepresent* sa ki in ganny dir. Mon pa ti konpran ki i annan zis 110 Seselwa lo *welfare*. I ti annan zis 112 ki'n dir ki zot pe ganny, zot soz pe ganny re aziste dapre sa soz.

### **HON JOHAN LOZE**

Be i pa ti ganny en kestyion lo re aziste li. I ti ganny demande konbyen dimoun i annan lo *welfare*.

### **MR SPEAKER**

Onorab mon krwar ou pe *misrepresent* sa ki'n arive dan Lasanble. Alor mon pe dir ou nou pa pou ouver deba lo la. Sa i mon lopinyon koman Speaker. E mon pe demann ou pou pa kontinyen avek sa kalite deklarasyon. Silvouple kontinyen.

### **HON JOHAN LOZE**

Mr Speaker ou lopinyon i siprim mon drwa koze akoz ou

lopinyon. Pa akoz fe, akoz ou lopinyon.

### **MR SPEAKER**

Non, non, non, mon lopinyon.

### **HON JOHAN LOZE**

Dakor.

### **MR SPEAKER**

Mersi *ok*.

### **HON JOHAN LOZE**

Mon aksepte ki ou lopinyon *trump's facts*.

### **MR SPEAKER**

Mersi kontinyen.

### **HON JOHAN LOZE**

*Opinion trump's facts* ozordi dan Sesel. Sa nou bezwen realize.

Mr Speaker, nou pe viv dan en Sesel ozordi, nou annan irzans lo kote en *PUC* ki dir nou *aircon* pe fer monte *Bill* dan lakaz dimoun ki napa *air-condition* se li.

*PUC* pe fer pou li, *RRP* pe fer pou li. zot dir nou *RRP* pe fer desann pri lavi. *RRP* i ekrir an rouz apre zot met en *sticker* blan lo la ki fer monte pri *RRP*.

Pe sey konpran - konpran ki mannyer sa meday ki zot in mete la devan nou pou adres vre problem nou Nasyon. Mon

pa pe ganny en sans konpran. I difisil.

Be parey mon'n dir *this is the purview of your Government.* Sa i zot! Sa i direksyon dan lekel ki zot, zot anvi ale. Dan lekel ki zot, zot anvi anmenn sa Nasyon.

Sa i sa transformasyon fondamantal sa sanzman profon, siperfisyel ki zot dir nou zot pe fer.

E nou, nou bezwen aksepte sa. Akoz sa mazorite sez plen ek vid in ganny donnez avek zot. E zot la -

### **MR SPEAKER**

Onorab ou pa krwar ou pe ensilte bann Manm lot kote latab par dir zot bann sez plen vid.

(laughter)

### **MR SPEAKER**

Non kapab demann ou. Onorab mon kapab demann ou pou annan en pe respe pou lezot Manm Lasanble silvouple. Mon krwar sa ki -

(laughter)

### **MR SPEAKER**

Mon krwar sa ki - Silvouple eski mon kapab ganny en pe latansyon? Mon krwar sa term i derogatwar. Alor mon demann

ou ankor enn fwa evite servi term derogatwar lo lezot Manm dan Lasanble.

Silvouple prezan kontinyen.

### **HON JOHAN LOZE**

Wi Mr Speaker as soon ki Onorab Poris i reste li en pe frankil mon a kontinyen.

### **MR SPEAKER**

Kontinyen silvouple.

### **HON JOHAN LOZE**

Mr Speaker mon pou *refrain* servi sa term. En gran mazorite ki napa kouraz pou lev zot lanmen e zot lavwa pou sey gid zot Gouvernman pou fer sa ki byen e sa ki bon pou Lepep Seselwa.

Zot asize pasiv konmsi zot ipnotize. Zot in droge. E zot pa kapab zanmen dir naryen - nanryen pou sey gide, ede, e aranze lo kwa ki pe al ale -

### **MR SPEAKER**

Onorab ...

(Mic switched off)

### **MR SPEAKER**

Onorab, mon'n donn ou en konsey lo sa pratik ensilte oubyen servi tem derrogatwar kont lezot. Ou pa pe swiv sa ki mon'n demann ou.

Ou bezwen respekte bann lareg ki etablir pou Lasanble. Mon pa pou aksepte ki ou fer ankor sa bann term derogatwar. Si ou kapab kontinyen ou *speech* e si ou kapab koz lo *Bill* ki devan nou.

Mon ava apresye e mon pa pou bezwen pran lezot mezir. Sansan ou pe demann mwan si mon pe siprim ou drwa koze? Mon pou bezwen siprim ou drwa koze. Mersi.

### **HON JOHAN LOZE**

Mersi Mr Speaker. Personnelman i pa sirprann mwan mon ki zot sirprim mon drwa koze. Akoz zot in deza siprim zot prop drwa koze. E zot tou zot pe zwe tranpe la esper mwan koze pou lev lanmen pou zot kapab koze.

So zot napa naryen pou dir tan ki Loze pa lev lanmen la anndan dan sa Lasanble ozordi.

(laughter)

### **HON JOHAN LOZE**

E sel keksoz ki zot annan pou dir se zot tou zot pou vin tay deryer *speech* Loze. E zot pe vin reponn Loze.

Se sa ki pe al arive. Mersi pou zoure Onorab Norbert Loizeau.

(Interruption)

### **MR SPEAKER**

Ok. Mon pa'n tann Onorab Loizeau zoure. Be mon pa'n tann li zoure. E li i pe dir i pa'n zoure.

(Interruption)

### **MR SPEAKER**

Onorab pou dernyen fwa si ou kontinyen avek bann parol ki deranz Lasanble, mon pou demann ou sorti dan Lasanble. Eski sa i kler?

Onorab ou'n dir Onorab Loizeau ti pe zoure mon pa'n tann li pe zoure. Alor mon pe demann ou *retract* e apre ou a kontinyen.

### **HON JOHAN LOZE**

Mr Speaker li i zoure, mwan mon *retract*. Mersi.

Mr Speaker *Bill* ki zot in anmenn dan Lasanble lo sirfas *Bill* li menm i byen. Be ankor enn fwa se zot Manm ki les nou konpran zot vre lentansyon.

Se zot ki vini zot politiz zot *Bill*. Se zot ki les konpran ki zot vre lentansyon. Zis parey zot ti fer semenn dernyen.

Mr Speaker dan katriyem Lasanble, ti vin en Mosyon anmennen par Onorab Jeniffer Vel ki ti pou siport kreasyon Liniversite Sesel. SNP pa ti vote. Zot pa ti siorte, zot

pa ti vot an faver senpleman akoz ti annan mansyon Prezidan Michel ladan ki li ti'n bouze pou kre sa liniversite.

E zot ti refize lo sa baz. Zot ti dir liniversite in ganny politic. Sa ti zot largiman dan katriyem Lasanble. Pou zot pa siport kreasyon, en Mosyon ki ti pe siport kreasyon liniversite Sesel.

Ozordi, Onorab Henrie i vini i dir nou poudir sa ti dan zot Manifesto, e ki Prezidan in pran sa dan Manifesto in anmenn devan *Cabinet*.

Zot politiz zot *Bill* ki zot in anmenn devan Lasanble an giz en keksoz ki pou la Nasyon an antye pou rekonnert tou dimoun selman en pti moman dan Manifesto.

Be dan zot Manifesto napa zis sa. Napa zis sa dan zot Manifesto. I annan met larzan osi dan pos Seselwa.

Zis sa ki zot swazir pou enplimante dan zot Manifesto? Tou sa ki zot in mete pou benefisyen lendividu, pou benefisyen travayer Seselwa la zot pa enplimante.

Meday i irzan. Be se sa kot mon konfizyon i vini mon. E sa bout la ki mwan mon pa kapab siporte.

Mon ti ava kontan - ankor mon dir mon ti a kontan si zot ti ava zwenn nou. Lakantite zot

ki annan isi anndan. Si zot ti lev zot lanmen, lev zot lavwa pou fer sa ki byen pou sa pep, keksoz ti pou diferan dan sa pei !

Si zot ti ede, koze, fer reprezentasyon pou Lepep Seselwa, dan plas vin avek bann ti zafer kosmetik si en Minis pou fer desann kout lavi.

Apre ... Departman menm i dir sa ki Speaker pe dir mon dan son lopinyon pa'n dir sa. Kan mwan mon konn tre byen in dir sa.

Si zot ti ede ...

*(Mic switched off)*

### **MR SPEAKER**

Onorab ou pa kapab kontinyen koz koumsa anver Speaker. Mon'n dir ou ki mannyer keksoz ti pase dan Lasanble. Ou pe *misrepresent* sa ki ti pase dan Lasanble. Ou pe *misrepresent*.

### **HON WALLACE COSGROW**

*(Off-Mic)*

### **MR SPEAKER**

Arete Onorab Cosgrow. Arete.

### **HON JOHAN LOZE**

*(Off-Mic)*

### **MR SPEAKER**

Onorab Loze mon pe demann ou pou sorti dan lasal.

**HON JOHAN LOZE**

Avek plezir Mr Speaker.

**MR SPEAKER**

Mersi.

(*Interruption*)

(*Hon Loze left the House*)

**MR SPEAKER**

Bon. Nou ava kontinyen avek deba. Mon ti ava apresye si nou ti kapab fer sa deba annord. Zot annan zot diferan pwennvi. Zot annan zot diferan politik me selman dan sa Lasanble annou sey gard lord dan mannyer nou eksprim nou lekor silvouple. Mersi.

Mon ava kontinyen avek Onorab Samynadin.

**HON KELLY SAMYNADIN**

Mersi Mr Speaker. Bonn apre midi Minis avek ou delegasyon. Tou mon koleg Onorab. E tou dimoun a lekout.

Mr Speaker, pou retourn lo sa *Bill* ki devan nou, *Bill* ki pe ganny prezante avek sa Lasanble i enn ki promot lespri patriyotizm e pozitivite.

Pozitivite i vin dan lesans ki nou pe ankouraz tou dimoun pou viv avek konpasyon e imilite anver enn a lot.

E sa lespri patriyotizm i vin dan lesans ki enn nou frer e ser Seselwa ki'n komet en zes nob, bav, ou eroik atraver sa menm lespri patriyotizm i ganny rekonnet atraver sa menm lespri pozitivite i ganny rekonnet e ankouraze pou sa tel aksyon e lakonplisman.

I annan diferan kalite *awards* ki ganny donnen atraver lemonn baze lo diferan merit. E sa i kapab konpri bann *honors*, dekorasyon ek meday.

En legzanp, an Langleter *honors* i ganny donnen pou rekonnet merit an term lakonplisman e servis. E bann Manm ki'n fer bann kontribisyon mazer dan okenn aktivite pli ou mwen lo en nivo Nasional i ganny rekonpanse.

En dimoun i ganny dekore atraver en akt nob spesifik. E en meday i ganny atribye a bann endividé pou rekonnet servis lo en loperasyon partikilye.

Bann servis ki long e valab. E osi pou bonn kondwit. E parey nou kapab konnen i tradisyon pou bann ki ganny rekonnet atraver *La Chevalerie*, zot ganny prezant avek latous en sab par Larenn ou Lerwa.

Mr Speaker, en lot legzanp an Ostrali, i annan 4 nivo awards ki ganny donnen ki ganny apele *The Order of*

*Australia.* E sa bann *awards* i ganny atribye pou rekonnnet bann Ostralyen ki'n demontre servis e lakonplisman eksepsyonnell.

E sa 4 awards i comme swivan; Premye nivo i apel *Companion of the Order of Australia.* Ki rekonnnet bann endivid'i ki'n fer lakonplisman eminan. E i osi *Merit of the Highest Degree* dan servis an Ostrali e pou limanite an zeneral.

Dezyenm nivo i apel *Office of the Order of Australia.* E sa i ganny donnen a bann endivid'i ki'n fer bann servis prestizye a en o degre pou Ostrali, e pou limanite an zeneral.

Lo trwazyenm nivo *awards*, bann endivid'i i ganny apwente koman en manm *of the Order of Australia* pou zot servis dan en lokalite ou domenn aktivite partikilye, oubyen dan en group partikilye.

E katriyem nivo *awards* Mr Speaker, i ganny atribye pou bann servis ki diny pou en rekonesans partikilye. E li i apel *The Medal of The Order of Australia.*

Sa 2 legzanp Mr Speaker i zis pou demonstre ki signifikans ki plizyer pei pe donnen a bann *Orders* pou rekonnnet zot sitwayen, enkli Sesel. e relevans

ki en tel *national awards* i annan ozordi.

Mr Speaker, sa *Bill* pe fer provizyon pou letablisman en *Order of the Republic of Seychelles*, kot Prezidan Larepublik koman Sanselye sa *Order*, pou rekonnnet e onor lekselans, merit, valer, e eroizm.

*Clause 7* sa *Bill* anba *eligibility for national awards*, i fer provizyon pou ki letan ki Prezidan i pran lofis, oubyen a nenport moman ki i dan lofis, meday Larepublik Sesel i ganny prezante anver li par Sef Ziz.

E pou kwa pa, komans par onor li menm li pou nou Prezidan Wavel Ramkalawan, sa zonm ki'n demontre bokou kouraz, rezilyans, malgre bokou leprev pou li ariv kot i ete ozordi.

Malgre bokou ti dir ki zanmen i pou asiz lo sez Prezidan pei. Me li zanmen in les tonbe sa pep dan son lalit pou obtenir vre demokrasi e laliberte lekspresyon.

**(APPLAUSE)**

### **HON KELLY SAMYNADIN**

Pli prensipalman in asire ki sa tranzisyon pouwwar, e transformasyon pozitiv dan Gouvernans pei in pas dan lape e limite.

E Seselwa ozordi i kapab zwir sa menm transformasyon dan stabilite. E lavi i kontinyen *comme* labitud malgre bokou defi ekonomik ki pe ravaz lemonn.

Mr Speaker, nou tou isi dan sa Lasanble nou kapab idantifye diferan dimoun dan nou distrik, ki byensir i fer bann diferan akt eroik. Oubyen ki'n azir avek kouraz e konpasyon atraver en akt ekstraordiner anver limanite.

E la, mon oule profite pou felisit tou bann endividé ki'n fer oubyen pe kontinyelman montre zot devouuman dan lakominote dan zot bann akt nob e eksepsyonnell.

Nou rekonné zot koman bann endividé remarkab osi byen ki en model pou lezot.

Mr Speaker, pou benefis nou bann dimoun ki pe ekoute. Petet ki ava byen pou sit serten bann zes ki nou kapab konsidere koman eksepsyonnell, nob, e kouraze.

I kapab en endividé ki'n sov oubyen eseye pou sov en frer ou ser Seselwa dan en lensandi kot noye, ou nenport form danze.

I kapab osi en endividé ki fer en aksyon saritab anver en group dimoun ki annan bann bezwen spesifik.

I osi kapab en dimoun ou group dimoun ki pe tonbe, leve pou prezerv nou patrimwann lanvironmantal, kiltirel, eksétera kont perdisyon.

Mr Speaker lalis i long. Me sa i zis detrwa bann legzanp ki mwan mon konsider koman enportan pou konsidere.

I enportan ki note ki sa *Order* pa pe favoriz okenn class ou personnalite dimoun ou endividé. I pa pe fokaliz lo stati en endividé dan lasosyete. Me plito dapre son merit ki fer li admisiv pou li ganny en *award*. E sa masaz pozitiv ki pe ganny fer pase atraver son sez nob.

I osi enportan pou fer resorti ki tou sa bann dimoun ki pou ganny rekonné se bann dimoun ki pe pli ou mwen viv en lavi pozitiv, atraver zot leta lespri. E se an rezulta sa ki zot fer bann aksyon ki merit ganny rekonné.

Letan nou pozitiv i fer nou angaz dan bann panse e lemosyon pozitiv. E osi dan bann konportman pozitiv, tel ki la zantiyes e la zenerozite.

An konklizyon Mr Speaker, mon senserman krwar ki sa *Bill* in vin a en bon moman. Malgre ki entervenan avan mwan lo lot kote latab in kestyonn sa.

Tou an konsideran bann diferan lenpak ekonomik e

sosyal ki pandemik COVID-19 in koze. E kot tou dimoun ti pe ganny demande pou demonstre solidarite anver kanmarad.

En kantite lensidan in arive dan lepase kot en frer ou ser Seselwa in bezwen demonstre rezilyans e aksyon brav pou kapab sirmont diferan sityasyon, pou ed bann ki dan bezwen dan bann sityasyon vilnerabilite.

Dan sa ka Mr Speaker, pou kwa pa koman en siny rekonesans, *award* bann endividé ki'n demonstre zot kouraz ekstraordiner dan bann diferan leprev nou kotidyen, zour nou Lazournen Nasional le 29 Zen.

Mr Speaker, mon pou demonstre mon sipor pou sa *Bill* an sitan gran poet Ameriken Maya Angelou ki dir,

*"Courage is the most important of all the virtues because without courage you cannot practice any other virtue consistently."*

Mersi Mr Speaker.

### **MR SPEAKER**

Mersi Onorab Samynadin. Prezan mon ava apel Onorab Monthy.

### **HON PHILIP MONTHY**

Mersi Mr Speaker. *Bill* ki devan sa Lasanble ozordi Mr Speaker,

i enn ki tre enportan e ki annan vre merit.

Sirtou la a en moman kot lemonn e Sesel koman en pei ki pa'n ganny eparnye par sa bann difikilte mondial, ava kapab fe en poz, respire e ede anmenn lespar e en gran sans patrioyizm parmi nou popilasyon. Ki mon vwar in manke pandan plizyer lannen.

E sa Mr Speaker i fors mwan pou dir ki sa *Bill* parey Onorab Henrie in fer sorti tou taler. Ti'n devret vin bokou pli boner ki sa.

Akoz menm si parey in fer provizyon dan sa *Bill*, pou osi rekonnet kontribisyon ekstraordiner ki nou bann frer e ser ki'n deside in fer pou sa pei. Nou devret pe fer en zefor pou aport sa rekonesans ler sa bann Seselwa distenge i ankor vivan. E ki i ava fer ki zot menm e zot fanmir ava kapab viv e selebre sa rekonesans. Akoz souvan fwa nou war ler en dimoun in mor ki nou sant bann leloz lo li. E sa, se egzakteman sa ki sa Gouvernman dizour pe fer atraver sa *Bill*.

Largiman anmennen par lopozisyon lo *timing* sa *Bill*, pou mwan pa fer sans. E i montre ou ki si zot ti ankor lo pouvwar, e menm si pei ti pe byen fer ekonomikman rekonnet zefor

nou bann frer e ser Seselwa pa'n zanmen en priyорite pou zot.

Mr Speaker, i vre ki parey mon fek mansyonnen lemonn antye e Sesel pe fer fas a plizyer difikilte ekonomik, ki an deor nou kontrol.

Be eski akoz sa nou koman en pei nou bezwen aret fonksyonnen? Eski akoz sa nou bezwen reste an dey e zis les negativite anvaир nou pep e blok tou nou zefor pou nou progrese?

Eski nou pe ganny dir ki rekonesans akonplisman ekstraordiner nou prop sitwayen pa en priyорite? Lavi i kontinyen Mr Speaker. E nou koman en pei nou bezwen bouze.

Si se sa fason ki en Gouvernman US ti pou fonksyonnen si zot ti o pouvwar la a sa moman, mwan mon *sorry* pou dezapwent zot, sa Gouvernman ki la pa fonksyonn dan en tel fason.

E mon konpran alors akoz ki pandan tou sa lannen zanmen zot in war li neseser pou anmenn en Lalwa pou rekonnet zefor sa group, nou bann sitwayen ki atraver zot zefor e aksyon in disteng zot parmi lezot.

Lefe ki sa *Bill* i devan sa Lasanble ozordi, i pa vedir ki

Gouvernman pe konpletman inyor difikilte sa pep.

Annou pa blyie ki kantite ki'n ganny fer pandan sa 1an edmi ki sa Gouvernman in o pouvwar, menm fas a plizyer difikilte. Performans ekonomik ki'n enpresyonn plizyer lotorite Enternasyonal. *IMF World Bank*.

Mr Speaker, nou, nou rekonnet valer travayer Seselwa. Akoz si nou bann travayer pa'n bezwen pran en koupir saler parey US ti pe mazinen antreprann, si zot ti'n ganny elekte, i montre ou ki mannyer nou, nou rekonnet valer e difikilte ki nou bann travayer pe fer fas avek.

E sa, sa Gouvernman in fer li menm si nou'n bezwen al pret larzan pou konble sa 4 bilyon defisit bidzeter. Nou'n fer li zis pou asire ki tou nou travayer lafen di mwan i anmenn en saler kot zot lakour.

A en moman kot menm si i annan bann manev malisyе pou sey dekouraz touris pou vizit Sesel, lakantite touris ki'n debark lo nou later pou premye kar sa lannen, i environ 115 mil.

E pe montre nou ki nou lo bon semen an 2022 pou kas rikord lakantite viziter ki ti ganny anrezistre an 2019. Touris pa konnen ki pou fer

avek Mr Speaker. E sa pe ede remet nou pei lo prosperite ekonomik. E ki don lespwar ki byento nou ava kapab sorti dan sa defisit bidzeter e donn nou pep sa soulazman ki zot vreman merite.

Fodre pa ki nou les nou ganny anbete osi ki sak fwa ki Gouvernman i antreprann en proze ki sa pou neseserman kout pei larzan.

Depi ki sa nouveau ladministrasyon in vin o pouvwar, nou'n war Mr Speaker ki kantite led ki pei in resevwar avek plizyer nou bann zanmi.

Sa i montre konfyans ki kominate enternasyonal i annan dan sa nouveau Gouvernman ki pa ti forseman le ka dan lepase.

Zis pou sit enn, de. *Oxygen plants*, vaksen. *Beau Vallon Bay* ki ti pe kout nou pei preski R3milyon par mwan ziska ki Gouvernman ti entervenir. Lopital La Digue ki pa pe kout Sesel en sou.

Tousala bann led ki nou gannyen sa. *Ok?* E ler nou entrodwir en tel *award*, i pa vedir ki larzan pou sorti kot *tax payers* pou finans sa tel proze. I pa vreman le ka.

Lalis i long Mr Speaker. Alor zefor pou sey fer Seselwa krwar ki avek lentrodiksyon sa *award*, Sesel pa pe get son

priyorite, e pe angaz nou dan bann proze ki pa neseser pou mon pa fer sans e bann tel largiman i tonbe.

Ler mon'n swiv fason ki lezot pei i rekonnet zefor zot bann sitwayen mon'n touzour demande, kan eski nou koman en pep nou pou annan nou prop fason rekonnet bann kontribisyon eksepsyonnal nou prop sitwayen?

Sa moman i la Mr Speaker. E mon santi mon privilezye koman en Manm Lasanble, ki pou ede pas sa Lalwa ki i ava fer ki nou valoriz zefor nou prop sitwayen a en pli onivo posib.

E avek sa detrwa mon Mr Speaker mon pou aport tou mon sipor pou sa *Bill. Mersi*.

### **MR SPEAKER**

Mersi Onorab. Mon ava apel Onorab Roucou.

### **HON MICHEL ROUCOU**

Mersi Mr Speaker. Bonzour Minis ek ou lekip. Bonzour tou mon bann koleg. Bonn apre midi spesyal, pou bann zabitan Mont Fleuri. Mr Speaker annefe mon pou pran menm lapros, parey mon bann koleg in pran.

E Onorab Cosgrow boner ti'n vin avek en, en zoli lapros kot in donn enn pti pe bann

detay. Be selman apre, in perdi enn pti pe *focus* lo la.

Mr Speaker, dan sa transformasyon, ki nou Gouvernman in vin avek, se ki nou bezwen rekonnnet, nou Seselwa la ater. Bokou Seselwa ozordi zot santi zot, ki zot in ganny blyie. Ouswa i annan bokou ki pa ankouraze, pou zot fer bokou keksoz ki ozordi, ki pou lev nou paviyon enn pti pe pli o.

Akoz zot panse ki zot in ganny blyie. Dan lepase Mr Speaker, mwan avek Onorab Labrosse, i konn tre byen, ler nou ti ganny mete lo *Regional Council*, nou ti pran nou en lapros kot, nou ti rekonnnet detrwa dimoun dan nou kominote, dan nou bann distrik. Akoz ti annan distrik Plaisance, Les Mamelles, Roche Caiman, Mont Fleuri li menm li.

Kot la nou ti rekonnnet, detrwa bann dimoun. Me malerezman nou pa ti ganny sans fini fer, travay lo nou plan. Akoz apre, nou manda ti fini. Mon rapel tre byen, kot nou ti apros, en group dimoun espesyalman dan Mont Fleuri. Kot nou ti rekonnnet zot. Nou ti rekonnnet zot, avek en *shield*, kot nou ti dir zot mersi.

Akoz, akoz sa ti montre sa lapresyasyon, ki nou annan pour sa kontribisyon ki zot pe

fer, lo nivo kiltir li menm li, sa letan. E sa zanmen mon pou blyie, ler Mr Pascal Renaud ti dir, tou sa letan, tou sa letan, ki li koman en zenn, ek son bann koleg, zot pe dans kanmtole. E sa ti vin, en lankourazman pou zot.

E ou vvar sanmenm lapros ki nou Gouvernman, i le vin avek, se ki ankouraz nou pep la deor pou zot kontinyen angaz zot, dan bann keksoz pozitiv.

Mr Speaker, bokou letan pase ti ariv en lensidan vreman trazik, ki sa ti tous Sesel antye. E osi ti tous zabitan dan mon distrik, kot apre Lafet La Digue, en group dimoun dan pe desann pou zot vin kot zot, ti ariv en maler. E la apre ki'n ariv sa maler, bokou Sesel antye ti pe regarde, akoz ladan ti annan diferan dimoun, diferan laz. E la kot nou ti vvar, dan resers en garson ki apel Aubrey Jacqueline, i ti'n reisi, i ti'n resi sov lavi enn pti tonton - enn pti garson. E sa Mr Speaker, sa i montre ou ki mannyer nou Nasyon Seselwa, nou ini. Nou brav, malgre ki kantite letan ki zot ti fer. E sa tou dimoun ti pe koz lo la. I ti'n vin en ero, pou zabitan nou distrik.

En ero pou Sesel, akoz kot i ti pase. Mon osi mon ti ganny sans zwenn li, e mon ti vreman

fyer. *At least* malgre, ki ti'n ariv tou sa maler. Ki nou ti vreman sagren. Be *at least* ozordi, Mr Speaker sak fwa mon pase, mon zwenn sa garson, sa pti garson ki ti ganny sove. Nou debout nou koze. E sa i anmenn ou, en lazwa. Akoz ? *At least* ki, ki son manman Sabrina, in kapab annan son garson pou soulaz li la. Malgre ki in perdi son bann fanmir pre.

Sa i en akt, li menm li ki ou kapab dir, ki i en dimoun ki ti devret ganny en meday. Akoz in sov en lavi, me selman malerezman, ti napa sa letan.

E la ozordi, Gouvernman pe vin kot nou pe dir nou bezwen rekonnet bann dimoun ki fer bann akt parey.

Nou'n vvar tou dernyerman, sa msye ki'n sov bann touris, ki ti dan detres *ok*. Sa drayver bis ki aswar, apre ki malgre i fatige in anmas de touris, in return ek zot dan zot destinasyon kot zot ti pe ale, kot zot lotel. Nou bezwen pran nou en lapros pozitiv, pou nou rekonnet nou Seselwa.

Mr Speaker, sa *Bill* li menm li, ler sa komite pou ganny etabli la aprezan, i pa vedir ki nenport ki endividé, i pou zis kapab ale e dir donn en tel. Ou kapab propoze, serten dimoun dan ou kominote oubyen dan pei ki ou vvar pe

fer en kontribisyon, pour ki, ki pe benefis, en kontribisyon pozitiv, ki sa i ava pase lo sa komite.

E sa *award* li menm li, ler sa Komite pou'n fini fer tou son bann prosedir. E sa pou ganny mete devan sa dimoun ki pou responsab, pou prezant sa *award*. *Ok?* E ler nou pe koz lo en *award* Mr Speaker, ler ou pe get bann pei, i annan bokou pei. Taler mon ti pe asize mon ti pe gete.

Mon'n kapab bat lo Lanmerik li menm li, kot nou'n vvar tanzantan bann Prezidan, i rekonnet bann solda, ki'n al bann lager. Ouswa en dimoun, ouswa, menm i en ansyen Prezidan, ouswa zis mon get Prezidan aktyel la Lanmerik, i pa ti ankor ni menm vin Prezidan. Prezidan ki ti la sa letan, ki li i ti Vis-Prezidan. I ti *award* li avek en meday. Ki sa i montre kontribisyon, e valer bann kontribisyon ki i per fer.

Mr Speaker nou bezwen pran nou en lapros vreman pozitiv. Nou dakor, bomaten wi. Onorab Henrie, in anmenn en kestyon pour Minis. Akoz nou, nou anvi vvar. Nou konnen nou. Nou pa pe asize dan kwen pou fer, konmsi poudir vreman i annan dimoun, ki dan problem, pa dan problem.

Nou rekonnet sanmenm sa, nou'n deside pou nou anmenn sa kestyon. Akoz nou, Gouvernman i vini ler nou pe koz lo saler.

Lot fwa *PS Payet SS*, e in dir, in monte tanzantan i mont enn pti kou, in dir. Gouvernman pe fer serten travay pou revwar, revwar saler, tou travayer. Nou pa kapab zis vini, sa pti gin ki nou annan, zis nou pran nou donn bal ladan. Parey ti ganny fer avan.

Nou bezwen etabli, en fason fer ki tou dimoun i benefisy. Akoz ki nou'n vwar dan lepase, bann ki anler zot ganny zot bann gro, gro saler. Oubyen bann gro *allowance*, sa ki anba li ganny zis bann *peanuts*.

Ou vwar. E nou, nou anvi ki tou Seselwa i benefisy Mr Speaker. Nou pa anvi ki ler i annan nou vwar en group dimoun i monte, anba pye tanmaren, i al partaz larzan. Pa koumsa ki fer.

Nou, nou anvi ki ler i annan, tou dimoun i gannyen, menm parey menm. Revwar avek tou keksoz, byen menm. E revwar, ki Seselwa preznan, zot saler i ava monte Mr Speaker.

E ler nou pe koz lo, lo kote Seselwa travay. Mon'n asize mwan, mon'n reste mwan trankil, bokou nou, nou pe zwe

bon boug. Ki donn Seselwa larzan. Selman ler Seselwa li i al debourye, ki nou fer? Nou lev telefonn, nou *call* laba. Nou demande ki entel pe fer pouz li. Akoz sa i pe fer politik, san konnen poudir.

Sa bann dimoun laba ki'n *call* sa dimoun, poudir e vin donn en koudmen la. Ou vwar? Mr Speaker, sa *Bill* ki devan nou i vreman enportan. I enportan akoz nou bezwen, rekonnet, nou Seselwa la ater, nou pa kapab toultan en dimoun in fer en keksoz ki byen. Zis nou vwar li i monte, apre napa nanryen demen koman en souvenir ki kapab montre son pti zanfan.

Ouswa demen ler li i pa la, ki sa i vin koman en souvenir, ki son aryer pi zanfan, ouswa son zanfan i kapab dir avek en manm fanmir. Sa pou entel sa. I ti fer tel keksoz, i ti ede pozitivman, i ti sov lavi. Mr Speaker.

E osi sa nou bezwen, mazin nou bann *sportsmen*. Yer swar ler mon pe get nouvel, mon vwar en zenn garson dan mon distrik Lorenzo Hoareau, ki pe al enternasyonal pou li al bann zafer foutbol.

E sa i pou ed nou bann zenn, ankor. Ler nou koz nou bann zenn, nou bezwen vin pozitiv. Me ozordi Sesel sa ki

nou pe vwar, bokou zenn in ganny en laport ouver, pou zot al deor.

E ler zot fer nou *proud* laba demen zot desann, nou kapab donn zot enn pti sa. I fer nou paviyon monte, i pe fer nou *proud*, Mr Speaker. Ou vwar? Nou bokser Keddy Agnes, ozordi Pointe Larue. Tousala bann dimoun ki nou bezwen rekonesan. Nou pa kapab asize, dan en pti kwen negativ, mazin tou keksoz.

Ozordi parey bann Onorab ki'n koz avan mwan in dir, se ki nou vwar, nou vwar bokou nou bann dimoun ozordi, menm dan travay li menm li. La parey Mr Speaker, Onorab Pillay i enn mon ansennyan lontan. Ou vwar? Sa ki dir ou demen, i pa kapab ganny en meday li osi, ou vwar?

*(laughter)*

### **MR SPEAKER**

Onorab ou pe apros 20 minit, mazin pou konklir.

### **HON MICHEL ROUCOU**

Wi Mr Speaker mersi. Mr Speaker pou mon sa *Bill* i vreman enportan. Akoz mon pou donn mon sipor. Mon pou lev mon lanmen tre o. E nou Gouvernman ki la ozordi, nou

pa bliy personn, nou pa kit personn deryer.

Selman nou bezwen fer sir poudir ler keksoz i ganny fer, i ganny fer byen. Pa akoz sa pti gin, ki nou annan nou pou bezwen donn diverti kontan lo la. Nou bezwen servi li byen.

Mr Speaker apre osi nou bezwen mazin, nou Prezidan ozordi. En boug ki'n lager, in ganny kas latet, i pa'n abandonn personn. I pa'n abandonn nou li. I pa'n zanmen les tonbe.

Mr Speaker, ler tou dimoun ti pe taye, ti pe kite pa ti le debout, li i ti vini, Mr Speaker, in ganny elekte. Mr Speaker, mwan mon poudir Minis kont lo mwan. Mon pou donn mon sipor sa *Bill*, ki la devan nou. Akoz mon rekonnet poudir la deor i annan bokou Seselwa ki'n byen fer.

E sa i pou ankouraz lezot, Seselwa ankor pou zot fer plis ankor, ki sa pou benefis nou pei li menm li, akoz ler enn pou vwar en lot pe fer i pou ankouraz plis Seselwa ankor pou zot vini. E pou nou kapab kit nou Nasyon, ansanm. Mersi Mr Speaker.

***(APPLAUSE)***

### **MR SPEAKER**

Mersi Onorab. Mon ava apel Onorab Pillay.

### **HON SEBASTIEN PILLAY**

Bonn apre midi, tou dimoun. E mersi pou donn mwan laparol pou fer mon lentervansyon lo merit e prensip zeneral sa Prozedlwa ki devan nou.

Ou konnen i annan en gran santer ki tou dimoun i konnen, i dir, “*Emancipate yourself from mental slavery, none but ourselves can free our minds.*”

Ok. Ler mon'n ekout bann entervenan lo lot kote latab, koz lo tou sa bann pei.

Tou sa *gamme* pei ki annan sa bann *awards*, en keksoz i *strike* mwan vreman enportan. E sa ki *strike* mwan vreman enportan se ki tou sa bann pei, swa bann *former* pouvwar kolonyal, swa bann koloni sa bann *former* pouvwar kolonyal.

E i annan en konsep Mr Speaker, ki apel *transgenerational slavery*. Se ki koman en Nasyon, ou toultan oule idantife ou, avek ou kolonizater. Akoz ou krwar poudir sa fason onorifik, ki ou kolonizater i *recognize achievement*, i lafason ki ou devret fer li.

Mon'n tann en Onorab sant leloz, lord Lostrali e menm

Langleter. E sa ki nou pe fer la, nou pe kree preski parey sa ki Langleter i annan. Se sa *Queen Honors List*, kot larenn i *knight* en dimoun, e nou apel li *Sir*.

Savedir byento nou pou annan en *Sir Wavel*, nou ava annan en *Sir Bernard*, nou ava annan en *Sir Gervais*. Me, sa ki enteresan dan tousala, i se ki nou koman Seselwa, sa lidantite ki nou ti'n lager pandan plizyer lannen pour etablir, nou pe ptitapti *relinquish* li.

Akoz nou le paret, en lot keksoz. Nou le apersevwar nou lekor koman en lot kalite dimoun. E i enportan pou mwan fer le pwen, lo serten keksoz ki'n ganny dir. E menm lefe ki mon annan en Manm lo mon kote latab, ki'n ganny met deor, mon'n reste trankil, mon'n swiv tou sa ki'n pase.

Akoz i enportan pou pep Seselwa ki pe ekout mwan, ozordi konpran. Kote nou ete ozordi. E ki probableman kote nou pe ale, baze lo desizyon ki nou ti pran an Oktob 2020.

Mon pe demande ki pep Seselwa, pou ekspekte ki, dan sa Lasamble, zanmen zot pou tann okenn Manm, lo lot kote latab. Savedir bann Manm *LDS* dir, ki zot pa dakor avek sa ki zot Gouvernman i anmennen.

Zot annan konsern, avek sa ki zot Gouvernman i anmennen. E sel parol ki zot pou gannyen, se ki sa *Bill* i en bon *Bill*. I annan bon merit, e ki zot devret siporte. Se tou ki zot pou gannyen. E sa ki enteresan se ki menm bann Manm ki ozordi, pe dir ou sa lontan ti *challenge* bann Manm, *SPPF*, Parti Lepep e *US*, pou debout lo bann keksoz, ki zot santi poudir i abnormal.

Ki ozordi, ni kouraz, ni kouraz, bann Manm ki zot in elekte Lepep Seselwa, zot napa pou koz lo zot par. E mon pou ilistre sa, an relasyon avek sa Lalwa.

Premyerman ler nou koz, lo kit dimoun deryer, Minis ki la, in en kolaborater pros, plizyer dirizan dan mon parti. E in arive vin en Anbasader, atraver mon Gouvernman. Atraver mon parti Minis i vin Anbasader.

E in *recognize* son, son lentelizans in *recognize* son abilite. In arive vin Anbasader. Me sa ki enteresan, sa ki enteresan - mon tann mirmirasyon bann Manm lo lot kote latab.

### **MR SPEAKER**

Wi, nou ava aret sa bann mirmirasyon silvouple. Onorab kontinyen.

### **HON SEBASTIEN PILLAY**

Sa ki enteresan, se ki ou annan Manm ki pe koze lo lot kote latab ki si, pa ti Albert Rene. Zanmen i ti pou dan en Lasamble pe koze ozordi! E sa i en, i enportan akoz mon'n ariv lo sa pwen Mr Speaker. Ler nou koz lo limite, nou koz lo patriyotizm.

Premye aksyon sa Gouvernman ki'n vin o pouvwar se pou retir non Albert Rene, lo semen kot i aparet. Premye aksyon ki zot in fer. E sa aksyon zot a vin, dir ek nou koumsa. Mr Speaker, si i annan dimoun ki'n al Les Canelles. Mon pa anvi, al Les Canelles so, si mon kapab ganny lape pou mwan koze.

### **MR SPEAKER**

Wi mon sansib avek sa pwen. Onorab Larue mon tann ou tro bokou. Onorab Woodcock, mon tann ou tro bokou. Sa i de ki mon pe dir, silvouple annou ekoute. Ler i ariv zot ler pou koze, zot a ganny laparol. Onorab Pillay kontinyen.

### **HON SEBASTIEN PILLAY**

Mersi Mr Speaker. Akoz i enportan ki si nou le koz lo limite, nou bezwen aksepte listwar parey i ete. E listwar in prouve, poudir sa msye, ki ape

France Albert Rene, in akonplir en kantite keksoz pou sa pei.

Me zot, zot oule *remind* nou lo tou keksoz ki mal. E sa ki enteresan dan largiman, ki Minis avanse. Eski zot pou konsidere, ki en France Albert Rene, i ganny onore avek sa meday?

*(Off-Mic)*  
Non!

### **HON SEBASTIEN PILLAY**

Egzakteman, e sa lefe ki zot in dir non. Zot in dir non, in montre lentansyon atraver sa Prozedlwa devan Lasanble, ki zot le nou, nou siporte?

*(Interruption)*

### **HON SEBASTIEN PILLAY**

Be si pa ti koudeta Onorab Rosie, zanmen ou ti pou dan Lasanble ou, ou ti pou lo laferm pe travay pou en msye gran blan.

*(Interruption)*

### **HON SEBASTIEN PILLAY**

Be i realite, mon ti pou parey mwan osi! La mwan mon pa ti pou arrive dan Lasanble. I larealite.

*(Interruption)*

### **MR SPEAKER**

En moman. En moman silvouple. Mon pe dir, ankor bann Manm lo kote latab. Letan zot fer bann komanter, ki zot enteronp avek ki pe deba, zot pe provok, enteripsyon dan deba.

Mon'n dir Onorab Larue, mon'n dir Onorab Woodcock. La preznan mon tann Onorab Bistoquet. Mon a demann en pe respe silvouple. Onorab Pillay, mon pe demann ou kontinyen ou lentervansyon, e evite komanter lo lezot Manm.

Si ou - ou'n dir poudir ou pou koz lo referans avek sa *Bill*, mon vreman apresye sa. E mon ankouraz ou pou kontinyen, avek sa lapros. Mersi.

### **HON SEBASTIEN PILLAY**

Mersi Mr Speaker. Rezon akoz mon pe pran sa lapros. Se akoz koman en pei, nou bezwen regard sityasyon ki nou, nou ladan ozordi. E si ozordi par egzanp, mwan mon pe vvar mwan, Aannan en nesesite pou vin anmenn bann kestyon, ki pou *challenge* Gouvernman lo bann size.

Kan mon pe demann bann Manm, tou Manm Lasanble pou partisip dan met presyon lo Gouvernman, set akoz mon oule ki Lasanble, i ganny son valer vizavi L'Egzekitiv. E sa Lalwa ki devan nou ozordi, i

ankor enn fwa montre mwan e re-affirm sa konviksyon, ki mon annan.

Ki L'Egzekitiv i le anmenn en kontrol total, lo tou lenstitisyen Leta dan nou pei. E mon pou ilistre sa dan en fason senp. I annan en provizyon, dan sa Lalwa, ki dir - e sa se Seksyon 6, ki pou annan en dimoun ki pou en *Chancellor*. E sa *Chancellor* pou lekel? Sa *Chancellor* pou Prezidan Larepublik.

Be sa i enteresan, akoz dan en pei kot ou annan separasyon pouvwar, ou bezwen annan en konpozisyon, en komite ki pou annan en *conferment of en award* koumsa, ki enkorpor tou le trwa brans gouvernans pei.

Tou le trwa brans gouvernans pei. Akoz si mon swiv, bann afirmasyon, sa komite ki ti koz lo revizyon nou Konstitisyen. E ki dayer mon estim koleg Onorab Georges, ti enn bann *leaders* ki ti koze ladan.

Lentansyon, e lespri sa Komite sete pou anmenn en emansipasyon tou bann brans gouvernans dan nou pei. Ki L'Egzekitiv, ki Zidisyer e ki Lezislativ. Sa Prozedlwa, malgre i paret son lentansyon i bon. I en lapo bannann ki zot pe anvoy ek nou. Akoz zot krwar

poudir nou, nou pa pe swiv sa ki zot pe al met devan nou.

E Onorab Loze i annan rezonn dir, nou annan lezot size ki pli enportan pou nou diskite. Nou'n koz lo *reward* bann *teachers* ki pe travay, ki pe kontribye. Be ler mwan mon koz asire ki bann *teacher's* ki pe ariv 40an servis, i ganny sa pti logmantasyon, ki zot ti *deserve*, dan zot *long service allowance*, zot tou laba zot reste trankil.

Ler mwan mon koz lo donn sa bann *firemen* ki'n ariv 30an servis. Sa logmantasyon dan zot *long service allowance*, zot tou laba zot reste trankil.

Ler mwan mon koz, lo donn sa bann Polisye ki'n ariv 40an servis, sa pti logmantasyon ki zot pou gannyen. Zot reste trankil.

Prezan ou dir mwan donn zot en *award*, ki pou anmenn kot zot. Me ki Minis in fer kler, pou napa en konponan finansyel. Pou napa en lot konponan ki vin avek. Sa pou mwan i enteresan sa.

Eski alors, nou'n ariv sitan a en pwen *narcissist*, ki nou le met lo nou lekor ban tit. Zis akoz ozordi, ki nou'n ariv en nivo dan sosyete. Eski alors ozordi, nou'n blyie kwa ki fer nou reelman Seselwa? Lefe ki nou tou nou al dan menm laboutik. Mars lo menm semen,

e napa enn ki pli o ki lot. Akoz nou tou nou apel nou lekor Seselwa. Langleter, i diferan.

Langleter ou annan *Duke*, ou annan *Count*, ou annan *Sir*. Ou annan en klas sosyal. Lostrali i parey kot mon'n etidye. Ou annan en klas sosyal. Onorab William atraver ou Mr Speaker, ti *remind* nou en keksoz dan sizyem Lasanble, ler nou ti pe koz lo *rating*, e i ti dir nou si *rating*, nou met dan kastrol pou manze.

I ti byen sa pwen, mon ti a dakor ek ou sa pwen. Akoz pli kantmenm koz lo *rating*, si ou dimoun pa pe benefisyè avek sa *rating*, pa vo lapenn ou pe koz lo sa *rating*. E ozordi i parey, si nou pe koz lo lekonomi ki pe byen fer, nou pe koz lo tou sa bann keksoz, lo sa 4bilyon, ki eksetera.

Be si nou pa pe kapab, soutenir nou bann dimoun, nou annan en problem. Nou koz lo sa ki nou'n akonpli koman en Nasyon. E nou koz lo ki mannyer, sa Lalwa pou permet nou valoriz sa ki nou'n akonplir koman en Nasyon.

Be eski pou napa meyer keksoz ki pou valoriz sa ki nou'n akonplir, dan en koman en Nasyon, si nou dir ki nou annan en Lasanble Nasyonal vreman endepandan avek

lenterferans L'Egzekitiv. E pour mwan sa i kler, mon pa pe *impugned* lo Speaker. I pe fer son louvraz, mon bezwen respekte ki i pe fer son louvraz. E mon pou annan mon dezakor ek li, malgre li i pa kontan.

Me sa i normal, dan en demokrasi pou mwan annan dezakor ek li. Mon annan dezakor ek Minis. Me sa ki pa normal, e se ki ler regilasyon i ganny servi kot mwan, oubyen kont mon Manm, ki pe eksprim zot lekor. La pou mwan mon annan en konsern.

La pou mwan, mon santi poudir nou pe al dan en direksyon, kot nou pa pe al pli devan. Me nou pe plito regrese. Konnen ozordi apre midi si, nou ti'n pran plis letan bomaten, si nou ti pran plis letan bomaten pou eksplor sa bann kestyion ki ti'n vin devan Lasanble, vizavi travay, vizavi bann *issues* ki nou tou nou konnen travayer Seselwa pe rankontre dan zot landrwa travay, nou ti pou'n kapab akonplir bokou plis.

Mwan mon kontan ki mon'n kapab akonpli lefe ki mon pou fer Departman Lanplwa, al regard sa ki pe pase kot *IOT*. Mon pa *deserve* en *award* pou sa. Akoz mon ganny peye pou fer mon louvraz. Parey zot. Parey ou Onorab Larue, ki

reste trankil dan Lasanble, e zis gognarde.

### **MR SPEAKER**

Ahh Onorab Pillay. Ou kapab *get to the Bill*.

### **HON SEBASTIEN PILLAY**

Avan mon get to the *Bill* Mr Speaker. Parey nou fer avek Onorab Loze. Mwan mon'n asize, mon'n ekout tou Manm mwan.

### **MR SPEAKER**

Wi. Mon konpran wi.

### **HON SEBASTIEN PILLAY**

Trankil en.

### **MR SPEAKER**

*Get to the Bill please.*

### **HON SEBASTIEN PILLAY**

I annan Manm ki dan Lasanble, ki pas zot letan zis koz *off-mic*. Be pa kapab koz pou dimoun. E sa pour mwan i fer lapenn dan en Lasanble. E ler Mr Speaker, ler nou vvar dan Lalwa, e sa i enportan akoz lentansyon en Lalwa ki ganny ekrir i toulstan i donn ou serten keksoz.

E mon vvar ki Onorab *Chairman Bills Committee*. I paret mwan i paret mwan in *pickup* lo la li. Kot mon krwar i pe sanz sa zafer, *there shall be*

*paid to members such allowances.* E i pe dir *there shall be 'may'* mon krwar, ou pe met en lamannman ladan. Si mon pa tronpe.

Eski Prezidan Larepublik, ki *Chancellor* sa Komite pou ganny *paid allowance?* Non. Wi be Onorab Henrie, ou bezwen *get the letter of the law*. Sa ki ganny ekrir dan Lalwa i bezwen kler. E i pa kapab annan anbigite dan en Lalwa. Akoz en Lalwa pa ganny enplimante zis pou en serten group dimoun. I ganny enplimante pou nou tou.

### **MR SPEAKER**

Onorab pa adres Manm lot kote silvouple. *Speak to the Bill.*

### **HON SEBASTIEN PILLAY**

Mr Speaker atraver ou. En keksoz ki enteresan ozordi, ler ou get sa Prozedlwa. Plizyer problem dimoun pe pas ladan. E nou, nou vvar nou lo sa kote latab, ki an minorite pe keksoz lo la. Malgre nou ganny atake, nou ganny virifye, nou ganny peze.

Nou *almost* pe kapab ganny, pe ganny trangle, par en L'Egzekitiv ki pa oule nou fer nanryen. Ki le kontrol tou keksoz, e zot a dir ek mwan, onor sa L'Egzekitiv. Si Prezidan, i al lo piblik tanto e i dir poudir Kontra *Travizory* pou ganny

donnen ek Lasanble Nasyonal. Parey Lasanble, in pas en Mosyon.

La mon ava dir i Lasanble pe komans al lo sa letap. Me si menm en kontra ki en Lasanble Nasyonal i demande, nou pa ankor kapab gannyen, sa i koz volim lo karakter en dimoun. E se pour sa rezon, ki mwan mon pe demann ek zot, avan ki nou tou nou vot *blindly*, lo en Lalwa. Annou regard sityasyon ki nou ladan. E konsider bann eleman fondamantal, pou permet nou travay pou dimoun ozordi. E nou pa zis, vin *pay lip service* par lefe ki mon siport sa enn parti, oubyen mon siport en lot.

Mwan mon bezwen admet mwan, si pa ti desizyon Lepep Seselwa, le 20 Oktob mon pa ti pou la dan sa sez mwan. E mon remersi zot pou donn mwan sa loportinite, dan sa sez. E mon promet zot. E mon promet zot ki ler mwan mon dan sa sez, mon pou onor sa fonksyon ki mwan mon annan la anndan. Me eski ozordi ler nou pe koz, lo onor dimoun atraver Prozedlwa, lo son merit, tou dimoun la anndan i kapab dir i pe fer parey.

Se ou Lepep Seselwa, ki pe ekout mwan la deor, ki pou deside. Si ou bann reprezantan pe onor ou reprezantasyon parey zot devret pe fer.

Konnen Minis si sa Lalwa ti'n vin a okenn moman ki la ozordi, probableman ou ti ava kapab ganny en diferan largiman.

Si ler bann Manm ti'n komans koze, nou pa ti pe tann koz lo Manifesto, ou ti a kapab ganny bann lezot pwen. E ler lentansyon, i ganny *conveyed* ki sa i en keksoz politik, en zouti politik, politik, Mr Speaker, nou koman en kote dan Lasanble, nou bezwen poudir tyonbo en kou, sa i pa merit sa Lalwa, me nou pe fer en largiman politik, pou nou avans en azanda politik, pou enn oubyen de endividé.

E mwan mon pa an faver sa bann kalite keksoz. Tou Manm in aksepte poudir dan son *wording*, dan son *letter of the law*, napa personn ki kont ki en dimoun, i ganny onore, i ganny rekonpanse, pou en aksyon ki'n pran.

Napa person ki kont sa konsep. Be nou bezwen admet ki lemonn, i annan en tandans. E mwan mon, mon pa krwar dan sa konsep. Lemonn i annan en tandans, wi donn ou en bout papye i dir ou be, mon *confér* lo ou tel tit. 2an pli tar ou ganny en aksidan, ou dan en *wheelchair*, en *carer* ou pa kapab gannyen.

Ozordi mwan mon annan en *former nurse*, ki mwan mon konn li byen ki'n travay tou son lavi. Ki'n ganny difikilte pou ganny en *carer la, la, la - en nurse*. E i annan ki konn li la anndan. I pou annan menm nou la anndan ki pou sorti koman *former MNA, former Ministers*. Wi nou a, si nou ganny *conferred en award*. Nou ganny *conferred en award*.

Me lavi pou tret nou tou parey, maladi pou tret nou tou parey san, irespektiv nou tit. Se pour sa rezon ki si nou pe koz lo *reward, they are either here and now*, nou bezwen fer sa ki nou kapab fer pou dimoun. E mwan mon pa pou repet okenn fot lepase, ki'n ganny fer par okenn dimoun ki'n ganny vin avan mwan.

Sa ki mwan mon konnen se ki mwan, mon konviksyon i fermeman, nou fer sir ki lavi dimoun i amelyore. E sa lamannman pa pou amelyor lavi dimoun ozordi. I pe kree en distraksyon, eskiz mwan Minis, pou servi sa term, mon pa servi li dan en fason, pou denigre. Me i pe kree en distraksyon *from keksoz ki relman e vreman enportan pou nou*. E sa se kou lavi, ki pe kontinyelman ogmante.

Nou'n konnen ozordi nou'n fek tande poudir petrol in

monte lo laponp. E si mon retour, mon retour la ozordi Lasanble Nasyonal, Lasanble Nasyonal, lenstans enn bann lenstans gouvernans pli o dan nou pei.

Pri bennzin arriv, la e nou pe diskit ki mannyer nou pou donn tit en dimoun, a sa moman. Si zot dir mwan, mon nenport dimoun ki dir mwan sa i son largiman, e i krwar poudir i byen ki nou pe fer, napa problemm. Sa i pou son largiman. Sa mon largiman.

Mon pa *believe* dan denigre dimoun, mon *believe* dan fer mon largiman. E an konklizyon, Mr Speaker, in kler e mon'n tande poudir, ler nou nou, koz lo France Albert Rene, ki mon konnen Minis in konn li tre byen.

Mon koz lo sa ki byen, ki sa msye akonplir pou pei, mon koz lo travay ki'n fer pou nou pei. Lot kote klerman sa ki mon'n gannyen se ki, zot napa okenn lentansyon, pou montre kontribisyon ki sa msye in fer. Sa i zot prerogativ. Me zot pa pou efase listwar.

E sa ki enteresan, Mr Speaker taler mon pou ganny plizyer, plizyer lektir lo listwar. Mon pou ganny plizyer lektir lo listwar.

E mon pran sa bann lektir, mon pou pran sa bann

latak, mon pou pran tou mon pou al avek. Napa problem mwan. Sa ki fondamantal dan tousala, e sa ki mon pe dir la, mon adres pou ou ki pe akout mwan apre midi.

Si ou, ki pe ekout mwan apre midi, dan ou salon Cascade, dan ou salon Au Cap, dan ou salon Mont Fleuri, dan ou salon Les Mamelles, dan ou salon Anse Royale, dan ou salon lo tou distrik kot nou ete ozordi ki pe ekout nou lo en ban, dan ou loto, kot *Taxi Stand*, si ou santi poudir ou bann reprezantan ki ou'n met la. Pe travay e pe fer loner, sa konfyans ki ou'n met dan li. *Then kontinyen krwar ladan.*

Be si ou santi poudir, i pa pe fer loner, i pa pe montre ou ki i pe realiz bann ve, bann laspirasyon ki ou annan.

Letan arive pou ou debout e dir ek zot mate, e komans travay pou ou. Mersi Mr Speaker.

### **MR SPEAKER**

Mersi Onorab, nou a pran en poz la. Nou a repran travay 4er 40.

**(BREAK)**

### **MR SPEAKER**

Bon, nou a re kontinyen avek deba. Mon apel Onorab Wavel Woodcock.

### **HON WAVEL WOODCOCK**

Mersi Mr Speaker. Mr Speaker yer - yer swar ler mon ti pe get Nouvel, annefe mon ti pe asize avek mon bann zanfan, avek mon madanm, ti annan en programm lo *SBC*.

E sa programm ti tous mon fanmir antye e ti enspir mwan en kantite. Ti baze lo en zenn garson ki ti pe lite kont kanser, i ti'n ganny kanser dan son zenou.

E i ti akonte kot en zour i ti Lopital e i ti zwenn en lot dimoun, en lot pasyan ki mon krwar sa garson ti annan en msye 55an ki ti anvi, akoz in ganny sa maladi - i ti pe mazin pran son lavi. Sa zenn garson ti koz avek li, i ti ankouraz sa msye, sa msye pa ti pran son lavi.

E ler mon'n ekout sa garson Mr Speaker, in enspir mwan bokou. E dan Sesel ozordi Mr Speaker, nou bezwen sa bann kalite lenspirasyon. Eski en zenn, en garson, en dimoun ki fer bann tel aksyon koumsa, ki enspir en lot, ki ankouraz en lot, pou pa pran son lavi ouswa pou pran en diferan lepa, eski nou pa merit rekonnet bann zenn, bann

dimoun dan nou sosyete ki fer bann keksoz ki byen, bann keksoz ki pou enspir lezot dimoun dan nou sosyete?

E la pli enportan dan sa syek ki nou pe viv ladan, kot lemonn antye pe fer fas parey mon dir ek en kriz ekonomik. Bokou pei pe ganny tape, i annan ki dan bann kondisyon pli kritik ki nou.

*Sri Lanka, Maurice e bann pei menm les, e bann pei lwen parey Ukraine nou pe war lager, eski sa i pa bann letan ozordi pou nou anmenn keksoz ki pou met, donn lespwar nou pep, enspir nou pep e ankouraz nou pep?*

Mr Speaker sa *Bill* ki devan nou ozordi pou etablir en *national award*, dan mon lopinyon Mr Speaker i enn ki bon.

E mon konnen ki nou, Lepep Seselwa pou *welcome* sa. I annan en kantite dimoun dan nou pei ki'n fer bann *act of bravery*, ki'n donn bann servis *meritorious*, ki'n fer bann keksoz, Mr Speaker, ki'n anmenn loner pou nou pei.

*Bill* i vin devan Lasanble, plizyer Manm lo nou kote latab in war lenportans pou anmenn serten lamannman lo sa *Bill*.

Onorab Gervais Henrie in anmenn en lamannman. *LGB* in anmenn en lamannman.

Me sa ki sagrinan Mr Speaker, se sak fwa en *Bill* i vin devan sa Lasanble Nasyonal, lot kote latab zot zis kritike, kraz tou keksoz.

Me selman zanmen zot pou anmenn okenn propozisyon ouswa okenn lamannman. Zis zot bawawa tou lazournen Mr Speaker.

Mr Speaker, i annan en *statement* ki *Leader Lopozisyon* in fer, ki mwan mon 100 poursan dakor avek li. In koz bokou lo Albert Rene, e i ti dir ki si pa ti Albert Rene nou pa ti pou la ozordi. E Mr Speaker, in byen dir. Akoz si Albert Rene ti la, nou tou lo sa kote latab nou ti pou'n fini disparet ozordi !

(laughter)

## **HON WAVEL WOODCOCK**

Mr Speaker i enportan pou Onorab Pillay lir son *Bill*. Be si, Prezidan i pa pou zis vini, pran desizyon lo li menm pou li donn en *award* okenn dimoun.

Pa mars koumsa sa Mr Speaker. I annan en *National Award* Komite ki pou ganny etabli anba sa *Bill*.

E Prezidan li, e sa *National Award Committee* ki pou fer rekomandasyon avek Prezidan pou *award* en dimoun ki'n fer parey mon'n dir en *act of valor*, ki'n donn bann servis ekselan

nou pei, ki nou bezwen rekonnet; en dimoun ki'n fer bann servis - ki'n donn en servis ekstra ordiner, ouswa en *act of bravery*, Prezidan i swiv rekomandasyon ki sa komite pou fer avek li.

I pa mars parey dan lepase. Ou konnen dan lepase i annan zis en landrwa, ler mon'n fer mon resers, mon'n war en landrwa kot dimoun ti ganny *awarded* dan lepase *for meritorious service* ouswa *for distinguished service*, ouswa *for, signal honor, meritorious services*, ouswa *distinguished service*, e sa ti anba Lartik 5(1), *Citizenship Act*. Ti annan en *award* ki ti ganny donnen par bann Prezidan avan Mr Speaker. Mon ava lir Lartik 5(1) ki dir.

*"Where the President is of the opinion that a person has done signal honor or rendered distinguished service to Seychelles, or a person is otherwise meritorious, the President may, notwithstanding anything in section 9A with the consent of that person cause the person to be registered as a citizen."*

Anba Lartik 5(1), Prezidan san rekomandasyon okenn komite, ti pran desizyon lo li menm pou li donn dimoun sitwayennte.

Sa ti pou bann dimoun ki'n *render signal honor, distinguished services, meritorious services*. Me ki nou'n war dan lepase?

Mwan mon dir, kontrer i bon ozordi lo sa *award*, ki ozordi nou kapab - bann dimoun ki nou rekonnet pou bann servis ki bon, ki anmenn loner nou pei, i annan en lankadreman pou zot.

Pa en kalite ankadreman ki nou ti war dan lepase, annan anba Lartik 5(1) kot Prezidan ki ti determinen kot nou ti war ti annan en kantite labi dan lepase. Ok Mr Speaker?

E nou, nou konn tre byen ki ti arive dan lepase, kot ti annan bann dimoun Mr Speaker, ki ti lo *Interpol Red Alert*, i ti'n ganny *charged for murder* Mr Speaker, zot ti ganny nasyonalite Seselwa - *citizenship* Seselwa anba akoz *for signal honor, distinguished services, meritorious*.

Sanmenm sa ki zot parti lontan ti rekonnet *distinguished services, meritorious, signal honor*, bann dimoun ki'n ganny akize pou bann krim ki *Interpol* partou lorganizasyon internasyonal pe rode pou bann krim ki zot in fer?

Apre ler zafer ti sal ki zot ti fer Mr Speaker, zot ti met sa boug dan en goni lafisel, met li

dan en kartron, met li lo en avyon pou deport li. *Meritorious service* sa Mr Speaker.

Mon pa pou mansyonn non, i annan en lot msye ankor, li i ti *wanted* par Lotorite Czech Republic for alleged criminal business dealing.

E li osi Mr Speaker, i ti ganny son - pa ti en meday sa bann letan, ti pas for sitwayennte nou pei for *meritorious, signal honor, distinguished services* Mr Speaker.

Sanmenm sa fason ki zot ti rezonnen dan lepase zot. *Ok?* Nou ozordi, nou Gouvernman in anmenn en *Bill*, byen kler, byen detaye, pou nou rekonné bann dimoun ki'n fer bann *act of bravery, act of valor*.

Bann dimoun, ou konnen Mr Speaker, ozordi i enportan plis ki zanmen pou nou pei rekonné bann dimoun kin fer byen dan nou pei.

Zis *on top of my head* la, mon mazin sa zenn garson *Malian* an *France*, pa bokou letan pase.

Mon krwar 2018, ki ti ganny, ou konnen, *La France* i annan, parey nou pe sey etabli ozordi, *La France* i annan *Légion d'honneur*.

E en garson *Malian* ki napa sitwayennte *La France*, ti *climb*, ti grenp en *building* ziska

4enm letaz pou sov lavi en pti garson.

E akoz sa *act of bravery*, sa garson ti ganny *Médaille d'honneur pour actes de courage et dévouement*, par Prezidan Macron.

E an plis ki sa, i ti ganny sitwayennte *for an act of valor. For an act of bravery*.

Mr Speaker ozordi ler mon pe mazin *on top of my head*, mon mazin en kantite dimoun Sesel ki'n fer sitan bokou. Pandan sa letan pandemik COVID-19, i annan en non ki rezonnen dan latet tou Seselwa Sesel. E sa se Dr Gedeon.

E rekomandasyon i kapab ganny fer par nenport e ki. Si en dimoun li i santi poudir Dr Gedeon i merit ganny en *award*, en meday, i fer son propozisyon avek sa komite pou sa bon travay ekselan ki in fer.

E zot si zot santi poudir Albert René in fer en travay *meritorious* menm si in fer dimoun disparet, *distinguished services*, menm si in fer fors dimoun an legzil, ouswa ki'n donn *signal honor* nou pei, menm si en kantite nou bann frer in disparet, ouswa in ganny touye, fer propozisyon lot kote latab. I pa anpes zot li. Rekomandasyon se sa komite ki fer.

Me selman mon konnen poudir ler bannla pou get, zis zot pou get *Truth and Reconciliation* sa ta case ki'n ganny anmennen dan *Truth and Reconciliation*, mon krwar pa si sa komite pou anvi donn en *award* Prezidan France Albert Rene.

Mon bann frer ek ser, sa *Bill* i devan nou, ou konnen, Lopozisyon i annan zis en - zot pe zwe en sitar avek zis en lakord zot.

Sak fwa zot koze, zot koz lo, zot fer krwar zot pe koz lo vant Seselwa. Me dan lepase zanmen zot in enterese avek vant Seselwa zot. Ler zot ti dir Prezidan Michel sa letan ti dir nou pe solider avek Lepep Seselwa, nou pa pou pran nou larzan gratwite, ki zot ti fer?

Pa i annan en bann ki ti pas par laport deryer, enkli en Manm dan sa Lasanble ki ti Minis sa letan, i ti pran son R1 milyon Mr Speaker?

I ti pe solider avek Lepep Seselwa sa letan. Mr Speaker *put your money*, mannyer i dir sa, *put your money where your mouth is non?*

*Ok, sa ...*

**HON WALLACE COSGROW**  
*(Off-Mic)*

**HON WAVEL WOODCOCK**

... ale mersi bokou pou koriz mwan Onorab Cosgrow, wi. *Put your money where your mouth is, ok, mersi bokou Onorab Cosgrow pou koriz mwan.*

Mr Speaker, ozordi dan nou pei, wi nou pe fer fas avek plizyer bann sityasyon, me selman nou Gouvernman pe *manage* nou pei byen.

Ki menm *IMF* ozordi in *praise* nou pei pou sa bann *achievement*, pou la fason ki nou'n zer nou lekonomi pou refer nou lekonomi, ki ozordi *arrival touris Sesel in kas rikord 2019 for first quarter*. Ler zot ti dir pa ouver nou pei, nou'n ouver.

En kantite keksoz ozordi ki nou pe benefisyé, ki nou pa bezwen pey en sou, akoz bon travay ki sa Minis ki pe asize la devan, in fer ansanm avek Prezidan Larepublik, pou met nou pei lo bon semen ozordi.

***(APPLAUSE)***

**HON WAVEL WOODCOCK**

Zot merit donn li en lanmen, pa dir sepa i ti dan zot Gouvernman avan koman Anbasader.

Be Waven William, Onorab William pa ti dan zot Gouvernman avan? I pa ti lo lot

kote latab avek zot, ki zot ti oule fer li pas par lafnet Mr Speaker?

E mannyer mon konpran, i annan ankor enn de menm ki zot oule fer pas par lafnet.

E Mr Speaker mwan si i annan en *award* pou donne, pou konklir Mr Speaker, si i annan en *award* pou donne, mwan mon en dimoun konmsi ki mon rekomande nou merit donn li en *award*, se Mrs Ivy Edmond.

Akoz si pa Mrs Ivy Edmond Mr Speaker, Onorab Cosgrow pa ti pou dan sa Lasanble ozordi, e i ti pou napa en brans pou li apoz lo la.

**(APPLAUSE)**

### **HON WAVEL WOODCOCK**

Al donn li en meday Mr Speaker.

*(laughter)*

### **MR SPEAKER**

Onorab ankor enn fwa, evite servi lezot Manm isi koman legzanp.

### **HON WAVEL WOODCOCK**

Mr Speaker parey mon'n dir, i annan plizyer dimoun ki *on top of my head* mon mazinen ki nou kapab rekonnet pou bann *act of bravery* ki zot in fer.

Mon mazin enn mon fanmir, ok, kantmenm i fanmir, selman Seselwa antye in konnen ki sa msye in fer. Mon mazin Tony Grandcourt ki ti sov tou sa bann dimoun, ki ti sov lavi tou dimoun ler Ero ti koule.

Eski nou pou arete rekonnet sa bann dimoun pou zot bann *act* ki zot in fer? Ozordi i en letan pou nou enspir nou pep, pou nou ankouraz nou pep.

Zot pe koz, *arh* nou pa enterese ek lapovrete, nou pa enterese avek soufrans nou pep. Be Mr Speaker, be *Order Paper* i la devan nou.

*Order Paper* pa la devan nou la. Ler mon get *Order Paper*, bomaten kestyon ki'n anmennen, annou get kestyon ki Onorab Gervais Henrie in anmennen.

La sa kestyon, pou demann Minis pou Zafer Sosyal, si pou fer rediksyon, lapovrete e en size priyoriter son Departman avan 2023.

Onorab Francois Adelaide in koz lo Pansyon, pou bann dimoun ki'n pran retret ki al deor, ki zot pansyon ti pe ganny koupe. Onorab William in koz lo *welfare*.

Eskiz ot pou kontinyen evalye bann, ka ki tonm dan ran vilnerab? Eski nou bann Manm pa pe koz lo lapovrete?

Minis Francourt in vini, i dir sak fwa *Cabinet* i zwenn, zot koz lo ki fason nou kapab ede fer desann kou lavi. Zot war plizyer bann mezir pou ed nou frer la deor.

Mr Speaker lot kote latab, zot napa okenn nanryen pozitiv pou zot anmennen. *The only thing* ki zot anvi fer, zis bann politik bon marse! Bann politik bat latet!

Akoz zot *sharp* lo la, zot *master* lo la. Me selman, zot in blyie poudir depi lontan Seselwa i war kler, depi lontan Seselwa in war zot.

E sanmenm sa rezon ki le 24 Oktob an 2020, Seselwa ti sanz Gouvernman e met nou Gouvernman, en Gouvernman *LDS* o pouvwar.

Akoz zot konnen poudir ozordi bann desizyon ki nou pe pran, nou vizyon pou sa pep i en vizyon ki bon, en vizyon pou anmenn sa pep pli devan.

Sa i lobzektif nou Gouvernan, mon Gouvernman e osi nou Manm Lasanble Nasyonal, akoz nou anvi sa ki bon pou nou pei.

Nou anvi enspir nou pep, nou anvi enspir nou zenn. Nou anvi enspir nou bann vyeyar. Nou anvi ed nou Nasyon progrese. Sa i nou lentansyon, e sa mon krwar i lentansyon sa *Bill* ki devan nou ozordi. E se

pou sa rezon Mr Speaker, ki mon ozordi mon pou siport e vot pou sa Mosyon. Avek sa 2 mo, mon dir ou mersi Mr Speaker.

### **MR SPEAKER**

Mersi. Mon ava apel Onorab William.

### **HON WAVEN WILLIAM**

Mersi Mr Speaker. Bonn apre midi Minis avek ou lekip. Mr Speaker, i en loner pou mwan koz lo sa Prozedlwa. E an menm tan asir Minis ki mon pou donn mon sipor.

Mr Speaker, me solman avan ki mon koz lo sa *Bill*, par lefe ki mon non in ganny mansyonnen, me letan mon'n ekout Minis pe prezant sa *Bill*, in prezant li kler dan son senplisite.

Ti napa zafer Waven William *rating* dan kastrol letan Minis ti pe prezant sa *Bill*. E Mr Speaker mon anvi fer konnen atraver ou *Leader Lopozisyon*, ki i domaz ki letan mon ti pe pran sa bann kalite pozisyon, menm si i dir poudir i ti siport mwan, me malerezman i pa'n donn mon sipor.

### **(APPLAUSE)**

### **HON WAVEN WILLIAM**

Me sa se enn rezon akoz ki ozordi mon dan sa kote. Mr

Speaker mon a kontinyen avek *Bill* prezan.

Mr Speaker lot pwen ki i bon nou ekliersi avek pep Seselwa, se ki letan ti annan sanzman Gouvernman dan sa pei, parey in ganny dir, kof ti vid.

E novo Gouvernman ti annan en *challenge* devan li. Sa se redres lekonomi e i annan plizyer bann mezir ki'n ganny pran.

Bann mezir ki ti en popiler, me zot in bezwen fer li. Pa akoz zot ti anvi fer malis pep Seselwa, me akoz i bann mezir ki pei ti bezwen pran.

Par egzanp, letan ti pe fer bann kanpanny agresiv pou donn vaksinasyon, pep Seselwa i ankor rapel ki pozisyon Lopozisyon ti pran. Pep Seselwa i ankor rapel ki pozisyon Lopozisyon ti pran letan i ti ouver pei an Mars.

Mr Speaker ozordi nou pe vwar direksyon, atraver sa bann mezir ki bor i pe anmenn nou.

Mr Speaker, bomaten parey Onorab Wavel Woodcock in dir, deba ti lo bann zafer *welfare, GOP* e redwi kou lavi.

Mr Speaker, si mon regard an Avril, le 13 Avril 2022, rezimen rankont Konsey Minis ki ti annan pou fer avek pran bann mezir pou ede redwir

kou lavi pou sitwayen, in pran apepre en 8 mezir Mr Speaker.

Mr Speaker be sa bann mezir, pa koman ou dir ozordi la, demen bomaten i arive. Ouswa konmsi ki ou annan en baton mazik dan pou lanmen, koman ou dir, tou keksoz i aparet.

Me sa ki donn lespwar, sa ki donn konfor, se ki Gouvernman i fer en komitman piblik.

Ki demen bomaten Lasanble i kapab *take Government to account* lo sa bann mezir, lo sa bann deklarasyon.

E sirman atraver COGA e atraver FPAC, i annan bann diferan keksoz, lapros ki sa Lasanble i kapab pran.

Mr Speaker i bon note osi ki plizyer fwa, letan bann *Bill* ouswa bann Mosyon i vin devan sa Lasanble, ki nou vwar se ki Lopozisyon, si vreman zot enterese Mr Speaker parey zot dir zot anvi travay avek nou Mr Speaker, zot annan sa liberte pou anmenn bann lamannman, pou montre pep Seselwa ki vre mon'n anmenn amannman, mon'n demande mon pa'n gannyen. Me Mr Speaker zero!

Mr Speaker menm si nou dan bann moman difisil, pep Seselwa avek lavans dan teknolozi lenformasyon, Mr

Speaker pep Seselwa i konnekte avek larestan lemonn.

I konnekte pou vwar ki pe pase dan bann moman ki pandemik *COVID* in tap lemonn. E osi la lager ant *La Russie* avek *Ukraine*.

Mr Speaker mwan mon kapab dir ou akoz mon ganny sans pou vwayaze detanzaot, mon fyer, mon fyer ki pti Sesel ki Gouvernman pe fer pou soulaz lavi sa pep.

**(APPLAUSE)**

**HON WAVEN WILLIAM**

Mr Speaker nou annan bann legzanp devan nou la, nou get *Sri Lanka*, nou get *Maurice*, e mon demann mon lekor ki pe arive an Haiti, mon'n deza al laba, mon konnen ki pe pase laba.

Mr Speaker se s a bann refleksyon ki nou bezwen fer an menm tan apresye sa ki nou kapab fer.

Mr Speaker si ti annan larzan pou donn dwat, gos, *left and center* Mr Speaker, mon pa krwar poudir Gouvernman si ti annan sa kapasite pou fer li, i ti pou refize e pini sa pep.

Mr Speaker lo sa *Bill*, Minis in fer son prezantasyon parey mon'n dir, mon napa

lentansyon al redir sa ki in dir, akoz in fer li kler.

E sa *Bill* i senp, e definitivman louvertir ki donnen, se ki tou Seselwa i annan drwa partisipe. E sa komite i pa ankor definir lekel pou vin lo la, me i pou annan en komite.

Definitivman i bezwen annan en dimoun ki pou *award* sa bann meday. Mr Speaker be sa i pa difisil pou konpran sa.

E nou pe koz transformasyon, e nou pe vwar, konpare avek sa 43an, ki direksyon, ki transformasyon e ki sanzman dan fason fer nouvo Gouvernman pe avans devan.

Mr Speaker anba lesyel nou kapab fer tou keksoz, tou keksoz i posib. Me kestyon ki i reste, eski tou i benefisyab? Eski tou i konstriktiv?

Mr Speaker, be mwan mon'n tann plizyer monn bann frer e ser Seselwa, pe koze, pe dir, be pa bezwen ou donn mon larzan, valoriz mon kontribusyon, valoriz mon travay.

E Mr Speaker, be atraver sa *Bill*, nou ava pe rekonnet sa travayer, sa Seselwa. Nou ava pe valoriz kontribusyon sa Seselwa.

Nou ava pe lev son moral Mr Speaker. E an menm tan nou ava pe motiv Seselwa pou li

kapab donn an plis ki i pe donne.

Mr Speaker, me a lafen dizour - a lafen dizour e dan linite ki nou bezwen fer li, e dan linite ki nou tou nou pou benefisyé.

Mr Speaker parey mon'n dir, mon pa trouv okenn problemm avek sa *Bill*, me i malere, i malere ki lot kote latab zot pe fer ban politik bon marse, zot pe fer distorsyon lo sa *Bill*. Me malerezman pep Seselwa, 2020, in donn nou sa mazorite pou kapab fer keksoz bouze.

E avek sa mazorite Mr Speaker, nou pou vot an faver sa *Bill*, pou kapab permet bann Seselwa ki merite zot ganny rekonesans dan sa pei. Mersi.

### **MR SPEAKER**

Mersi Onorab. Mon aprezan apel Onorab Sandy Arissol.

### **HON SANDY ARISSOL**

Mersi Mr Speaker. Bonn apre midi Minis. Bonn apre midi tou bann Manm Onorab, bonn apre midi tou bann dimoun ki pe ekout nou la apre midi.

Mr Speaker ou konnen i, fodre pa ki toultan nou vin negativ lo tou keksoz ki ganny propoze par Gouvernman. Akoz senpleman zot, zot vwar zot dan Lopozisyon.

I annan en keksoz ki Lopozisyon pa ankor rekonnet e aksepte, se sa sanzman Gouvernman ki'n arive. Ozordi zot vwar zot dan Lopozisyon, e nou, nou dan Gouvernman.

Prezan zot pas letan Mr Speaker, donn lenpresyon bann dimoun ki pe ekoute deor, poudir zis zot ki demann kestyon. Zis zot ki rod klarifikasyon. Zis zot ki annan leker Seselwa a ker laba deor. E zis zot ki pe travay.

E Seselwa ozordi, sa grander lespri ki i annan, zot konnen poudir zot pe ganny anbete par sa pti group dimoun ki asiz lo lot kote latab.

Letan zot vini zot dir ek nou, nou pa demann kestyon, nou zis asize. Be kestyon ki mon demann mon lekor Mr Speaker, se letan bann Manm lo nou kote latab nou anmenn bann Mosyon, nou demann kestyon, nou anmenn lamannman lo *Bill* propoze par nou Gouvernman, eski sa i vedir ki nou aksepte tou sa ki nou Gouvernman i dir? Non ! Nou rekonnet poudir zot, zot Egzekitiv, nou, nou Lezislatif, alor nou, nou fer nou travay.

Letan zot koz lo kestyon Mr Speaker, i enportan pou bann dimoun deor rekonnet poudir nou, nou dan Gouvernman.

Ozordi zot dan Lopozisyon, zot vwar zot pe anmenn kestyon. Konnen akoz zot pe anmenn kestyon Mr Speaker, parske ler nou, nou ti dan Lopozisyon, nou ki ti anmenn kestyon.

Ozordi pli fasil pou nou dan Gouvernman, tap laport nou Minis, anvoy li en pti *mail*, lev nou telefonn komunik avek li, pou ki sa dimoun dan nou distrik i ganny son problem *deal* avek.

Zot ozordi zot in met zot lo en oter poudir zot refize al lo *Platinum*. Zot refiz Lopital ki nou'n gannyen La Digue pou nanryen, zot refize, zot boykot.

Zot refize aksepte poudir nou'n ganny en Lopital latant lot kote environ 60 lili, 2 aepre 100 lili, zot refize aksepte, menm nou'n ganny li pou *nanryen* Mr Speaker!

Zot refize aksepte vaksen, ki nou'n ganny ankor pou *nanryen* ankor nou'n gannyen. Zot vini zot dir ek nou pa lo standar, *WHO* pa'n sinyen, alor zot pou refize pran, zot pe dekouraz dimoun, ou konnen pa tro soz, pa tro sa, apre nou aprann zot tou zot in vaksinen, menm zot in pran zot *booster*.

Alor nou felisit zot pou zot rekonesan travay ki nou Gouvernman in fer. Atraver sa transformasyon ki nou

Prezidan i koz lo la, e atraver sa sanzman Mr Speaker.

Mon kontan letan non Mr René in ganny mansyonnen pou bann keksoz ki'n fer byen, mon *happy*. Be i annan en rapor *Truth* pe sorti la, oubyen in fini sorti la.

Zisteman pe koz en pe lo bann keksoz byen ki Mr Rene in fer letan i ti o pouvwar. Prezan ou konnen kwa ki vin avek Mr Speaker, sa enn pou ganny 15 milyon, li i demann 20 milyon.

Sa lot i anvi 15 milyon, sa enn i anvi ganny 30 milyon. Li i pou ganny 1 milyon tou le mwan.

Prezan kestyon ki nou, nou demann nou lekor koman bann Seselwa, lekel ki pou peye sa bann milyon, atraver tou sa bann keksoz byen ki Mr Rene, apre ki zot in tir son plak, e zot pa pe aksepte li koman en propozisyon lo sa ki nou pe pase ozordi. Lekel ki pou peye sa? Sa ki ava en refleksyon ki zot devret pe dir ek dimoun deor, ki zot dir ekout zis zot. Lekel ki pou peye sa?

Prezan Mr Speaker sa menm group dimoun i vini i dir ek nou, nou anmenn bann *Bill* ki napa nanryen pou fer ek pos Seselwa. Nou anmenn *Bill* ki napa nanryen pou fer ek logmantasyon saler.

Nou anmenn *Bill* ki napa nanryen pou fer avek manze, bann zanfan 3 zour pa manze, selman zot blyie zot ti promet goute, zot in donn zi lanmwatye, zot pa ankor fini donne, akoz zot ti napa transpor.

Selman sa menm group dimoun i annan transpor pou zot anmenn zot kanmarad lo laplenn Grand Anse, pou al dans sanson zannimo.

En bann abiye koman bef, en bann konman kabri, en bann konman ziraf. Sa zot ti annan transpor pou anmenn dimoun Grand Anse.

Selman pou zot anmenn goute pou manrmay lekol, zot vire zot dir ek nou, napa transpor. Apre zot konsider zot lekor, koman bann dimoun serye.

‘Pe koz pou sa Seselwa laba deor! Nou lo sa kote nou pa pe koze !’

Nou reste trankil. Alor premye meday i devret pou zot, premye meday pou zot. Parske zot ki koz plis dan sa Lasamble.

Apre nou a donn en dezyenm meday pou bann ki sorti plis dan sa Lasamble, ganny pouse, *ok?* Sa i travay ki zot, zot pe fer koman Lopozisyon.

Mr Speaker, ou konnen, si sa ki nou pe fer ozordi atraver

Minis Radegonde ti deza la dan en Lalwa atraver en lord, ti pou napa problem.

Mr Mancham koman premye Prezidan ti ganny rekonnet atraver *L'Angleterre*, atraver Larenn e i ti ganny apele ‘Sir James Mancham.’

Ler zot, zot vini koman bann *SPPF*, Parti Lepep, *US*, ou konnen, ki zot fer, zot kas sa zot. Zot pa kontinyen sa tradisyon zot, sa lord atraver en Lalwa, zot, zot vin avek en Zom Lib, avek en gran lasenn dan son likou, ki tonm ziska apepre kot son zenou. E tou le 5 Zen zot fer sa koman en tradisyon, get zot ek zot gro kouronn fler pe fer *La Sainte Enfance*, Sir Mr Zom lib! Pou zot sa i *ok* sa Onorab Wallace, sa i *ok* sa Mr Speaker, atraver ou. Get li ek son gro bouke fler. *Ok.*

*(laughter)*

### **MR SPEAKER**

Onorab.

### **HON SANDY ARISSOL**

La ozordi i vini, i dir ek nou, *arh-*

### **MR SPEAKER**

Onorab, Onorab,

*(Interruption)*

**MR SPEAKER**

... mon a ...

(*Interruption*)

**MR SPEAKER**

... no Onorab, mon a remersye ou, adres Speaker, evit komanter lo bann ...

**HON SANDY ARISSOL**

Atraver ou Mr Speaker, Onorab Wallace ki ti dan Gouvernman sa letan, ti al kot Zonm Lib ek son bouke fler pou li al donn Zonm Lib son bouke fler.

(*laughter*)

**HON SANDY ARISSOL**

Parske sa, sa ti en tradisyon ki ti ganny kree par Gouvernman *SPPF* ki Onorab Wallace ti ladan.

Prezan ler nou, nou vini, nou'n entrodwir en nouveau keksoz, Onorab Wallace i ofanse, i pa tro konnen, i pa tro sir, i pa tro krwar, i pa tro soz. Prezan i melanz tou keksoz dan Mosyon *Bill*. Zot, zot vini zot dir ek nou, nou pa mazin dimoun laba deor.

Mr Speaker si nou get lo *Order Paper*, pandan sa dernyen 17 mwan, ki dernyen

fwa US in anmenn en Mosyon lo pri lavi dan Lasanble Nasyonal?

E mon kestyon pou bann dimoun ki ekout zot deor konnen, ki dernyen fwa zot in anmenn en Mosyon? Ou konnen ki Mosyon zot in anmennen Mr Speaker?

Zot in lager kont Rapor *Travisory*, i anmenn larzan dan pos Seselwa sa *Travisory*, Rapor *Travisory*? Ler zot lager avek SBC, eski i anmenn larzan dan pos Seselwa sa?

Ler zot, zot pe fer sa, mon a dir zot ki nou Gouvernman pe fer,

Mr Speaker, nou Gouvernman letan zot zwenn dan *Cabinet meeting*, zot in koz lo en revizyon saler pou ou dimoun, avek sa kriz ekonomik ki nou ladan.

**(APPLAUSE)**

**HON SANDY ARISSOL**

Ler zot pe lager avek STC avek SBC nou Gouvernman li i pe revwar en trezyenm mwan saler baze lo performans bann travayer. Nou Gouvernman pa pe travay?

Letan zot, zot pe lager avek Rapor *Travisory*, nou Gouvernman li i pe ofer 500 dimoun, R300 rediksyon lo son pri elektrisite, pa pe travay

menm sa? Pa dan nou  
Manifesto sa?

E prezan sa ki enteresan,  
zis 300 ki'n vin 200, i reste  
ankor 200 plas. Nou pe kriy  
bann dimoun pou vini,  
Gouvernman pe ofer pou *Bill*.  
Gouvernman pa pe travay?

Letan COGA i fer en  
travay, i annan lezot Manm ki  
apel son kanmarad sez plen,  
sez vid, li i zwe domino o bor  
lanmer.

*(laughter)*

### **HON SANDY ARISSOL**

Selman apre i vini i dir ek nou  
lo kote i annan sez vid, sez plen.  
Lot kote osi i annan sez vid, sez  
plen.

Letan en bann i demann  
lanmwatye kestyon, lot ki  
lanmwatye i pri dan son lagorz.  
Sa osi i apel sez vid, sez plen Mr  
Speaker.

Letan STC i vini, i revwar  
pri komodite pou ki tou nou  
bann dimoun i kapab *afford*  
pou aste, eski nou  
Gouvernman pa pe travay Mr  
Speaker?

Letan *weight welfare* i  
ogmante, pou fer sir ki bann  
dimoun ki bezwen *welfare*. La  
mon repete la, bann dimoun ki  
bezwen, pa bann labi ki nou'n  
tann koz lo la dan lepase.

E pa blye ler zot koz  
*welfare*, larzan *welfare* plis  
larzan, si mon pa tronpe, 1.8  
milyon perdi kot *welfare*. Zot  
rapel lot kote, oubyen zot in  
blyie?

Selman zot anvi nou  
annan plis larzan pou donn  
dimoun. Zot bezwen vin fran e  
realis ek zot lekor!

E apre zot dir "bann  
dimoun ki pe ekout nou laba  
deor, mazin byen, ekout byen."  
E donn sa bann dimoun bann  
bon lenformasyon an relasyon  
avek sa ki pe pase Mr Speaker.

Mwan mon kontan,  
parske mon Prezidan i en  
dimoun ki rekonnnet son  
Seselwa.

Se pou sa rezon ozordi in  
pran li tou sa lannen pou li vin  
en Prezidan elekte dan nou pei,  
me pa en Prezidan 'Pas Baton.'  
Parske in rekonnnet travay ki  
son Seselwa i fer.

Letan i rekonnnet, i  
resevwar bann Seselwa ki'n fer  
byen lo nivo enternasyonal, lo  
nivo nasyonal, sa i montre  
poudir i en Prezidan ki rekonnnet  
son Seselwa.

Letan Prezidan parey in  
ganny dir boner, i pa met son  
portre dan tou lofis  
Gouvernman li, i met *the Crest  
of the country*.

Me pourtan zot lo zot kote,  
zot Prezidan ti dir, "Sesel i pli

gran ki nou tou !” Ler Sesel i pli gran ki nou tou, ki nou war, nou war son portre pli gran ki Sesel! Sa osi zot bezwen fer Seselwa konpran en relasyon avek sa.

Alor Mr Speaker, letan mon Prezidan i kontinyen fer sa ki byen pou mon pei, mwan mon pou satisfe.

Parske ozordi, nou annan kantite Seselwa ki fer byen dan sa pei. Kantite Seselwa ki fer tre byen dan sa pei. Parfwa i ganny rekonnnet lo nivo enternasyonal. Me dan son pei i pa ganny rekonnnet.

Nou’n vwar plizyer lensidan an relasyon avek naze, sov en dimoun, tousala in annan. Sa zonm plis ki 70an ki *canoe from Mahe ziska Praslin*. Sa fiy ki naz Praslin, La Digue, tousala i bann motivasyon, bann keksoz pozitiv ki i annan dan nou pei.

Sa *Bill* ki nou ava pe pase, i ava fer ki apre ki nou’n ganny rezulta *Truth* ki koz zis lo atrosite, ki koz zis lo bwiyante ek lasid, ki koz zis lo disparisyon, ki koz zis lo touy sa enn.

I ava fer ki sa *Bill* i a soulaz en pti gin nou dimoun. I a tir zot dan sa fristrasyon, dan sa lakoler ki’n egziste pandan 43an. Zot a konpran poudir, de

lot kote i annan keksoz ki mars byen dan nou pti pei.

E atraver sa *Bill*, nou Gouvernman, nou Prezidan i ava onor sa bann dimoun. Se tou ki *Bill* pe demande. E pour sa Mr Speaker, nou’n ganny dir napa finans.

Sa ki enteresan ladan, se ki kestyon ki ou kapab pe demande, kote nou pou ganny sa bann meday ki Onorab Wallace pa oule la?

Nou annan bann Konsil Onorer ki mon’n aprann Mr Speaker, ki pe fer en travay aletranze, se zot ki pe ed Sesel dan sa demars pou ki nou ganny sa bann kado, bann zoli kado pou nou kapab donn nou bann zoli dimoun dan nou pei.

Napa larzan enplike ladan sa. Tou keksoz pou zot i larzan! Non, zot in ase zwe dan larzan, la pou le moman nou pe sey asire ki tou dimoun i ganny sa ki i merite Mr Speaker.

Be ozordi letan nou’n tande poudir Prezidan Ramkalawan i devret ganny premye meday, mwan mon *happy* ek sa mwan.

Ou konnen akoz mon *happy* Mr Speaker, parske apre tou sa lannen ki’n donn son lavi pou servi sa pei, pou servi son pep, kan i kas son latet, vers son disan, e ozordi i en Prezidan, elekte, mon happy

pou li. I ti devret ganny sa depi ler i ti sermante Mr Speaker.

**(APPLAUSE)**

### **HON SANDY ARISSOL**

E sa i pa pou sa dimoun sa, i reste pou sa lofis. Demen Onorab Wallace i ganny elekte koman Prezidan, i osi nou a donn li sa ki pou li, parske i pou atase avek sa lofis.

Prezidan Ramkalawan pa pou al avek sa dan Semen Serret li. Non ! Letan mon pe koz Semen Serret Mr Speaker, i annan plizyer keksoz nou kapab koz lo la.

Par egzanp kot Prezidan i reste ozordi, eski pa i en *issue?* dan bann pei, kote Prezidan, i reste Lanmerik kot i reste? *State House.*

Premye Minis *L' Angleterre*, kot nou konnen i reste, *White House*, pou Lanmerik *White House*. Premye Minis *L' Angleterre* li i annan son *street*, ki i reste, i annan son limero, *Downing Street*. Tousala i annan.

Be ozordi Sesel tousala i bann keksoz dousman, dousman ki nou bezwen etablir, met bann norm parey sa *Bill* pe dir.

En *Order* pou ki en keksoz byen, nob, sarz, i ganny konstri

dan nou pei, avek bi pou tir nou dimoun en pe dan sa bann rankin ki'n egziste pandan 43an.

Se tou Mr Speaker ki sa *Bill* pe rode, se sa transformasyon ki nou Prezidan i koz lo la.

E se pou sa rezon lo nou kote latab, nou'n nou pou donn *full* sipor nou Gouvernman, *full* sipor pou Minis ki pe prezant sa *Bill*.

E *full* sipor pou nou Prezidan, enkli tou bann dimoun ki pou ganny zot pri rekonesan, apresyasyon, pou sa ki zot fer pou nou pei.

Zot, si zot pa anvi form parti sa transformasyon, *too bad*, selman Lopital La Digue pe ganny fer e pou fer ! Mersi bokou Mr Speaker.

**(APPLAUSE)**

### **MR SPEAKER**

Mersi Onorab. Mon napa okenn lot entervenan? Onorab Georges ou a entervenir.

### **HON BERNARD GEORGES**

Yes Mr Speaker, mon ti'n lev mon lanmen pli boner, kekfwa ou pa ti'n vwar mwan.

### **MR SPEAKER**

Wi, mon pa'n vwar ou. Wi ou kapab annan laparol.

## **HON BERNARD GEORGES**

Mersi Mr Speaker, tre briyevman. Bonn, apre midi Mr Speaker, bonn apre midi Mr Speaker, bonn apre midi Minis, tou bann, avek ou delegasyon, tou bann Manm Lasanble Nasyonal.

Mr Speaker mon regrete ki en *Bill* annan koman bi rekonnet sikse nou pei avek sikse serten son bann sitwayen, in ganny servi par Lopozisyon apre midi ankor enn fwa, zis pou fer politik bon marse. Sa i regretab.

E ler mon tann mon omolog, mon konpatriyot, mon lot *Leader* dan sa Lasanble Onorab Sebastien Pillay dir ki Lasanble i devret koz koman en Lasanble an antye, fer son travay, fer son devwar, e apre mon ekout sa ki lo zot kote latab zot pe fer anba direksyon sa *Leader* ozordi, mon demann mon lekor Mr Speaker annan de fwa, eski zot mazinen sa ki zot dir, avan ki zot ouver zot labous pou koze?

I regretab ki apre midi nou pou mank ankor en lokazyon, azir koman en Lasanble an antye, pou pas en morso Lalwa ki dan lentere nou Nasyon e non pa dan lentere sa Gouvernman ki la ozordi o

pouvwar oubyen sa Gouvernman ki pou la demen.

E Mr Speaker nou konpran akoz zot annan sa *mindset* ki zot annan la ozordi. E Onorab *Leader* Lopozisyon infer sa tre kler apre midi.

Ler in dir ki i pa vwar akoz ki Sanselye sa Lord i devret vin Prezidan. E ankor enn fwa i pe mazin zis en keksoz. I pa mazin sa dimoun ki ozordi i Prezidan *State House*. E sa mon kapab dir avek koneksyon, ki mon konnen ki zot lespri i mars koumsa.

Akoz ler mon ti en senp Manm lo *Standing Orders Committee* dan trwazyenm oubyen katriyenm Lasanble, mon blyi lekel, menm zafer, ler nou ti anvi sanz en keksoz pou donn en pe pouvwar *Leader* Lopozisyon dan *Standing Orders*, zot ki ti an mazorite zot ti, zot pa ti dakor ditou.

Akoz zot ti pe mazinen ki *Leader* Lopozisyon i Ramkalawan, alor zot pa kapab donn li okenn pouvwar.

E mon ti fatige dir zot, gete, Wavel Ramkalawan i *Leader* Lopozisyon ozordi, me demen i pou annan en lot *Leader* Lopozisyon.

E la ozordi nou'n vwar i annan en lot *Leader* Lopozisyon e tou sa bann pouvwar ki nou ti anvi donn *Leader* Lopozisyon,

zot, zot in refize donne. E ozordi se zot ki'n ganny pri dan zot prop ratyer.

E menm zafer, ozordi se Wavel Ramkalawan ki Prezidan Sesel e i pou vin Sanselye sa liniversite. Me ler i pou'n fer son 2 manda, Wavel Ramkalawan pou nepli Wavel Ramkalawan i pou nepli Prezidan Sesel.

I ava annan en lot Prezidan e sa Prezidan pou *still* Sanselye sa Lord li osi. E tou bann pouvwar ki sa Prezidan ozordi i annan, son sikseser pou annan.

E en zour ki apel en zour, mon mazinen i pou dan en bon kantite letan. Akoz mannyer zot pe ale, Prezidan pou sorti lo zot kote latab.

Li osi i pou Sanselye sa Lord e li osi i pou annan tou sa bann pouvwar ki zot, ki ozordi zot regrete ki sa enn Prezidan pe gannyen.

Alor Mr Speaker i tris. E i sirtou tris, akoz mon konnen ki sa lide la, pou annan en *national Order*, sete zot lide.

A en serten moman, zot ki ti annan en *Bill* ki zot ti pou anmenn devan Lasanble. E mon konn sa tre byen, mon pa kapab antre dan bann detay.

Akoz sa ti ganny dir dan *forum national*, ki mwan mon ti form parti ladan, anba

prezidans Mr Prezidan Michel sa lepok. Ti annan en *Bill* ki ti'n fini ganny prepare pou vin devan Lasanble Nasyonal.

E zot konnen akoz i pa'n vini sa lepok? Tre senp, akoz anba zot sistenm, Prezidan i bezwen annan tou pouvwar.

I pa kapab partaz en pti bout pouvwar avek en bann lezot dimoun dan pei, tel parey Onorab Cosgrow apre midi in apel zot bann ero.

Bann, dimoun ki'n distenge zot lekor - pa kapab. Pa kapab donn zot okenn rekonesans. Akoz tou rekonesans dan pei i bezwen *reside* avek en sel dimoun. E sa se Prezidan Larepublik.

Me nou ozordi nou pe montre ki sa ki zot, zot in refize fer, sa ki zot, zot pa'n annan kouraz pou fer, nou, nou pe fer.

E akoz nou pe fer li, akoz set en lot par dan sa transformasyon sa pei pou fer nou retourne koman en pei normal.

En pei ki azir parey tou bann lezot pei dan lemonn. Pa en *outlier* parey pandan 43an zot in fer nou vini.

Avek Sef Deta ki olye met en semiz ek en kravat, i met en semiz tou kouler an deor son kannson, an plis ki sa. Sa se bann keksoz ki nou'n viv avek Mr Speaker.

E ozordi se latas sa enn Gouvernman pou refer, re batir nou pei, remet nou lo lasenn enternasyonal. Tel parey pandan 43an zot, zot in tir nou ladan.

E sa *Bill* set en lot pa anver sa, anver sa progresyon. Nou'n ganny blanmen apre midi poudir ki sa ki nou pe fer, se nou pe zis swiv en sistenm kolonyal. Nou pe zis swiv sa ki ti la depi avan.

Mr Speaker, parey mon'n dir taler, annan de fwa mon demann mon lekor, eski zot mazinen avan zot koze? Zot blanm nou pe swiv en, sistenm kolonyal. Be zot, ki kalite sistenm zot ti swiv zot ler zot in fer zot parti annan en Komite Santral?

E i annan, Komite santral i egziste dan, zis 2 pei lemonn. *La Russie* avek *La Chine*. Ler zot ti anmenn *Pioneers* ek *Young Pioneers* avek zot scarf rouz, zot mazinen?

I egziste dan zis 2 pei, *Cuba* avek *La Russie*, ek *La Chine* kekfwa, ek Nor Korea. Ler zot ti annan, ler zot ti apel kanmarad, "Kanmarad." Zot rapel tousala?

Ler zot ti fer parti inik, kote zot ti ganny sa? Ler zot ti fer Lasanble Popiler, ler zot ti fer milisya. Ki kalite sistenm ki zot ti pe swiv zot, ki kalite sistenm

ki zot ti pe swiv? Zot in blye tousala. Mr Speaker, fodre pa nou blye, fodre pa nou vin viktim lepase.

*Emancipate yourself for mental slavery* parey Bob Marley i dir. Pa zis montre ledwa. Avan ki zot dir nou emansip nou lekor, konmans avek zot.

Demann, zot lekor, ler zot dir nou ozordi kisia ki nou pe fer pou met larzan dan pos Seselwa olye donn zot meday. Demann zot lekor, ki zot, zot ti fer pandan 43an?

Akoz zot, zot pa'n fer sa bann keksoz ki zot pe donn nou ozordi apre 18 mwan o pouvwar pou fer?

Mr Speaker, sa *Bill* parey mon'n dir ozordi, pe anmenn en nouveau letap dan renouvelman nou pei, dan restriktirasyon nou pei, dan re normalizasyon nou pei.

Mon pa pou al dan detay. Akoz Manm in koz lo la, lo ki kantite, kisia sa bann *Orders* ki zot pe fer.

Me mon ti a kontan, e se pou sa rezon ki mon'n pran laparol ozordi, akoz taler mon pou move serten amannman.

Mon ti a kontan eksplik zot en pti pe ki sa ki dan mon lespri avek sa bann amannman ki mon pe propoze ozordi. Parey in ganny dir, tou pei ki

annan en Lord nasyonal, i annan en sistenm.

Onorab Samynadin in eksplik nou sistenm *Australia*. Zot tou zot annan en sistenm pou rekonnnet serten kategori dimoun.

E nou isi Sesel nou'n anmenn, nou pe entrodwir en sistenm. Me mon ava dir zot fran, mwan personnelman mon pa ti tro *happy* avek atribisyon ki ti pe ganny donneen dan sa *Bill*.

E se pou sa rezon ki mon pe anmenn, mon pe propoz serten amannman devan Lasamble apre midi. I annan 2 fason pou nou regard keksoz.

E isi Sesel nou bezwen regard keksoz selon nou Seselwa. Bann pei parey bann pei ki annan en monarsi, ki annan en pli gran zistwar, zot annan en kantite tralala.

E kekfwa sa se pa nou fason fer. E *in fact* mon konnen ki se si pa nou fason fer.

E se pou sa rezon ki nou, olye al ganny bann gran non parey *Maurice* nou vwazen, zot lanblennm, zot meday se *Grand Order of the Star and the Key*.

Akoz lo zot *crest* i annan en *star* avek en *key*. En lakle avek en zetwal. *Grand Order of the Star and the Key*. *Companion of the most Grand Order of the Star and the Key*.

Menm *MBE* parey nou ti annan isi dan lepok kolonyal, ki annou pa blyie, ki i annan bokou Seselwa ki'n gannyen *MBE*, akoz zot travay ki zot in fer dan servis civil sirtou.

I annan ki'n ganny *OBE*. I annan en, Mrs Delombre in ganny *CBE* sibir. E sa bann tit sete bann onorifik avek bann non ekstraordiner.

*Member of the Most Excellent Order of the British Empire*. I pa nou fason fer.

E se pou sa rezon ki mon krwar ki bann ki'n drafte sa Lalwa in prefere rekonnnet, me rekonnnet dan en fason *modest*, dan en fason bokou pli *modest* ki sa bann lezot pei.

E se pou sa rezon ki zot in vin avek sa 3 atribisyon. Me mwan mon pe propoze ki mon ti annan en difikilte avek enn, personnelman. Sa se mwan, se pa personn dot, se mwan.

Mon ti vwar ki en *Medal of Appreciation* i pa ti donn sifizaman lenportans a sa dimoun ki ti pe al gannyen. Pou mwan en *Medal of Appreciation* i en pti pe parey en *certificate of attendance* ler ou'n al dan en seminar.

Ou pa'n koze ou, ou'n asiz deryer. Me ou'n ganny sertifika poudir ou'n vin sa seminar. I pa oule dir nanryen. E mwan mon'n vwar li koumsa.

Kekfwa i pa sa lentansyon e se pou sa rezon ki mwan mon pe al propoze taler ki premye medya ki pou vin pou Prezidan Larepublik i vin *the Medal of the Republic*.

Akoz? Akoz dan bokou pei, ler Prezidan i *invest* koman Prezidan, ler i pran son *oath*, i ganny en, riban oubyen en meday en stati, oubyen en kolye, ki demarke ki i Prezidan.

E etandonnen ki Prezidan i en kar Larepublik, mon pe propoze ki meyer non pou sa Lord ki pou konfye zis avek Prezidan zour i ganny inogire, pa par Wavel Ramkalawan, pou Wavel Ramkalawan, me par nou Lasanble pou tou Prezidan, aktyel e fitir, ou menm bann ki'n fini sorti.

Akoz zot in en kar larepublik.

E donk, sa 2 lezot meday ki ava reste, nou ava donn sa 2 lezot non, *Honor* avek *Merit*.

Ki mon krwar i bokou pli enportan, i annan bokou plis letof ki senpleman en meday apresyasyon.

E se pou sa rezon Mr Speaker ki mon ti anvi pran laparol apre midi avan ki nou arriv lo sa bann lamannman, pou eksplik zot en pti pe kisia ki sa *Bill* pe sey fer e ki mannyer nou kapab selon mwan amelyor

li, dan en fason ki nou prop Seselwa, akoz se nou bann Seselwa ki pou gannyen sa Lord.

Ler zot gannyen, ler zot ganny sa meday zot ava valoriz li, akoz zot ava vwar ki sa meday pe remersye zot, pe donn zot travay, zot devouman, zot aksyon en serten valer ki pe ganny rekonnet par en lenstans bokou pli o.

Alor Mr Speaker avek sa detrwa mo, detrwa parol, les mon zis fini avek en sel keksoz. Onorab *Leader* Lopozisyon in dir, ki premye aksyon sa enn Gouvernman ler i ti vin o pouvwar, se tir non France Albert René lo en semen.

Non Mr Speaker. Premye aksyon sa Prezidan Wavel Ramkalawan ler i ti vin o pouvwar, e mon a dir zot sa, akoz in *call* mwan pou dir mwan, lannmen bomaten apre son linogirasyon in *call* mwan in dir mwan.

Ou konnen ki mon premye aksyon koman Prezidan, se pou demann Lapolis al tir en paviyon *LDS* anler lo Lorloz. Sa se lafason ki sa msye i diriz sa pei !

**(APPLAUSE)**

**HON BERNARD GEORGES**

I pa fer sa ki son - sa ki Mr Renee ti fer. Setadir kraz tou sa keksoz ki i pa kontan.

O kontrer premye aksyon sete pou dir sa pei yer nou ti *LDS*, ozordi se pa *LDS* ki pou flote lo Lorloz, akoz Lorloz ek Victoria i pou tou pep Seselwa.

Alor annou pran, annou pran sa lespri dan sa *Bill* ki devan nou ozordi Mr Speaker e pas li avek sa lespri. Mon remersye ou.

### **MR SPEAKER**

Mersi Onorab. Prezan mon ava envit Minis pou fer son repons lo deba. Minis.

### **MINISTER SYLVESTRE RADEGONDE**

Mersi Mr Speaker, *Leader Lopozisyon*, *Leader Zafer Gouvernman*, Manm Onorab. Mon oule komans mon remark par lir sa dernyen paragrap dan mon remark pli boner.

Mon ti dir,

"I lekspektasyon e swe ferm Gouvernman ki sa sistenm dekorasyon e distenksyon i pa selman ankouraz e motiv nou bann sitwayen e sirtou nou lazernes pou akonpli ankor plis pou nou pei, me ki i osi ede ranforsi nou lafyerte e limite nasyonal."

Vwala ki mon ti dir, e mon'n met sa dernyen paragrap,

parske sa dernyen mesaz mon ti oule nou garde.

E mon bezwen dir ki mon osi parey serten lezot Onorab in eksprimen, mon'n en pti pe dezapwente. Mon remersye zot pou bann komanter dan en kote ou en lot ki zot in mete, zot in avanse, mon'n dezapwente avek serten komanter. E mon a komans par serten komanter ki Onorab *Leader Lopozisyon* in fer, ler in fer referans avek peryod kolonyal.

Pou mwan dir *ceci*, Sesel in pas dan en peryod kolonyal. *Obviously*, nou tou nou konnen. In pas dan en peryod kolonyal pandan plizyer lannen anba sirtou kolonizasyon Angle. I fer ki nou pei ozordi dan nou sistenm Zidisyer, nou sistenm dan Lapolis, nou annan bann relika sa pasaz kolonyal.

Lasanble, sa Lasanble i annan serten relika kolonyal. Parski si pa ti le ka, nou tou la nou ti pou dan senbou e nou ti pe zwenn anba pye sed deor. Se sa.

Donk nou'n, pran, nou bezwen pran serten keksoz, pwiz serten keksoz dan nou lespwar, adapte li dapre nou sirkonstans kot nou ete ozordi.

E se sa ki nou'n fer avek sa propozisyon meday. E Onorab Georges in fer

komanter lo la ki mon krwar i tou zis e apropriye.

Onorab Cosgrow in fer plizyer komanter, e mon oule adres detrwa.

Me enn an partikilye se sa zafer priyrite ki bann Manm osi, plizyer Manm in fer sorti, si sa i priyrite?

Regard mwan, sa Gouvernman depi la 17 mwan, in bezwen zwe avek en kantite bol dan lezer, par lefe sa sityasyon ki nou ladan.

Sa Gouvernman ki la ozordi, anba direksyon Prezidan Ramkalawan i en Gouvernman ki parey Angle i dir, '*you can walk and chew at the same time.*'

Setadir an Kreol, ou kapab marse, e si ou pa manz *chewing gum* ou kapab marse, ou pa bezwen arete, marse, apre rekomanse.

Se pou sa ki an menm tan nou pe dil ek COVID, nou pe dil ek pri lavi, nou pe dil ek touris pou rode kote zot pou antre ek tou sa bann *challenge* ki i annan ozordi dan pei.

Nou a pe fer tousala. E sa meday i en plas osi ladan, i en plas, i osi sitan enportan osi pou rekonnnet byennet nou dimoun, byennet ki Seselwa i fer pou sa pei rekonnnet, rekonnnet zot e rekompans zot par donn zot sa meday.

Donk, napa okenn problemm ladan. *Award* pou Prezidan Onorab Georges in fer referans, mon pa ti a voudre ki sa i ganny vwar koman en meday pou Prezidan Ramkalawan akoz i Prezidan la ozordi.

Sa *award* i en *award* nasyonal, ki nou espere i ava predir dan letan, dan bann lannen ki vini. Petet bann dimoun ki vini pou nouveau Gouvernman, nouveau administrasyon ki vini, i ale aziste li.

Me nou oule ki sa sistem meday, sistem rekompans, rekonnnet bann dimoun ki'n fer dibyen, ki'n donn bann zefor eksepsyonnal, nou espere ki sa i kontinyen dan listwar.

*La France* i annan en komanter ki ti a voudre war ki Prezidan pa ganny ler i sermente, Prezidan pa ganny ler i sermente, les li prouv son lekor.

*La France*, Prezidan France, *Légion d'honneur* i ganny zour i sermente. Premye zour ki i sermente. Sistem mannyer i ete, i rekonnnet sa dimoun ki pe tenir sa *post*, Prezidan Larepublik.

E se sa lide, se pa Wavel Ramkalawan, se Prezidan Larepublik. Donk mon ti a

kontan nou gard sa antet. Se sa lespri deryer.

Onorab Cosgrow parey Onorab Loze in koz lo bann *heroes, unsung heroes* dan nou pei.

Byensir i annan en kantite Seselwa ki pe travay, ki'n travay dan plizyer lannen, pa selman la. Depi avan lendepandans, pandan lendepandans, pandan letan koudeta, Parti Inik ki pe travay la.

Byensir, *nurse, teachers*, Onorab Cosgrow in mansyon dimoun dan lanvironnman e partou. Be zisteman, sa bann dimoun nou bezwen rod en mekanizm pou nou rekompans zot, rekonnnet zot.

Toultan adres an bann lezot *challenge* ki i annan avek pri lavi parey nou'n koz lo la, adres sa bann *issue*, me pa anpese.

Sa 2 keksoz i pa en zafer or meday ouswa pri lavi. Sa 2 keksoz i kapab meday and pri lavi. Se sa ki nou, se koumsa ki nou pe regarde.

Onorab Henrie in demann kestyon lo dominasyon *from public*. Mon demande si dominasyon pou servi piblik ouswa en komanter *to that effect*.

Wi, nou espere ki sa komite i ava konsilte osi larz-

man posib pou ganny *feedback from piblik*.

E nou espere ki manm piblik osi, parske nominasyon, nou espere i sorti dan piblik, ki sizer dimoun, e apre komite i ava ede pou fer sa *vetting* ki neseser avan ler soumet li avek Sanselye.

Nou espere, anfen mwan dan mon lespri, akoz se nou ki'n travay en pe lo sa propozisyon.

Dan mon lespri mon war petet i annan en sistem form ki ava met dan bann diferan distrik, Biro Administrasyon Distrik. Kot dimoun i kapab vini an plis pou *nominate* dimoun, kriter ensidswit. Be sa i zis lide ki mon pe mazinen.

I annan provizyon pou *additional awards*, wi. E nou pe ekspekte ki menm la an atandan ki sa bann *additional awards* formelman i ganny formen, se ki la par egzamp avek sa novo group ki a vini, ki a ganny prezante pour lendepandans nasyonal, i ava annan en group ki nou apel bann *special mansion*.

Bann dimoun ki in fer bann *act*, me pa a sa nivo eksepsyonnal ki i merit en meday, me ki Leta - Leta Seselwa i devret kapab rekonnnet zot.

So i ava annan en lalis zot ki ganny *special mansion* an atandan ki sa bann *special awards* i ganny formen.

Finansman meday, mon oule asir Lasanble ki okenn sa bann meday pa pe - depans pou sa bann meday pa pe sorti dan kof Gouvernman.

Wi Onorab Arissol in fer sorti. Nou *network* Konsey Onorer deor, se zot ki pe finans sa bann meday, parey *by the way* zot pe finans tou sa bann nouvo non semen.

Parske bann nouvo semen i ava annan nouvo plak pou a lokazyon Lafet Nasional, sa bann nouvo semen ki'n ganny nonmen.

E osi bann semen dan lavil *Victoria, standardized*. Tou sa bann prediksyon sa nouvo plak semen, se nou bann Konsil Onorer ki finanse.

E nou servi zot en kantite pou ammenn en kontribisyон dan devlopman sa pei ki zot reprezante. Vwala Mr Speaker, se la ki mon oule arete.

E remersye tou bann Manm Onorab pou zot kontribisyон dan sa deba. Mersi.

### **MR SPEAKER**

Mersi Minis pou ou *summing-up*. Nou'n arriv ler pou pran vot lo *general merit of the*

*Bill*, Manm ki an faver lev lanmen silvouple? Mersi. Manm ki kont?

Vot lo *general merit National Awards Bill, 2022*, 21 Manm in vot pour, 0 kont e 7 in *abstain*. Alor *Bill* in pase lo *general merit* e Madanm Clerk a fer *Formal Second Reading*.

### **MADAM CLERK**

Mersi Mr Speaker. A *Bill for an Act to make provision for the conferment of National Awards and decorations on persons who are deserving of recognition, by virtue of the extraordinary and meritorious service to Seychelles, in various fields of endeavour or acts of bravery*. Mersi Mr Speaker.

### **MR SPEAKER**

Mersi Madanm Clerk. Nou aprezan pas dan Staz Komite pou konsider bann amannman ek klarifikasyon.

Lo size amannman, mon war dan *Standing Orders* ki nou sipoze pran li dan lord ki bann *clause* i ete dan *Bill*. So nou a sey swiv sa.

E osi mon war dan bar 73 ki nou kapab pran li, swa en *clause*, oubyen *a group of clauses*. Alor nou a *combine* en pe tou lede. Mon war ki Onorab Georges son bann amannman i komans *clause 2, 3 and so on*.

Tandis ki Onorab Andre i annan en *amendment* lo 6 e Onorab Henrie lo 8.

Alor nou a propoze pran sa bann amannman *consequential* premye apre letan nou'n fini avek sa, nou ava retourne kot *Bills Committee* pou gete si i annan lot amannman teknik ki pou fer.

Savedir avek sa mon pou apel Onorab Georges pou prezant son amannman.

### **HON BERNARD GEORGES**

Mersi Mr Chair. Mr Chair, anefe mon lamannman ki mon'n *table* si zot ava regarde i pe propoz serten amannman osi dan *arrangement of section* lo premye paz.

Me *obviously* nou pa kapab fer sa tan ki amannman li menm li i pa'n pase.

Alor nou ava retourne lo la, ou plito *panel or Bills Committee* ava retourne lo la si bann amannman i pase.

Par egzanp *Medal of Appreciation* i ale, nou pou bezwen sanz *arrangement of section* par egzanp anba *First Schedule* pou sanz sa mo '*Appreciation*', pou met en lot mo.

Me avek ou permision, mon al lo *clause 2*, premye amannman ki mon pe propoze, anefe set en amannman ki

*panel* li menm li ek Minis in souleve.

E sa se ki dan son *Bill*, sa mo *Committee* ti vin avan *Chancellor* dan *definition section obviously* etandonnen ki i *alphabetical*. Sa pa ti byen. Alor mon premye propozisyon se ki nou envers sa 2 e *Chancellor* i vin avan *Committee*.

Napa nanryen ki sanze, sof ki Onorab Andre pe fer en *amendment to, proposed amendment to an amendment* pou definisyon *Chancellor* ki konmela ki konmela i *read Chancellor, Mr President*.

I pe propoze azout '*of the Republic of Seychelles*' pou fer li, pou fer li kler. E mon vwar ki panel in dakor avek sa.

*If that is the case*, mon pe propoze *on behalf of* en pwen ki Minis li menm li in souleve, e sa se pou azout en nouveau definisyon.

E sa se definisyon *conferment list* ki pou vin zis apre definisyon *Committee*, parey nou ava vwar dan mon propozisyon amannman.

Donk anba *clause 2* Mr Chair, vwala sa 3 propozisyon lamannman ki mon pe propoze. Anba *clause 3*, eski mon al lo *clause 3* oubyen nou pran en desizyon lo *clause 2* Mr Chair?

**MR SPEAKER**

Tan ki i lamannman en pe differan avek ou lezot amannman, petet ti a bon nou vot lo sa enn, *get it out of the way.*

Me selman mon, letan ou prezant sa lamannman, ou prezant li koman en Mosyon?

**HON BERNARD GEORGES**

Wi, wi.

**MR SPEAKER**

Ki bezwen ganny, so ou a prezant sa Mosyon premye.

**HON BERNARD GEORGES**

Wi Mr Chair.

**MR SPEAKER**

E nou a dil avek sa enn.

**HON BERNARD GEORGES**

Mon *move* ki, mon *move* ki sa 3 propozisyon lamannman *including an amendment to the amendment* dan definisyon *Chancellor* i ganny aprouve. Mersi.

**MR SPEAKER**

Mon a ganny segonnman. Onorab Arissol.

Mersi Mr Chair. Bonswar ankor enn fwa. Mon oule

segonn lamannman propoze par Onorab Georges. Mersi Mr Chair mersi.

**MR SPEAKER**

Okenn ki anvi adres sa lamannman? Bon be dan sa ka nou ava kapab vot lo sa lamannman. Tou Manm ki an faver lev lanmen silvouple. Mersi, Manm ki kont?

Lo lamannman premye lamannman Onorab Georges *clause 2* sa *Bills*, *Bill 21* Manm in vot pour, 0 kont e 7 abstansyon. Alors sa lamannman in aprouve par Lasanble.

Onorab Georges ou ava prezant sa lot seri lamannman.

**HON BERNARD GEORGES**

Mersi Mr Chair. Mr Chair. Lot seri lamannman i anba *clause 3* e sa i mon retourn lo mon propozisyon taler ler mon ti pran laparol, e sa se pou sanz non sa de premye *awards*. Pou lemoman nou annan *Medal of Honour* ki sipoze ganny donne a Prezidan a son l'investiser, dezyenmman *Medal of Appreciation*, e trwazyenmman *Medal of Merit*.

Mon propozisyon se ki *the Medal of Honour of the Republic of Seychelles* i ganny son non i vin senpleman *the Medal of the Republic of Seychelles*. E ki *the*

*Medal of Appreciation i vin the Medal of Honour of the Republic of Seychelles e Medal of Merit i reste.*

Setadir son trwa palye se *Medal of the Republic* premye, *Medal of Honour of the Republic* dezyenm e *Medal of Merit of the Republic*, trwazyenm. Sa se sel lamannman ki mon pe propoze a clause 3. Mersi.

### **MR SPEAKER**

Oule azout clause 9 ansanm akoz i senpleman i dan menm group. *Honorary Medal* i ankor dan ou lamannman sa? Akoz dan-

### **HON BERNARD GEORGES**

Wi Mr Chair mon ti krwar ki ou ti pou al lo clause 6 apre akoz avan 9, me mon ava pran li la wi avek ou permision.

### **MR SPEAKER**

Wi.

### **HON BERNARD GEORGES**

Dan clause 7 i annan en consequential amendment e sa se olye donn dan 7 (1) clause 7 (1) ankor enn fwa se *Medal of Honour* i vin *Medal of the Republic of Seychelles*. Menm zafer dan 7 (5) sorry 7 (6) e 7 (7).

Dan 7 (8) 7 (8) (a) *Medal of Appreciation* i vin *Medal of Honour* konman en

consequential ek dan clause 7 (9) menm zafer *Medal of Appreciation* i vin *Medal of Honour*.

E pandan ki nou lo sa clause i annan de lezot pti lamannman dan clause 7 (4) ek 7 (5). Dan clause 7 (4) mon pe propoze ki ou plito mon krwar sa se *Bill Committee* ki pe propoze me donk mon ava les *Bills Committee deal* avek 4 avek 5 Mr Chair.

Donk consequential se sa, e ler nou al dan clause 9 i annan en lot consequential amendment e la se pou mon eksplike pou mon bann dimoun ki pe swiv, sa meday ki Prezidan i resevwar ler i ganny envestir konman Prezidan, i en meday ki osi kapab ganny kapab ofer avek bann lezot Sef Deta oubyen Sef Gouvernman.

Me solman lo en tit onorifik i pa sel dimoun ki kapab ganny dan *medal of the Republic* se Prezidan Larepublik. Me i kapab ofer - Prezidan i kapab ofer sa meday avek en lot Sef Deta oubyen en lot Sef Gouvernman me dan en fason onorifik.

Alor si Lasanble i aksepte mon propozisyon pou sanz non meday ki Prezidan i gannyen pou vin "Medal of the Republic of Seychelles anba clause 9 menm propozisyon i ava swiv se

dan son *headnote* avek dan 9 (1) kot ti met *Honorary Medal of Honour* i ava vin prezan *Honorary Medal of the Republic of Seychelles*.

E sa se bann amannman non apre i al dan *First Schedule* osi Mr Speaker i annan en lot *consequential amendment*. *Medal of Appreciation* si mon propozisyon pou sanz sa pou vin *Medal of Honour* i ganny aksepte, la osi anba *First Schedule Medal of Appreciation* i bezwen vin *Medal of Honour* dan sa de landrwa kot i aparet.

Donk vwala sibstans mon bann propozisyon lamannman pou sanz non sa bann meday mersi.

### **MR SPEAKER**

Mersi ou ava prezant Mosyon pour-

### **HON BERNARD GEORGES**

Mersi Mr Chair. Mon *move* ki-

### **MR SPEAKER**

Eskiz mwan mon vwar Onorab Henrie in sinyale, eski ou pe apre keksoz la oubyen-

### **HON GERVAIS HENRIE**

Mon annan en klarifikasiyon.

### **MR SPEAKER**

Be klarifikasiyon ou ava pran apre letan nou pran sa lamannman, ok lo dernyen pwen ki in fer. So ok avan ou vot lo sa lamannman ou ti ava kontan, me akoz ou pa fer sa Mosyon apre ler nou'n segonde ou ava kapab entervenir pou demann klarifikasiyon? Onorab Georges.

### **HON BERNARD GEORGES**

Wi mon *move* Mr Chair ki sa bann propozisyon lamannman ki mon'n fek souleve, i ganny aksepte aprouve par Lasanble. Mersi.

### **MR SPEAKER**

Mersi mon ava ganny en segonnman, Onorab Arissol.

### **HON SANDY ARISSOL**

Mersi Mr Chair. Mosyon propoze bann lamannman par Onorab Georges i ganny segonde. Mersi.

### **MR SPEAKER**

Ok okenn Manm ti a kontan adres group lamannman? Onorab Henrie.

### **HON GERVAIS HENRIE**

Mersi Mr Chair. Par lefet ki dan 9 sa *Medal of the Republic* nou pou fer li *Honorary* son *insignia* akoz dan serten ka son *design* i en keksoz

ki ganny presize e i kapab vin dan en *regulation*.

*So it would be a different between sa enn ki dan President of the Republic i gannyen avek sa enn Honorary?*

Eski nou pe dir poudir pou annan en diferans dan son *design or son senbol*, son kouler bann keksoz koumsa? Mersi.

### **MR SPEAKER**

Well mon sipoze Onorab Georges i kapab adrese akoz in sa e *panel osi* i kapab adrese si zot le klarifye.

### **HON BERNARD GEORGES**

Mersi Mr Chair avan ki *panel* ki akoz panel *has the last say*. Mon mazinen ki anba clause 10 (2) kot son *Chancelier* i ava preskrir laform, *style, design*. E lafason pou port en meday i ava a sa moman fer en distenksyon ant meday ki al pou Prezidan, avek meday ki Prezidan i ofer avek bann lezot Sef Deta. Mersi.

### **MR SPEAKER**

*Panel zot annan en pwennvi lo la?*

### **MINISTER SYLVESTRE RADEGONDE**

Mersi Mr Speaker. Mersi Mr Chair mon dakor avek sa.

### **MR SPEAKER**

Ou swiv sa tre byen. Okenn lot Manm ki oule adres sa bann lamannman? Bon dan sa ka nou ava vot lo sa seri lamannman, bann Manm ki an faver lev lanmen silvouple? Mersi. Manm ki kont? Mersi.

*Sorry Onorab Georges be kot nou ete la nou'n fini? Ok so dezyenm lamannman propoze par Onorab Georges National Awards Bill, 2022 ki en seri lamannman, 21 Manm in vot pour, 0 kont e 8 in abstain. Thank you.* Onorab Georges.

### **HON BERNARD GEORGES**

Mersi Mr Chair. Mr Chair mon ti anvi zis demann leskiz *panel* akoz Minis ki ansarz sa *Bill*, e nou'n *highjack* son *Bill* e nou'n fer okenn sanzman e nou pa'n al dan kourtwazi pou demann *panel* si zot annan okenn *viewpoint*, oubyen si zot dakor avek sa bann lamannman. Mersi.

Malgre ki se nou ki Lezislater, mon krwar bon nou nou'n ganny byen elve e nou ti ava kontan ki *panel* i swiv sa ki nou pe fer.

### **MR SPEAKER**

Me Minis i still kapab prononse lo la. Mwan mon konprenezon lo sa prosedir kekfwa mon pa soz- Mon

mazinen poudir lean nou fer lamannman nou bezwen tyeke avek *panel* si i annakor avek lentansyon orizinal sa *Bill*, si i pa pe sanze. Tan ki Minis in deza adres *Bill* dan sa bann term mon krwar nou kapab ganny eskize. Me selman nou a demann Minis pou donn en mo lo lapar *panel*?

**MINISTER SYLVESTRE RADEGONDE**

Mersi Mr Chair. Mon oule asir ou ki si se a okenn moman nou pe al an deor lespri sa *Bill*, mon ava fer mon lavwa tande. Mersi bokou.

**MR SPEAKER**

Mersi. Onorab Andre son amannman, eski en lot Manm pou propoze?

**HON JOHN HOAREAU**

Mr Speaker i en pti lamannman, i pa en gran lamannman.

**MR SPEAKER**

Yes.

**HON BERNARD GEORGES**

Nou ankor lo 3 Mr Chair. Mon krwar ki *Bills Committee* mon vvar i annan enn de pti modifikasyon ki nou ariv lo propozisyon Onorab Andre.

**MR SPEAKER**

Wi be nou pou napa lot modifikasyon. Mon krwar nou kapab annan plizer modifikasyon *from Bills Committee*. So menm si i pa dan lord nou ava pran sa bann lamannman e apre *Bills Committee* i kapab pas lo zot bann modifikasyon teknik.

Onorab Hoareau ou ki pou prezant- ?

**HON JOHN HOAREAU**

Mr Speaker mon ava pas lo lamannman Onorab Clifford Andre a moman ki mon ariv lo 6 (c) - wi.

**MR SPEAKER**

Ok ou a fer li apre, dan sa ka mon ava pran lamannman Onorab Henrie. E nou a *deal* avek la apre nou ava retourn kot *Bills Committee*. Onorab Henrie ou ava prezant ou lamannman.

**HON GERVAIS HENRIE**

Mersi Mr Chair. Sa ki mon ti pe propoze dan 8(2) nou enkorpor en nouveau *subclause* 8(2) ki sa Lalwa i pe size i kler ki okenn endividé ouswa lorganizasyon a nenport moman i kapab fer soumisyon pou nominasyon pou *national awards*.

Akoz mwan anvi fer li koumsa pou ki nou pa kit okenn lespas pou k ii annan anbigite gran piblik pa kapab partisip dan sa prosesis. E ki i kler dan Lalwa poudir i la i en *clause* ki dan lezot ziridiksyon i annan. E ki malgre lentansyon *panel* ki'n travay en pe par egzanp dan lespri met form, me selman a lavenir napa okenn anbigite poudir wi i en keksoz i en prosesis ki piblik ou nenport ki lorganizasyon i annan to drwa partisipe e fer nominasyon. Mersi.

### **MR SPEAKER**

Mersi. Me dan sa ka ou ava anmenn Mosyon pou lamannman e dan ou Mosyon mon mazinen ti ava bon ou prezant sa fraz egzakt ki ou pe propoze.

### **HON GERVAIS HENRIE**

Wi savedir mon ti ava kontan wi mon ti ava kontan *move* Mr Chair ki dan *clause* 8 nou enkli en novo 8 (2) ki lir “any person or an organisation may at any times submit nominees for a national award to the Committee for its consideration” e mon ti ava kontan ki Lasanble i adopte.

### **MR SPEAKER**

Mersi nou ava ganny en segonnman. Onorab William.

### **HON WAVEN WILLIAM**

Mr Speaker mon segonn sa propozisyon lamannman. Mersi.

### **MR SPEAKER**

Okenn Manm ti ava kontan adres sa lamannman? Mersi dan sa ka nou ava vot lamannman. Bann ki an faver lev lanmen silvouple. *Thank you.* Manm ki kont?

Lo trwazyenm lamannman propoze par Onorab Henrie *National Awards Bill*, 2022, 21 Manm in vot pour, 0 kont e 8 in *abstain*. Sa lamannman in aprouve par Lasanble.

Mon prezan, eskiz mwan mon bezwen demann en pti gidans, ki nou fer pou *rearrangement of the sections*, eski sa i vin otomatik oubyen nou bezwen *deal* avek li spesifikman?

### **HON JOHN HOAREAU**

Nou pou al lo la.

### **MR SPEAKER**

Tre byen dan sa ka mon a retourne kot *Bills Committee* e nou a les *Bill Committee* pran bann leres.

**HON JOHN HOAREAU**

Ok Mr Speaker, dan sa ka nou premye lamannman ki nou pe sizere, apard bann ki'n ganny dir par sa de Onorab, se part clause 3(c) - 3(c) i ganny renumbered, related sorry.

Apre nou annan 3 (2) ki lir koumsa "the Chancellor may by regulations establish" nou pe delete sa word 'any' after 'establish', pou li kontinyen "other national awards and decorations."

Nou al lo 3 (3) ki apre dan dezyenm laliny after 'of' nou delete 'the 'e osi apre 'award' nou met en s pou fer li vin plural vin 'awards.'

**MR SPEAKER**

Panel i annakor avek sa bann propozisyon. Korek.

**HON JOHN HOAREAU**

Nou kontinyen avek subclause 4 so nou lo 4 (4) i lir koumsa -

**MR SPEAKER**

En moman silvouple, Counsel Draftsperson i oule entervenir. Yes madanm.

**LEGAL DRAFTSPERSON**  
**AMELIE NOURRICE**

Thank you Mr Chair. This is just a regarding sa ki Onorab

Henrie in dir, concerning section 8 (2).

"Where a person or organisation may at any times a submit nominees for the national award."

I was thinking perhaps maybe a better place to put it if you would agree is under section 6 where we are talking about 'the Committee shall consist of six members and the committee shall consider nominations.' Do you think maybe it could be better place there? Yes?

**MR SPEAKER**

Sorry madanm, you are on 6 Bills Committee.

**LEGAL DRAFTSPERSON**  
**AMELIE NOURRICE**

Yes.

**MR SPEAKER**

Ou pe konsider clause 6 la?

**LEGAL DRAFTSPERSON**  
**AMELIE NOURRICE**

Yes I am proposing that with regards to the new provision that Honourable Henrie in propoze, be move to somewhere under section 6, so that it's a better flow, because this is where we talk about the nominations. Is that ok? Non?

**MR SPEAKER**

Okenn Manm ki oule adres sa? Yes Onorab Georges.

**HON BERNARD GEORGES**

Mr Chair mersi. Mon vwar egzakteman sa ki *Legal Draftsperson* i pe dir, *the only problem is the headnote is National Awards Committee.*

E si nou pe azout en clause ki pou permet piblik anvoy nominasyon *we may have to change the headnote.*

Me mon dakor avek li ki *it's better that it's 6 than in 8.* Akoz 8 li osi son *headnotes* i *and presentation of awards* e apre ki bann *nominees* ki ganny resevwar.

So mon pe *think aloud* e mon pe zis regarde ki nou devret pe fer si nou devret - wi mon krwar kekfwa ki nou devret azout li *right at the end of 6 maybe.* Nou fer li vin 6(7). Malgre ki dan *headnote is National Awards Committee* i annan en pti *link* avek sa ki letan donnen ki piblik ki bezwen *address the Committee* avek zot sizesyon. So-

**MR SPEAKER**

So please repet pou mon oule azout dan clause 6 en subclause 7? Is that it?

**HON BERNARD GEORGES**

Wi anfen nou bezwen- Si nou regard li byen Mr Chair 6 establish the Committee 6 (1) e 6 (2) i dir lekel dimoun ki pou dan sa komite - *that's fine.*

6(3) then says the Committee shall considered any nominations. Alor dan en serten fason nou bezwen fer nomination to public antre avan ki zot konmans konsidere.

So it should ideally be under 6, be a new 6 (3) maybe i vin 6 (4) if you what I mean.

**MR SPEAKER**

Well.

**HON BERNARD GEORGES**

E menm la i disrupt the tidy method of progressing.

**MR SPEAKER**

Legal person i a kapab gid nou lo la. Me selman mon ti a mazinen poudir, si ou a permet mwan, pou dir the place to insert it is 'with the Committee shall consider any nominations and supporting materials.' Ki at this point, this is were you can insert 'that Members of the public may make nominations.' Koumsa i ava al ansanm avek sa clause ki dir komite i a konsider nominasyon.

Selman mon ava les sa avek Onorab Georges, ek Legal

*Counsel apre bann Manm ava kapab regarde.*

**HON BERNARD GEORGES**

*Well Mr Speaker, mersi. Sel fason ki nou pou kapab fer li flow se ki nou azout – se ki nou pa servi menm parol me nou servi lespri. E under 3(a) at the end, “consider any nominations and supporting material received in respect of a person who is to be considered for appointment to the Order, the Committee shall consider upon upon appointment of the Order” ou bezwen azoute la ‘and the Committee for this purpose may receive nominations from the public.’*

*So, then it flows. Mon krwar si nou servi en formil koumsa, we get the spirit but not necessarily the words. Mersi.*

**MR SPEAKER**

*Ki link li avek Committee. Yes, panel? Can we have an opinion please?*

*May I ask a question. Kantmenm Speaker, mon bezwen demann en kestyon. Yes AG’s Counsel?*

**LEGAL DRAFTSPERSON  
AMELIE NOURRICE**

*Thank you, Mr Chair. I will just like for us to consider this one, I*

*think it’s in line with what Honorable Bernard Georges said previously. What if under subsection 3 we add a subsection 4 which says ‘a nomination under 3(a) may include a nomination from any other person or organisation?’ Something to that effect?*

**MR SPEAKER**

*Onorab Georges ou annan en propozisyon?*

**HON BERNARD GEORGES**

*Non, mon annan en reaksyon a sa ki legal draftsperson in propoze.*

*Problem avek sa se ki its breaks the flow, 1, 2, 3 and then 4. Nou still pe koz lo komite e in the mean time nou’n insert en lot keksoz.*

*I think, pa akoz mwan ki’n propoze. In fact it was not my idea in the beginning. Me mon krwar i antre pli byen dan 3. If it says, ‘the Committee shall consider any nominations and supporting material received in respect of a person who is to be considered for appointment to the Order’ e nou azoute ‘and for this purpose the Committee may receive nominations from any person or organisation.’*

*So, we are still talking of the risk, considering of nominations received. Mon ti a*

vwar li, si i antre la, *the flow of section will be better Sir.*

*But I incline to the wisdom of the legal draftsperson. Mon pa en legal draftsperson.*

**MR SPEAKER**

*Panel?*

**LEGAL DRAFTSPERSON**  
**AMELIE NOURRICE**

*Ok, that's fine. Thank you.*

**MR SPEAKER**

*Panel has agreed. Ok, bann Manm i kler lo sa. Any other comments? Nou kapab aksepte sa? Ok.*

*Nou a kontinyen Onorab Hoareau. Sorry, yes.*

**HON BERNARD GEORGES**

*Eskiz mwan Mr Chair. Eskiz mwan. Having said this, I don't like any person or organisation. Mon krwar ki lespri la se consider any nomination from any member of the public. Mon krwar that's the idea. Non?*

*Would it be better, instead of saying 'from any person' akoz deza nou'n fini mete at the beginning, 'received in respect of a person who is to be confirmed, and for this purpose the Committee may receive nominations from any member of the public. ' Ki ava include osi*

*en organisation or any member of the public or any -*

*Mon mazinen ki Onorab Henrie ler i ti dir person or organisation i ti anvi fer sir ki en endivid i oubyen en NGO oubyen something. E nou pa devret perdi sa lespri.*

*(Off-Mic)*

**HON BERNARD GEORGES**

*Well, let's leave it as a person or organisation. Mersi.*

**MR SPEAKER**

*If I can make a comment Onorab Georges. Akoz i dir any person. Mon krwar 'any person' i synonymous avek a member of the public. Bon nou kapab move on? Onorab Hoareau, what's next?*

**HON JOHN HOAREAU**

*Nou al lo Clause 4(4) kot, 4. (4)(a) after the word 'secretary' nou insert 'of the Order'. Nou al lo 5(a) subclause 5(a) after the word 'to' nou include the word 'the' or 'the Order'.*

*5(d) after the word 'to'-'admitted to' nou include 'the Order' ankor.*

**MR SPEAKER**

*One second. Yes, Onorab Georges.*

**HON BERNARD GEORGES**

Mersi Mr Chair. Lo 5(d) mon ti anvi gidans *panel*. Se annefe en sizesyon ki mwan mon ti'n fer avek *Bills Committee*, me *reading it*, eski sa ki zot anvi dir se procure the insignia in respect of any person admitted to the Order as a whole? Or admitted to an award? E mon pa ti tro sir whether it was the word *Order* that was wrong there or whether the word 'an.' E donk mwan mon'n fer en propozisyon avek *Bills Committee* that it should be the *Order*, me the insignia mon krwar pou annan diferan *insignia* for each award if I'm not mistaken.

So, mon pe demann mon lekor what will be the proper word pou 'd?' Any person admitted to an award or to the Order? Generally. Mersi.

**MR SPEAKER**

Thank you. Panel please.  
Minis, yes.

**MINISTER SYLVESTRE RADEGONDE**

Mersi Mr Chair. Ou kapab re lir sa propozisyon? Mersi.

**HON BERNARD GEORGES**

Wi, 5(d). The question is procure the insignia in respect of any person admitted to. Should it be

to an award or to the Order? So, ki zot lespri under 5(d). Is it specific to a particular award oubyen to the Order in general?

Definitely an Order was wrong because there is only one Order right now. So, it has to be the Order but you could also be referring to the insignia of an award. Akoz i annan 3 insignia pou 3 awards. It makes no great difference which one it is. Me mon ti a kontan konnen ki sa ki dan zot lespri.

**MR SPEAKER**

Yes. Panel i pare pou adres sa please. Yes. Yes madanm draftsperson.

**LEGAL DRAFTSPERSON  
AMELIE NOURRICE**

Thank you Mr Chair. We do agree with Honorable Georges suggestion. It should be the Order. The Order.

**MR SPEAKER**

Ok, lezot Manm nou dakor avek sa? Ok, we will continue. Onorab Hoareau.

**HON JOHN HOAREAU**

Nou kontinyen, 6(3)(a) parey nou'n ganny dir in re ganny modife. Alors nou kontinyen nou al lo 6(5) first line after the word 'have' nou tir the - 'have effect as.'

Apre nou al lo 6. *Following?* Se la kot lamannman Onorab Andre i antre. In demande pou *delete* ‘shall,’ pou met li koman *may after ‘there’*. So, *there may be paid*.

**MR SPEAKER**

Byen, nou a *pause* lo la. *Panel?* *Panel* i aksepte. Manm? Ok, it is accepted, Onorab Hoareau, kontinyen.

**HON JOHN HOAREAU**

To the Members of the Committee. Right? So, of the Committee such allowances. So, i annan ‘of the Committee’ ki’n ganny added la.

**MR SPEAKER**

To the Members of the Committee. Well. *Panel agreed?* Thank you.

**HON JOHN HOAREAU**

Nou pou sot bann *consequential amendments* ki’n deza ganny fer par Onorab Georges. Nou pou al lo 7(4) ki lir koumsa. Sub section 1, ‘shall not apply to a person who is re-elected as President and who has already had’, nou tir sa word ‘been’ nou met ‘had conferred upon’, nou tir ‘them’ nou met ‘him’ or ‘her.’

**MR SPEAKER**

*One second please, mon krwar i annan en pti problem language la. Onorab Georges.*

**HON BERNARD GEORGES**

Non, pa lo sa Mr Chair. Mon ti anvi zis, *akoz mon krwar ki nou legal adviser pe track sa ki nou pe fer*. Mon vwar ki dan mon lamannman 2(7)(1) i annan en *definite article* ki manke *at the beginning*. I pa komans zis ‘Medal of the Republic’, it should be ‘The Medal of the Republic’. Alors zis pou nou pa perdi sa. Mersi.

**MR SPEAKER**

7(1).

**HON BERNARD GEORGES**

*First word should be ‘The’ and not ‘Medal. So, it reads ‘The medal of the Republic of Seychelles.’*

**MR SPEAKER**

*Panel. Ok, panel in dakor. Onorab Hoareau ti’n arriv dan-*

**HON JOHN HOAREAU**

7(4). 7(4) i ok? Nou al lo 7(5), i lir koumsa, ‘on his or her assumption of office.’ So, nou remove ‘the’ nou met his or her.

**MR SPEAKER**

*Yes panel?*

**LEGAL DRAFTSPERSON MS  
AMELIE NOURRICE**

*Yes, we do agree. Thank you Chair, we do agree except for 7(4). Now that we have proposed a Medal of the Republic, shouldn't 7(4) also reflect that or is that something different? Ok.*

**MR SPEAKER**

Yes Onorab Esparon.

**HON REGINA ESPARON**

Mr Speaker, mon ti zis anvi klarifye en keksoz la. Annefe sa subsection 4 la i dir koumsa poudir si en Prezidan i ganny re elekte i pa pou entitled pou ganny sa meday. Me dan ka kot en dimoun in deza ganny sa honor li, e sirtou lo meritorious la, eski i kapab ganny en repeat award? Eski son non i kapab ganny re nominen pou li kapab ganny en lot?

Dan ka kot en piblik. Si i fer en lot keksoz diferan?

**MR SPEAKER**

Wi, eski ou le dir par egzanp si in ganny the Medal of Merit pou li ganny the Medal of Honor par egzanp? Is that -?

**HON REGINA ESPARON**

Les dir premye i ti sov en dimoun pe noye, dezyenm in atrap en pti baba ki pe tonbe

oubyen in sov en bis kot pe tonm dan ranpar.

**MR SPEAKER**

*Ok, mon konpran ou kestyon. Wi Onorab Georges.*

**HON BERNARD GEORGES**

Mr Chair, si ou permet mwan. Par egzanp si sa Order ti la depi 10an pase, Onorab Ramkalawan pou sa travay ki in fer, i ti pou'n deza ganny Medal of Merit, Medal of Honor ler i ti vin Prezidan i ti pou ganny Medal of the Republic of Seychelles as well. Ou kapab akimil keksoz.

**MR SPEAKER**

*So, ou pe dir wi i posib. Panel i aksepte sa?*

**MINISTER SYLVESTRE  
RADEGONDE**

Wi Mr Chair, napa restriksyon. Mersi.

**MR SPEAKER**

*So, klarifikasyon Onorab Esparon i sa. Onorab Hoareau.*

**HON JOHN HOAREAU**

Mr Speaker, vi ki 8(2) in ganny retire, in ganny met pli avan, nou pou annan en renumbering. Me selman mon pa pou al an detay lo sa renumbering. But

*the AG will take note of renumbering.*

I annan osi de propozisyon ki ti'n ganny fer par Onorab. *Ok, yes. Sorry,* lo 8(3) i annan en pti amendment ankor lo la ki nou'n propoze. *Second line after the word '30 days', nou tir 'of' nou met 'before' - Before National day.*

Apre sa i annan 2 propozisyon, lamannman ki ti'n ganny table par Onorab Henrie. Mon ava les li dir zot si i pe retir sa lamannman ou non. Mersi.

### **MR SPEAKER**

Onorab Henrie from Bills Committee, yes.

### **HON GERVAIS HENRIE**

Wi, Mr Chair. Nou ti pe propoze ki sa lamannman i ganny garde, me nou pe retire. Nou pe retire sa propozisyon, so we are accepting what the panel ti'n propoze an premye lye pou delete 3 and 4 and add a new 3.

Nou lo 8 la. So, we are accepting the proposal, the panel in fer. Mersi.

### **MR SPEAKER**

So- Me, is that proposal konmsi dan text Lalwa deza la? Excuse me, mon krwar mon pa pe tro swiv ki pe pase. Can you clarify?

### **HON GERVAIS HENRIE**

Mr Chair, orizinalman ti annan en 8(3) avek en 8(4). Apre panel ti delete the original 3 and the original 4, e zot ti vin avek en novo 3 ki lir 'the Chancellor may make announcement.' Prezan Bills Committee avan ti pe dir non, retenir the original 3 avek 4. Me apre konsiltasyon ankor dan nou caucus yer swar nou'n dir non, nou pou dakor pou al avek the position ki panel in pran. Savedir tir 3 and 4 and adopt the new 3. I kler.

### **MR SPEAKER**

*Be, my question is, is the text as you are referring to the way it is here?*

### **HON GERVAIS HENRIE**

Wi. Nou krwar dan marginal note i annan en fot. Kot i mete 'panel agrees to retain previous' Nou krwar i en fot sa.

### **MR SPEAKER**

Onorab Georges nou a klarifye.

### **HON BERNARD GEORGES**

Yes, Mr Chair. Mersi. Annefe si zot lir mon bann propozisyon amannman. Mon ti'n fer sa propozisyon pou replace 3 and 4 with a new 3. E sa sete en propozisyon ki Minis ek panel

ti'n fer e mon'n met li dan mon bann propozisyon lamannman.

Me ler mon'n vwar sa marginal note ki dir ki 'panel has agreed to retain the original 3 and 4' mon pa'n move sa amannman pli boner. Se pour sa rezon. Sansan mon ti ava'n move pou sa amannman.

Alors si sa se le ka, si nou pe al avek propozisyon ki Minis ti'n enskri mwan dan sa detrwa dernyen zour, mon ava move as per my notice of proposed amendment pou nou delete 3 ek 4 in the original text e pou nou insert the new 3 tel parey Onorab Henrie in eksplike. Mersi.

### **MR SPEAKER**

Be - yes panel?

### **MINISTER SYLVESTRE RADEGONDE**

Mr Chair, zis pou mwan kler dan mon latet. Sa novo 3 ki nou annan wording, akoz mon pe travay lo en dokiman la ki'n track change en pe all over the place. Ou kapab lir sa 3 silvouple? Mersi.

### **HON BERNARD GEORGES**

The new 3 reads, 'the Chancellor may make announcements may make announcement on the conferment of awards or make

appropriate arrangements for conferment, where conferment is not possible on the aforementioned date.'

### **MR SPEAKER**

Sa i vin 8(3) sa ou pe dir? Panel i aksepte sa amannman? Ok. Panel. Manm. Thank you, ok. Onorab Hoareau.

### **HON JOHN HOAREAU**

Prezan, nou pou move lo 10(2) akoz leres i bann numbering avek bann lamannman ki'n deza touse.

10(2), dezyenm laliny after the word 'and' deletion of the word 'wear'. Insertion of the word 'method of wearing.'

### **MR SPEAKER**

So, ok. Panel. Panel i aksepte, wi.

### **HON JOHN HOAREAU**

Nou al lo 10(5). 10(5) lo second line after the word unless, nou include the word 'the'.

Nou al lo 11. 11(b) second line, nou ti dir 'the Chancellor may revoke the', nou tir 'their' 'the national award conferred upon the person. 'Ok.

Prezan.

### **MR SPEAKER**

Eskiz mwan, mon a ganny pwennvi panel lo sa enn. Ok.

**HON JOHN HOAREAU**

We go onto 13(1). After the word ‘submit’ - ‘his or her’ is inserted.

Nou al lo 14(c) second line, after the word ‘termination or’ nou include ‘where’ he or she’, bla bla bla.

Apre i al lo dernyen laliny lo sanmenm sa paragraf. I annan en comma after ‘may be’ apre i annan shall be published in the Gazette.

**MR SPEAKER**

Sorry, dan sa clause la ou pe dir ou pe azout keksoz?

**HON JOHN HOAREAU**

Yes, after the word ‘may be,’ i annan ‘comma’ – ‘shall be published in the Gazette.’

**MR SPEAKER**

Yes, Onorab Georges.

**HON BERNARD GEORGES**

Mr Chair eskiz mwan, e mon bezwen pran responsabilite pou sa enn, in fact clause 14 son chapeau in deza dir, “shall cause to be published in the Gazette, the appointments to the Order, the names of all the members and where a person ceases to be a member” bla, bla, bla, “the termination or restoration as the case may be.”

Rezon ki mon ti'n propoz avek Bills Committee pou fer sa, se ki dan premye propozisyon Lalwa ti napa en punctuation mark apre ‘be’ e mon ti krwar ki zot ti'n omit poudir ki sa ki pou arive but in fact they’ve already put it in the chapeau.

So basically, etandonnen ki dan chapeau deza i dir ‘it will be published in the Gazette’ mon pa krwar ki nou devret azout sa dezyenm ‘shall be published in the Gazette.’ I vin surplus to requirements.

**MR SPEAKER**

So i reste mannyer i ete la.

**HON BERNARD GEORGES**

As the case may be e i devret annan en full stop kot ti napa avan.

**MR SPEAKER**

Ok.

**HON BERNARD GEORGES**

Apologies for this. Mersi.

**MR SPEAKER**

Nou a kontinyen please.

**HON JOHN HOAREAU**

Ok, nou al lo 16(2), non, sorry it's ok 16(2). First Schedule in fini ganny travay i la. Ok, First Schedule nou lo (a) (b) kot i dir “has performed an outstanding

*act of bravery,” koman “kindness or humanity” nou add ‘to any person.’*

### **MR SPEAKER**

Wi. Onorab Georges?

### **HON BERNARD GEORGES**

Mon ti a prefere war *shall be published in the Gazette as a statutory instrument*, oubyen a ‘as subsidiary legislation’ en mo koumsa, rather than ‘subsidiary instrument.’

Akoz *subsidiary instrument* parey mon'n dir unless it's a new legal term ki mon pa familye avek, i kapab mean plizyer keksoz e non, pa sa ki zot anvi ki i - *In fact by order published in the Gazette i sufficient. We can put a full stop after ‘order’ akoz an order is itself an S.I.* Mersi.

### **MR SPEAKER**

So ou propozisyon se ki ou aret lo *Gazette* avek en *full stop*?

### **HON BERNARD GEORGES**

En *full stop* apre *Gazette*. Yes. Mersi.

### **MR SPEAKER**

I delete sa 3 mo ki swiv. *Panel*. Onorab Georges mon aprann ki ou *microphone* ti off letan ou'n dir sa. So ou pou bezwen repas

lo sa propozisyon. Me you can go through what you proposing.

### **HON BERNARD GEORGES**

Yes, avek plezir Mr Chair mon a fer li vitman. Sa 2 dernyen mo dan sa *clause 16(2) subsidiary instrument* parey mon ti pe *query*, mon konpran sa ki zot lentansyon se ki i *subsidiary legislation* i en *S.I.*

Me *subsidiary instrument* is not a legal term unless i it's a new legal term used by bann legal draftspersons e la mon ava enklin mwan devan zot. Me if it's not mon ti pe zis propoze ki nou dir nou aret li apre *Gazette*. So we say ‘may amend the schedule by order published in the Gazette, because an order is an *S.I.* anyway. Mersi.

### **MR SPEAKER**

Mersi. *Panel* in aksepte sa. Manm i ok? Thank you. Onorab Hoareau.

### **HON JOHN HOAREAU**

Mr Speaker nou ti annan enn lo (b) *First Schedule (b) after the word ‘humanity’ to include ‘to’ eski i ok?*

### **MR SPEAKER**

*Humanity ‘to any person?’ Yes.*

### **HON JOHN HOAREAU**

*Ok, so we move to Third Schedule 5(1) last sentence period for which - nou tir 'such'. Ok.*

**MR SPEAKER**

*Which dan plas such. Dan 5(1) thank you.*

**HON JOHN HOAREAU**

*Nou al lo 6 second line carrying out of, nou tir it's nou met, nou include' the committee's.*

**MR SPEAKER**

*Panel olye it's, the Committee's functions. Ok agreed.*

**HON JOHN HOAREAU**

*Mr Speaker mon krwar sa. non, i annan enn dernyen Fourth Schedule, to include lo first line from a ribbon.*

**MR SPEAKER**

*Panel in konpran sa? Nou lo Fourth Schedule. Yes Minister.*

**MINISTER SYLVESTRE RADEGONDE**

*Mr Chair mon pa konnen ki sa 'riband' akoz ki nou pe servi riband la instead of 'ribbon' ki en langaz ki nou pli familye avek. A 'ribbon' instead of 'riband.' 'Riband' is ok but si nou pe met li dan langaz ki nou tou nou servi.*

**MR SPEAKER**

*Eskiz mwan Minis are you talking about the way 'riband' as compared to ribbon? Ok.*

**MINISTER****RADEGONDE**

*It's a ribbon.*

**SYLVESTRE****MR SPEAKER**

*Ok. So ribbon, ok from a ribbon. is that what the wording should be. Ok, from a ribbon, is the wording. Thank you.*

**HON JOHN HOAREAU**

*Mr Speaker sa ti dernyen. Mersi bokou.*

**MR SPEAKER**

*Bon, sa ti dernyen, alor nou'n aksepte bann amannman e zot they are now part of the Bill, so avek sa nou a retourne dan Staz Komite, pou nou vot lo Third Reading. Dan Staz Lasanble sorry, dan Staz Lasanble. Mon pou ganny Mosyon pou Third Reading silvouple. Onorab Arissol.*

**HON SANDY ARISSOL**

*Mersi Mr Speaker. Ankor enn fwa bonsuar a tou sa ki pe akout nou. Anba Order 76(1) mon move ki Bill National Awards Bill, 2022 (Bill No. (9) of 2022 as amended i ganny lir en Trwazyenm Fwa. Mersi.*

**MR SPEAKER**

Mon a ganny en segonnman pou Mosyon silvouple. Onorab Henrie.

**HON GERVAIS HENRIE**

*Motion seconded Mr Speaker.*  
Mersi.

**MR SPEAKER**

Mersi. Nou a vot lo Mosyon for *Third Reading*, Manm ki an faver lev lanmen silvouple. Mersi. Manm ki kont? Lo *Formal Third Reading National Awards Bill, 2022 as amended*; 21 Manm in vot pour, 0 kont e 8 in *abstain*. Donk *Bill* in aprouve pare Lasanble. Madanm Clerk a fer *Formal Third Reading*.

**MADAM CLERK**

Mersi Mr Speaker. *This Act may be cited as the National Awards Act, 2022.* Mersi Mr Speaker.

**MR SPEAKER**

Mersi. *Bill is passed.* Mon a remersye tou bann Manm e *panel* pour zot long travay. Mon swet *panel* bon retour e pou kontinyasyon zot travay. Pou bann Manm nou a rezwenn demen bomaten. Sorry Onorab Henrie kwa i-?

**HON GERVAIS HENRIE**

Mr Speaker anba *Order 40* mo ti oule lev an *matter of privilege* me solman mon ti ava *ok si ou ti kapab eskiz panel* akoz i en zafer Lasanble, ou ti ava kapab donn mon parol apre.

**MR SPEAKER**

Eskize nou a les *panel* ale avan.

**(MINISTER RADEGONDE AND HIS DELEGATION WAS EXCUSED FROM THE HOUSE)****MR SPEAKER**

*Matter of Pprivilege* Onorab Henrie i en keksoz ki fek arive la, oubyen-? *Ok si i fek arive la* mon a les ou *raise li*.

**HON GERVAIS HENRIE**

Mon ganny laparol Mr Speaker?

**MR SPEAKER**

Yes.

**HON GERVAIS HENRIE**

Wi so anba *Order 40(2)* ki dir '*provided that if during a sitting of the Assembly a matter suddenly arises.*' So mon pe atir ou latansyon-

**MR SPEAKER**

*Si i suddenly arise - wi.*

**HON GERVAIS HENRIE**

Atir ou latansyon wi. I konsern en post ki Onorab Loze in poste

lo mwan an partikilye avek *proceeding* ki'n deroule bomaten dan Lasanble, kot in fer referans avek konversasyon lo zafer 110 dimoun ki pe ganny *welfare* e lo kestyion ki mwan mon'n anmennen.

Mr Speaker mon'n lev sa size parske mwan mon en Manm ki'n ganny met deor dan Lasanble dan lepase, akoz keksoz ki'n ganny ekrir lo *Facebook* pandan letan Lasanble. E i al kont lespri nou Kod Kondwit partikilyerman dan *schedule 2* kot i koz lo *public trust*.

Akoz letan en Manm Lasanble i fer bann komanter dan piblik lo Lasanble Nasyonal e Kod Kondwit 6 i dir;

*"Members shall at all times conduct themselves in a manner which will maintain and strengthen the public trust and confidence in the integrity of the assembly and never undertake any action which may bring the assembly or its members generally into disrepute."*

E savedir letan nou, nou pe travay li i pa la, mon pa konnen kote i ete e i pe fer sa bann kalite remark ki anmenn, ki afekte lantegrite Lasanble Nasyonal. Sa mon ti anvi atir ou latansyon Mr Speaker. E mon ava fer ou ganny sa ban *post* ki in mete lo *Facebook*. Mersi.

### **MR SPEAKER**

Menm ki i *mater of privilege*, menm ki sa *matter in arise* la, mon pa santi mon kapab donn en *ruling* lo la san ki mon konnen kisia-

*(Interruption)*

### **MR SPEAKER**

Eski mon kapab ganny permisyon pou koze silvouple? Tou Manm mon pe dir. Mersi. Mon pa santi ki mon kapab fer en *ruling* lo la san ki mon war ki i annan dan sa *post*.

Vreman mon pa kapab al pli lwen ki sa *at the moment*. Mon konnen i en *issue* pou Lasanble. Solman mon a zis dir li sa size mon ti anvi dir en keksoz lo la, mwan i kler pou mwan ki Minis ti dir dan Lasanble ki i annan 4600keksoz dimoun ki pe ganny *welfare*, e *sorry* e ki sa 112 i en nonm dimoun ki pe benefisyen anba sa revizyon ki zot in donne dan '*waiting*'.

Mon pa krwar poudir i annan okenn lot mannyer enterpret s aki ti pase dan Lasanble ozordi.

### **HON WALLACE COSGROW**

*(Off-Mic)*

**MR SPEAKER**

Mersi Onorab Cosgrow sa in terminen.

(*Interruption*)

**HON WALLACE COSGROW**

Mon a kapab eklersi sa pou ou si Mr Speaker ou pa'n ganny li byen. Mwan mon kapab eklersi sa pou ou.

**MR SPEAKER**

Mon pa krwar i annan naryen pou klarifye, pou eklersi. *This is the way it was, thank you.*

**HON WALLACE COSGROW**

*It was not like that Mr Speaker, it was not!* Sete mon kestyon e mon kapab eklersi si Mr Speaker pa'n ganny li byen.

(*Interruption*)

**MR SPEAKER**

*Sorry.* Onorab Cosgrow mon'n terminen lo sa size. Onorab Pillay, *what is it a point of order?*

**HON SEBASTIEN PILLAY**

Mersi Mr Speaker. Mr Speaker mon oule *raise a matter of privilege* ki fek *arise la ok?*

Dapre mwan mon leksperyans pou mwan dan Lasanble ler en Manm in ganny *misrepresented* sa ki in dir, dan sirkonstans sa ki in dir dan

sirkonstans sa ki'n arive ek Onorab Loze lo sa 110 or *whatever* ki'n ariv en diskisyon.

Se sa lot manm ki *aggrieve* ki li i bezwen *challenge* sa ki Onorab Loze in dir. Me i paret mwan poudir i annan, mon pa pe dir ou, e i paret ki i annan en *vendetta* kont Onorab Loze, Onorab Loze i en politisyen dan Lasanble Nasyonal. Dernyen fwa e mon pe dir ou sa akoz mon pe sey etablir en *pattern* konportman kont Onorab Loze.

Onorab Loze in ganny met deor, i deor i dan domenn piblik, 6er in sonnen, *usually* Lasanble i fini 5er. Onorab Loze in met en *posting* lo *Facebook* nou'n pran en pake letan pou diskit en size lo size meday *which is privilege* Lasanble pou fer li, e nou vin anmenn en *matter of privilege* kont sa ki Onorab Loze in ekrir lo sa *post* ki ou Mr Speaker ou pa ankor war, ki personn pa ankor war ki zis Onorab ki'n war.

E dernyen fwa Mr Speaker mon ole met devan ou, dernyen fwa ki Onorab Loze ti ganny met deor ti menm annan en *attempt* pou tir Onorab Loze ki fek sorti dan en gran loperasyon, lapli pe tonbe tir li dan *precinct* Lasanble e anvoy li an deor *precinct* Lasanble.

(*Interruption*)

**HON SEBASTIEN PILLAY**

So mon oule montre poudir, mon oule montre poudir i annan en *pattern*, en *pattern* viktimizasyon kont Onorab Loze ki mon krwar pa *stand byen*. E pou fini Mr Speaker pou fini, mon antyerman siport sa ki ou pe dir ki ou pa kapab donn en *ruling* lo sa.

Me mon pou osi demann bann Manm ki oule eksplik keksoz i tre senp, Lasamble i annan en *verbatim*, Speaker ou ava get sa *verbatim* e ou ava fer ou determinasyon, e mon krwar ou parfetman kapab fer sa. Mersi.

**MR SPEAKER**

Mersi. Mon krwar mon pa bezwen *rule* lo sa *matter of privilege*. Mon a pran aksyon lo sa ki mon'n dir avek Onorab Henrie lo son *matter of privilege*. Nou ava *adjourn* e Lasamble i ava repran demen bomaten 9er. *Adjourn*.

**(ADJOURNMENT)**